

## Luka Kulemgoep

*Lukanje Yesugât den pat âlepne kulemgoep.*

<sup>1</sup> Apo Teopilo, Luâk âmbâle biknande Yesu olowâk maliņe wan me wan bunne nengât tânâmnennân miawagep are ekmâ keinjânbak dâm luâk hârok maknengiyi. <sup>2</sup> Dâm maknengimbiâ luâk unduwâkne den pat are heņgemgowerâm kulemgoyi. <sup>3-4</sup> Akto gâņe keinjânbak den pat are nâņgâen gârâmâ kulem esenņe ire oyaņmâ keiņe nâņgâm heņgemgowiatgât den pat are hârogâk heņgemgom tâņ tâņâk kulemgom katgindân. Den pat are hin.

*Aņeloņe Sakaria miawagep.*

<sup>5</sup> Uņgunân Herotene Yudaia yengât luâk humo malep. Mando âmâ yâk yengât sumbe kat kat luâk siâ malep kotņe Sakaria, yâk Abia yâkgât kâmolân gâtņe akto yâkņe âmbâle siâ kotņe Elisabete are âmâ Aroņ yâkgât kâmolân gâtņe are miep. <sup>6</sup> Akto Anutugât dewunņân manmâ bâleņe bo akminiat. Âlepne manmâ Anutugât den are lokom manmâ gayiat. <sup>7</sup> Akto luâk âmbâi lâuwâ are gupin akmâ manmâ gam sâmbâ agiat.

<sup>8</sup> Akto sumbe kat kat luâk yâkņe amboņân amboņân akmâ Anutugât sumbe omini. <sup>9</sup> Akto omini aregât sop tâlâgumbo âmâ humomolupņande hin dâyi, “Sakaria Anutugât biwiņe geâkgât wan me wan omenâ higenņe agalâk.” dâmbiâ, sumbe kat kat emetņe ain âgâep. Âgâm sumbe

ondo âmâ <sup>10</sup> luâk âmbâle bikɲande sumbe kat kat emetɲe aregât kâlegen gam Anutu ulilaɲmâ kili. <sup>11</sup> Ulilaɲmâ kinbiâ âmâ Anutugât aɲelo siâɲe Sakaria miawagaɲmâ ombiâ higenɲe agep aregât alata bungen kilep. <sup>12</sup> Miawagaɲmâ kindo luâk sâmbâ arekɲe ekmâ sâsâ mem hamep akmâ kilep. <sup>13</sup> Hamewakmâ kindo aɲelone hin dâm magaɲep, “Sakaria bo hamewak. Âbengande nanaɲ luâk membiapgât Anutu ulilaɲmâ gamat aregât bunɲe Anutune nâɲgâ aɲdo âbengande nanaɲ siâ membiap aregât kotɲe Yohane dâm konbiat. <sup>14</sup> Akto miawakbiawân kambiamge herone akbiap. Akto miawakto ainâk luâk unduwâkɲe aregât herone nâɲgâwai. <sup>15</sup> Akto nanaɲânbak Anutugât Heakɲande memene agaɲbiap. Akto yâk âmâ Anutugât dewunɲân luâk humo akmâ manbiap. Akto tu kârikɲe bo nem manbiap. <sup>16</sup> Akto miawakmâ manmâ âgâm Israe luâk mem hâwât yekto âmâ biwiyene Kotdâ Anutugâlân katmâ manbai. <sup>17</sup> Akto emelâk Eliane Anutugât bâtnân manmâ kârikɲe mem malep hainâk nangande manmâ âgâm Anutune hoɲ bawaɲe huɲgun aɲdo gewiap yâkgâlân luâk âmbâleɲe biwiyene katɲetdâm aregât arim den pat makyenɲiwiap. Akto hain dâm arim nanaɲ akto ewelupyenande kuk akyenɲiwai are makyenɲimbo gala akyenɲiwai. Dâ den koko yâk makyenɲimbo ârândâɲ manmai yâk yengât nâɲgâ nâɲgâgât dâp watbai. Akto Kembuɲe ikinɲe kâmot oloɲyegep yâk yengât biwiyene agalâkgât nangande makyenɲim âgâwiap.” dâep. <sup>18</sup> Anutugât aɲelone hain dâmbo Sakarianɲe hin aikoep, “Net luâk âmbâi sâmbâ

agiotgât gâņe nananġât dâmenâ nânġâre bunņe bo aktâp hain dâm aktân. Gain gain nânġâre bunņe akbiap?” dâep. <sup>19</sup> Hain dâmbo aņeloņe hin dâm maganņep, “Agon aktere nânġâ. Nâ Gabirie, nâ Anutugât hoņ bawa manman. Ire nek. Huņgun niņdo gem den bunņe makġiņdân. <sup>20</sup> Gârâmâ heniņdât dât areġât dosa amâ hin akbiat. Gâņe kopa akmâ den bâlâk manmâ âġâmenâ den yu makġiņdân ire bunņe akbiap sop ain âmâ âlepņe akbiat.” Hain dâm ainâk heambukto Sakaria ikiņeâk kilep. <sup>21</sup> Sakariaņe sumbe emetņân âġâm sop kâlep mando luâk âmbâleņe gain gain akmâ sop kâlep mandâp dâm areġât han lâuwâ agi. <sup>22</sup> Hain akbiâ emelâk yâk yenġâlân gem âmâ den makyenġiwerâm akto âmâ launņe tigiakto kopa agep. Kopa akto areġât hin dâyi, “Yâk âmâ sumbe emetņân âġâmbo biwiņe purik kato kulem siâ miawaktâp are ektâp.” Hain dâmbiâ yâkņe bâtnandeak kulem akmâ den makberâm hâumgoep. <sup>23</sup> Hain akmâ tato âmâ âi sopņe bo agep. Âi sopņe bo akto kepijan purik katmâ ariep. <sup>24</sup> Purik katmâ arimbo manbela emelâk âmbenņande tepņe agep. <sup>25</sup> Tepņe akmâ âmâ hin dâep, “Anutu Kotdâņe nânġâ niņdo tepne aktân areġât luâk âmbâle dewunyenân aņun hulaņ akniņdâp.” dâep. Hain dâm emetņânâk tato dewutâ momerâk bo agep.

### *Aņeloņe Mariagâlân miawagep.*

<sup>26</sup> Dewutâ momerâk bo akto âmâ Anutuņe aņelo kotņe Gabirie are lâuwâņe huņgun aņep. Huņgun aņdo Nasarete kepia are Galilaia hânân talep ain âmbâle sigan siâ malep yâkġâlân ġiep.

27 Akto âmbâle sigan are kotŋe Maria are Dawidigât kâmolân gâtŋe luâk siâ kotŋe Yosepe yâkgât dâtâŋe malep. 28 Akto aŋelo arekŋe maganmâ kinmâ hin dâep, “Anutuŋe gekmâ âmbâle âlepŋe aktât nâŋgâm memene akŋiŋdâp aregât herone ak.” dâep. 29 Aŋelone hain dâmbo nâŋgâmbo biwiŋe umatŋe akto biwiŋande hin nâŋgâep, “Den makŋiŋdât aregât keiŋe gain gain?” dâep. 30 Hain dâmbo aŋelone hin maganep, “Maria, gâ bo hamewak. Anutuŋe gekmâ âlepŋe manmat nâŋgâp. 31 Aregât gâŋe nanaŋ mem kotŋe Yesu dâm konbiat. 32 Yâkŋe âmâ luâk humo tâmbâ mando âmâ Anutu Humo dondâ yâkgât nanŋe dâwai. Akto Humo Anutuŋe bâginenŋe Dawidi yâkgât gewâkŋân kato 33 Yakobogât kâmot nengât luâk koldâ manbiap. Akto luâk damunyeŋe akmâ âi mem kârikŋe manmâ âgâwiap.” dâep. 34 Hain dâmbo Mariaŋe hin dâm maganep, “Nâ luâk bâlâk mandâŋgât den are âmâ gain gain akmâ kârikŋe akbiap?” dâmbo 35 aŋelone hin maganep, “Anutugât Heakŋande tigi gekto Anutu Humo yâkgât bâtŋân kinmenâ meme akŋiŋdo ain gâtŋe nanaŋ membiat aregât kotŋe siâ kau salek salek are Anutugât nanŋe konbai. 36-37 Akto den siâ makŋiŋdere nâŋgâ. Anutuŋe hain akberâm aregât bo ewum pâpkomap. Lâuge Elisabete are gupinâk manmâ âmbâi sâmbâ aktâp yâk Anutuŋe meme agaŋdo tepŋe akmâ nanaŋ luâk membiap. Akto dewutâ nâmbulân konok bo akto aregât kakŋân âmbâi gupin dâmai are hain miawaganbiap.” 38 Aŋelone hain dâmbo Mariaŋe hin dâm maganep, “Nâ Humogât hoŋ bawa âmbâle aregât den maktât are

hanâgâk akniñbiap. Hanâgâk akniñdo âmâ âlepñe dâwian.” dâambo anjelo are purik katmâ ariep.

*Mariañe Elisabetegâlân ariep.*

<sup>39</sup> Akto Maria manmâ âgâambo kâlep bo akto âgâm arim Yudaia hân gimbânân kepia siâ talep ain ariep. <sup>40</sup> Ain arim Sakariagât emelan âgâm Elisabete ekmâ magañmâ heronje agañep. <sup>41</sup> Heronje agañdo nângâambo ainâk tepñe kâlegen nanañ arekñe piriñ piriñ kalep. Hain akto Anutugât Heakñe Elisabete kautñân mendo hin dâm magañep, <sup>42</sup> “Lâune Anutuñe meme akniñdo gângât heronje maronje arekñe âmbâle hârok yengât ewangiyekbiap. Akto Anutuñe nanañ membiat aregât tângowiapgât heronje akbiap. <sup>43</sup> Gâñe Kembunenne membiat are nângâm hin nângân. Nâmâ âmbâle yânñe mandân aregât nângâlân togomenâ ârândân bo aktâp. <sup>44</sup> Togom nogonmenâ ainâk nanañ tepnân heronje akmâ bam guto nângân. <sup>45</sup> Akto den siâ makbe. Emelâk Anutuñe makniñep are bunñe akbiap aregât biwige heronje aktâp.” dâep.

*Mariañe Anutu magañmâ heronje agep.*

<sup>46</sup> Hain dâambo Mariañe hin magep, “Nâñe Anutugât kotñe mem agatmâ hin dâwe. <sup>47-48</sup> Nâ Anutugât hoñ bawa manmâ âmbâle yânñe mandân. Aregât Anutu Humonje nângât okot nângâ niñmâ mem agat nektâp. Mem agat nekto luâk kâmotñe kâmotñe nângât nângâm Anutuñe tângombo heronje akmap dâmai. <sup>49</sup> Anutu Humo dondâ arekñe damunne akmap arekñe wan me wan âlepñe akniñep aregât kotñe mem agatmâ

âmâ Anutugât biwine heronje aktâp. <sup>50</sup> Akto luâk âmbâle bikne nenje Anutugât hamewakmâ denje lokoenne nengât biwinenne nângâm yaiwâk aknengim âmâ bâgilupnenne miawakbai are hainâk hainâk akyenjiwiap. <sup>51</sup> Anutuje wan me wan mem miawak yenjiwerâm akto aregât niñande luâk âmbâle hâkyenje mem bâliwiap? Akto agatmâ, “Nenjeak humo akten.” dâmbiâ are mem biwiyenje gulip yengumbo awam akmai. <sup>52</sup> Akto bikñande luâk humo akmâ mem damunyenje akberâmbiâ hain are mem gulip yengumap. Hain akbiâ âmâ luâk yânje me luâk gegeje are mem agat yekmap. <sup>53</sup> Akto mop yengimap yâk yengât damunyenje akmâ sot yengimap. Akto luâk sikum olop manbiâ yâk mem gulip akyengimbo yân manmai. <sup>54</sup> Akto ulikñân âmâ den dâm bâgilupnenne yengât pat dâtâne makyengiep aregâlâk nângâm manmap, aregât Israe luâk âmbâle nengât han kalem akmâ damun akmap. <sup>55</sup> Akto bâgilupnenne Abrahamgât kâmot okotje nângâ nengimbo nen Abrahamgât kâmot akmâ manmâ âgâwaen nengât dâtâne aregât bunje miawaktâp. Aregât kotje mem agatbe.” dâep. <sup>56</sup> Mariane hain dâm Elisabete olop malep. Akto yâk olop manmâ dewutâ âlâwu bo akto kepianân purik katmâ ariep.

### *Yohane miawagep.*

<sup>57</sup> Purik katmâ arimbo Elisabete sopje miawakto manmâ nanañ miep. <sup>58</sup> Mendo âmâ lâulupje kepia ambolupñande Anutu Humonje Elisabete okotje nângâepgât nângâm yâk olowâk kambiamyenje heronje agep. <sup>59</sup> Hain akbiâ

hilâm nâmbulân âlâwu bo akto âmâ mendugum nanan aregât hâkne gâiwerâm âmâ ewenjaet kot nambe Sakaria are konberâm agi. <sup>60</sup> Hain akbiâ memenande hin makyengiep, “Bo. Kotne Yohane konberen.” dâep. <sup>61</sup> Hain dâambo hin magani, “Are âmâ tâulupge yâk yengâlân gâtne siâ kot nambe hain are siâ bo tatâp.” dâm magangi goangi akmâ hin dâyi, <sup>62</sup> “Eweje luâk kopa are gain gain nângâp?” dâm bâtyenandeak kulem akbiâ <sup>63</sup> tapegât ulityengimbo tape papaņe siâ mem waņi. Waņbiâ gâwu mem hin kulemgoep, “Kotne Yohane konberen.” hain kulemgoep. <sup>64</sup> Kulemgombo oyaņmâ nângâmbiâ ainâk den miawagaņep aregât Anutugât kotne mem agalep. Kulem are miawakto <sup>65</sup> kepia ambolupņande nângâmbiâ dâtne akto kulem aregât hanyene lâuwâ akto den arekne herone akmâ sambelem kepia ewumâk ewumâk hârok ariep. <sup>66</sup> Luâk âmbâle Yuda gimbâne tete kepiane kepiane maliņe den are nângâm hin dâyi, “Nanan hain arekne humo akmâ gain gain akbiap?” hain dâm hanyeneâk akmâ nângâyi. Akto Humone tângombo malep.

*Sakariane Yesugât keine dâm miawagep.*

<sup>67</sup> Akto Anutugât Wâtgât memenande nanan aregât ewene Sakaria kautņân mendo den kârikne hin dâep, <sup>68</sup> “Israe luâk nen Kembunenne Anutu mepaņe mene. Yâkne âmâ luâklupne mete katnengim gannenne dâmap. <sup>69</sup> Hain akmâ âmâ Dawidi yâkgât tepņân gâtne konok miawagaņmâ heņgemgo nengiwiapgât hambo kunkun akbiapgât anuņep. <sup>70</sup> Amâ tâmbâne

dondâ hân miawagewânba ain propetelupņe makyenġimbo den makmâ mali dopņân hainâġâk miawaktâp. <sup>71</sup> Akto siâņe gasa aknengiwiap. Aknengim âmâ hilipnenguwerâm akbiâ âmâ tân nengumbo âlepņe manbaen. <sup>72</sup> Akto ulikņân Anutuņe bâġilupnenņe yenġât okotņe nânġâm den kârikņe katyenġiep are kambiamyenġân kato tato bo nelâm aņep. <sup>73</sup> Akto tân nengumbo ainâk gasalupnenņande bo hilip nenguwai areġât pat Abraham are makmâ hâreaņep. <sup>74</sup> Areġât Israe nen hârogâkņe Humonenņe Anutugât âlepņe dâm ikinę den lokom bo hamep akmâ <sup>75</sup> wan me wan bâleņe bo akmâ gala konok akmâ biwi irakņeâk manbaen. <sup>76</sup> Nanne ġâ irekņe sigan akmâ Humonenņe ulik gulik aġanġiat. ġâņe soņ akmâ areġât hin dâm makyenġiwiat, “Humonenņe irawot togom henġem nenguwiap areġât nânġâ nânġâyeņe bâleņe hepunbiâ biwiyenę Anutugâlân ari kindo Anutuņe kambiamņe nânġâm dosayeņe hepun yenġiwiâp.” dâm makyenġimenâ nânġâwai. <sup>77</sup> ġâ hain akmâ kembu luâklupņe âlepņet den potatmâ yenġimenâ nânġâm henġemgombiâ dosayeņe bo akbiâp. <sup>78</sup> Anutunenņe han kalemņe humo yendâpġât dâmbo egonba hândâktâk pagalem arekņe <sup>79</sup> hândâkņân akto momo bâlâpņân talion nen mem hauņ nenekmap. Akto oloņnenekmâ dâp sândukņân katnenekmap.” Sakaria hain dâep.

<sup>80</sup> Akto nanaņ are hagitņe tiņ tiņ dâmbo hâk biwi olowâk humo aġep. Humo akmâ manmâ eweņe memenę hepun yelekmâ hân kamitņângen luâk bo manmaiângen arim malep. Manmâ manmâ



makyengiwiapgât sop tâlâgumbo âmâ purik katmâ Israe luâk âmâle hutyenân arim miawakmâ malep.

## 2

### *Yesu nanan miawagep.*

<sup>1-2</sup> Akto ulikjân kiap humo siâ kotje Kuirinio yâk Siria yengât kiap humo malep sop ain âmâ Roma luâk koldâ siâ malep kotje Augusto yâkne den kârikne hin dâep, “Luâk hânne hânne areyengât kotyene oyanjekbiâ yekbian.” dâep. Are âmâ agak meme hain are umbujân bo agi. Irakne keine katmâ kulemgoyi. <sup>3</sup> Keine katmâ hârogâk oyan yekberâm akto aregât kepia yenjângenba hârogâk purik katmâ arim meteyi. <sup>4</sup> Arimbiâ Nasarete kepia are Galilaia hânân talep ain gâtne luâk siâ kotje Yosepe, are Dawidigât kâlegen gâtne are hainâk Yudaia hânân Dawidigât kepia kotje Betelehem ain ariwerâm âmâle ikinje dâtâne are kewugumbo olop ariyat. <sup>5</sup> Yosepe akto âmâi patne dâtâne kotje Maria tepdâk malep are kewugumbo kotyetne kulemgowerâm ariyat. <sup>6</sup> Arim luâk yâkne menduguak menduguak emetne are pikbiâ aregât makao emetjân âgâ taliat. <sup>7</sup> Tatbela Mariane nanan memberâm hâk hilâlâm nângâmbo nanan ulik gulikne miawagep. Miawakto sângumne mem katipkom makaone sot nemai ain kondoân katbela ge talep.

<sup>8</sup> Akto kepia ewumâk ain luâk bikjande hândâgân umilinân lamalupyene damunylene akmâ kili. <sup>9</sup> Kinbiâ âmâ Anutugât anelo siâne yâk yengâlân miawakto Anutugât pagalenande erâmbo

ekmâ ongâyeŋe hogoep. <sup>10</sup> Akto aŋelo arekŋe hin dâm makyenŋiep, “Bo hamep akŋet. Nâŋgâi. Nâŋe den pat âlepŋe siâ mem togoân ire makyenŋire nâŋgâŋet. <sup>11</sup> Uŋak ire âmâ heŋgemgo yekbiapgât luâk arekŋe âmâ Dawidigât kepia kautŋân ain miawaktâp. Yâkŋe âmâ damunyeŋe akbiap. Aregât den ire sambelem arimbo luâk âmbâle hârokŋe nâŋgâm heronŋe akbai. <sup>12</sup> Akto nanan are sâŋgumŋeak katipkom makaonŋe sot nemai kondo are kâlegen katbela tatâp gârâmâ arim âmâ mem miawakbi. Akto nâŋgât den bunŋe nâŋgâŋetgât arim mem miawakmâ nâŋgâm heŋgemgoŋet.” dâep. <sup>13</sup> Aŋelonŋe den hain dâm makyenŋimbo ainâk aŋelo kâmot humo togom galayeŋe penianbiâ menduguakmâ kinmâ Anutugât kotŋe mem agatmâ hin dâyi, <sup>14</sup> “Anutuŋe luâk âmbâle bikŋe nâŋgât dâtâŋe dâm potatyegep are yeŋgât heronŋe akyenŋimbo yeŋgâlân gala konok miawak yeŋgiâp. Aregât nen hârogâk heronŋe akmâ himbimân egon Anutugât kotŋe mem agaten.” dâyi.

<sup>15</sup> Hain dâm himbimân purik katmâ âgâmbiâ lama damunyeŋe yâkŋe hin dâm maganŋi goanŋi agi, “Nen Betelehem kepian arim Anutuŋe aŋelonŋe hunŋun aŋdo gem den maknengiâp are bunŋe mem miawakne.” dâyi. <sup>16</sup> Hain dâm dowâk pârigin arim Maria akto Yosepe yâk yetgâlân arim mem miawakyelekmâ âmâ nanan makaogât kondoân katbela ge talep are egi. <sup>17</sup> Ekmâ nanan aregât den pat are luâk âmbâle makyenŋim mali. <sup>18</sup> Makmâ miawakbiâ nâŋgâm hin dâyi, “Yae, nanan arekŋe hâmbâi gain gain akbiap?” dâmbiâ biwiyenŋe agalep. <sup>19</sup> Akto Mariane den are biwiŋân kato

kindo malep. <sup>20</sup> Akto lama damunyeje are purik katmâ arim wan me wan egi aregât den pat are nângâm ajeleje makyengiep are miawagepgât Anutu mepaije mem kotje mem agatmâ kinmâ heronje agi.

*Simeon akto Hana yetgât den pat.*

<sup>21</sup> Akto ainba hilâm nâmbulân âlâwu bo akto hâkne gâim kotje Yesu koli. Nanan are bo miawaktoân ajeleje Mariagâlân miawakmâ, “Kotje Yesu konbiat.” dâepgât aregât lauje lokom kotje Yesu dâm koli.

<sup>22</sup> Akto ulikjân Moseje hin kulengoep are tatâp, “Âmbenlupyenande nanan membiâ âlepje akto âmâ Anutugât den pat lokombiâ yekto ârândân akbiâp.” dâm den kârikje kulengoep den are lokom kinmâ âmâ Maria akto Yosepeje Yesu mem Yerusalem kepien mem âgâyiat.

<sup>23</sup> Âgâm âmâ ulikjân Anutuje den hin dâep are lokoyiat, “Nanan luâk ulik gulik miawakto are âmâ Humogât pat konbai.” Den are lokom kinmâ agiat. <sup>24</sup> Akto Humogât den kârikje siâ talep are hin, “Eweje memeje kembâ lâuwâ me gâmut lâuwâ mem huit oyelekmâ Anutu wanbiandat.” Den are lokom kinmâ ariyiat.

<sup>25</sup> Akto sop ain Yerusalem kepien luâk siâ malep kotje Simeon, yâkne âmâ Anutugât den lokom luâk âlepje manmâ Anutuje henjenggo nenekbiapgât hunjun anjo miawakbiap aregât lâmgom malep. Akto Anutugât Heakjande biwiñân hutgombo malep. <sup>26</sup> Akto emelâk Anutugât Heakjande den siâ hin maganep, “Gâ boâk mombialân Anutu Humoyenande damunyeje agâkgât

hunġun anġo gewiap are miawakto ekbiat.” dâep.  
<sup>27</sup> Akto Anutugât Heakġande memene aganġo  
 owâiġe akmâ Israe yeġġat sumbe kat kat emetġân  
 âġâep. Âġambo âmâ Maria akto Yosepe Anu-  
 tugât den lokowerâm nanyetġe mem âġâmbela  
<sup>28</sup> Simeoġe nanaġ are lokom hin dâm Anutu  
 maganġep, <sup>29</sup> “O Humo dondâ, hinġe Israe damun  
 nenġe akbiap yâk miawakto ektângât biwine  
 heroġe aktâp. Den are emelâk magen ina are  
 bunġe aktâp. Hain ġârâmâ mombiangât sop mi-  
 awaktâp. <sup>30</sup> Akto nanaġ ire guġe hunġunaġmenâ  
 humo akmâ luâk âmbâle heġgem nenguwiap ina  
 ektân. <sup>31</sup> Amâ ġâ hân ârândân luâk âmbâle hârokġe  
 ekġetġât mem miawaktât. <sup>32</sup> Areġe Anutu bo  
 nânġanmai yâk yeġġat han ewum pagalewiap.  
 Akto luâklupġe Israe nengât egâlianġ pagalenġe ak-  
 nengiwiap.” <sup>33</sup> Nanaġ areġât hain dâmbo eweġe  
 memenande nânġâmbela biwiyetġe agatmâ ho-  
 goep. <sup>34</sup> Akto Simeoġe Anutuġe tân yetkuâk dâm  
 Anutu ulilanġmâ nanaġ areġât memene are hin  
 dâm maganġep, “Nânġât. Israe potalakmâ bikġe  
 biwinenġe yâġġâlân katenġe kindo manbaen. Dâ  
 bikġe âmâ yâġġât hâkân akbiâ biwiyenġe pâlâmġe  
 akto bâliwai. <sup>35</sup> Akto siân kambiamġe dondâ  
 bâliwiap. Hain are miawakto ain luâk dondânġe  
 agak memenenġe ekmâ keinenġe mem miawak-  
 bai.” dâep.

<sup>36</sup> Akto âmbâle siâ Anutugât den makmâ mi-  
 awakmâ malep are kotġe Hana are Panueġât  
 baratġe Asa kâmolân ġâtġe akto âmbâle areġe  
 ulikġân luâk mendo manbela hombaġ nâmbulân  
 lâuwâ bo akto luâkġe moep. <sup>37</sup> Mondo areġât

kakñân ikinjak kambut manmâ âgâambo homban 84 are bo akto âmbâi kambut akmâ malep. Akto âmbâle arekñe hilâmñe ârândân sumbe kat kat emetñân âgâm Anutu ulilañminep. Akto sopñe sopñe sot bâlâk manmâ ulilañep. <sup>38</sup> Akto yâkñe sop ain sumbe kat kat emetñân âgâm nanan are egep. Ekmâ âmâ Anutu heronje agañmâ magañep. Magañmâ Yerusalem kepia ambolupñande Anutuñe damunyañe are hungun anbiap aregât lâmgom mali yâk Yesugât keñe makyenjiep.

<sup>39</sup> Akto Maria akto Yosepe den kârikñe lokowerâm nanyetjaet sot dâtânje are Anutu wañmâ metem kepia yetñângen Nasarete are Galilaia hânân talewân ain purik katmâ ariyat. <sup>40</sup> Arim manbela nanyetjaet hagitñe kârigembo nâñgâ nâñgânje humo akto Anutuñe memenje agañep are nâñgâm kinmâ agak meme âlepñeâk akminep.

*Maria akto Yosepenje Yesu kewugum Yerusalem kepijan âgâyat.*

<sup>41</sup> Akto ulikñân anjelo siânje Israe luâk damunyañe akmâ Aigita are yengât nanan ulik gulik miawagi are yenguep aregât nâñgâm homban kotñe Pasowa ain serâ omini. Serâ omberâmbiâ sop miawakto aregât Yosepe akto Mariane kepiayetñe hepunmâ Yerusalem kepijan âgâyat. <sup>42</sup> Akto Yesu nanan are hombanñe 12 akto luâk sisik akto serâ are omberâm kewugumbela olowâk âgâyi. <sup>43</sup> Âgâm manbiâ homban are bo akto luâk âmbâle awam akbiâ âmâ Maria akto Yosepe yâkñe nanyetñe bo ekbela tato Yerusalem kepia are hepunmâ yetñeâk purik kaliat. <sup>44</sup> Purik katmâ arim hin nâñgâyat,

“Nannetņe kâmot humo yâk olop emelâk ariâp mon?” dâyiat. Hain dâm dâwân arim galalupyetņe yengât hutyeņân undâgâtbela bo akto manbela hândâk agep. <sup>45</sup> Akto galalupyetņe aiyengum undâgâtbela bo akto purik dâm Yerusalem kepijan purik katmâ arim undâgâlaņiat. <sup>46</sup> Undâgâlaņbela hilâm âlâwu bo akto âmâ sumbe emetņe ain âgâyiat. Âgâmbela âmâ Yuda luâk den makyengimini are yengât hutyeņân tatmâ amâ denyeņe nângâm aregât keiņaet aiyengumbo tali. <sup>47</sup> Hain tatmâ yâk hârogâkņe nângâ nângâņaet akto denņaet nângâm ekbiâ biwiyeņe agatmâ hogoep. <sup>48</sup> Akto yâk yengât hutyeņân tato mem miawakmâ âmâ han undup akmâ kiliat. Akto memenande hin dâm magaņep, “Ewege olop net gâņgât undâgât giņdetņe bo akto kuknetkimbo togoet. Aregât gâ wangât hain aktât?” <sup>49</sup> Hain dâmbo hin makyetkiep, “Gain gain akmâ kulâgâtņiņmâ mandat? Nâ Ewenaet âiân memberâm akman are bo nângât me?” dâep. <sup>50</sup> Hain dâmbo denņe are nângâmbela hâumgoep. <sup>51</sup> Are âmâ memenande denņe are biwiņân katmâ nângâm gaep. Hain akto yâk olop Nasarete kepijan purik katmâ arim yâk yetgât den lokom malep. <sup>52</sup> Akto nângâ nângâņe humo akto manmâ gambo Anutu akto luâk âmbâle hârokņe ekbiâ ârândâņ agep.

### 3

#### *Yohaneneņe âi keiņe kalep.*

<sup>1</sup> Roma luâk siâ kotņe Tiberio Sisa are Roma yengât luâk humo manmâ gambo hombaņ 15 bo agep. Bo akto âmâ Yohaneneņe âi keiņe katmâ

miep. Sop ain luâk siâ kotņe Pontio Pilato yâk Yudaia yeņgât kiap humo malep. Akto luâk siâ kotņe Herote yâk âmâ Galilaia luâk âmâle yeņgât damunyeņe akmâ malep. Akto emiņe kotņe Pilipo yâkņe âmâ Ituraia akto Trakoniti yâk yeņgât luâk humo malep. Akto luâk siâ kotņe Lisania, yâkņe Abilene yeņgât luâk humo malep. <sup>2</sup> Akto sumbe kat kat luâk are yeņgât kautņe lâuwâ maliat kotyetņe Anasi akto Kaipa luâk lâuwâ are luâk humo akmâ manmâ gayiat. Sop ain Sakariagât nanņe kotņe Yohane are hân kamitņângen mando âmâ Anutuņe den dâm waņep. <sup>3</sup> Den dâm waņdo Yodaņ tu biken biken manmâ hin dâm makyeņgiep, “Agak memeyeņe bâleņe are makmâ miawakmâ biwiyeņe Anutugâlân katbiâ kindo togombiâ tuân katyektere dosayeņe bo agâk.” dâep. <sup>4</sup> Akto ulikņân Anutuņe dâmbo propeteņe Yesaia yâkņe den hin kulengoep aregât bikņe hin tatâp,

“Luâk siâņe hân kamitņângen manmâ hin dâm tatâp, Humogât dâp megatņet. <sup>5</sup> Mem gimbâņe mambâņe are kârâmbiâ dâp konogâk agâk. Akto hân hutaguâk akto huruņ dâmbo âmâ totokombiâ dâp ârândâņâk agâk. Akto dâp goņgoņ meņgoņ are tâņ tâņâk heņgemgowai. Akto dâp bâleņe are mem âlepņe ketuguņet. <sup>6</sup> Akto luâk âmâle hârok Anutuņe heņgem nen-guwerâm aktâp aregât keiņe nâņgâwai.”

Yesaiaņe hain kulengoep are bunņe akto Yohane miawagep.

*Yohanene den ginņe makyeņgiep.*

<sup>7</sup> Akto luâk dondâ yâkņe Yohanegâlân togom tuân kat nenegâk dâmbiâ aregât hin dâm

makyengiep, “Niambigât kâmot ye bâlenjaet hâuŋe togowerâm aktâp are hamewakmâ awam akmâ arinjetgât ninjande makyengiep?”<sup>8</sup> Ye hanyeŋe purikatmâ manbaigât dopŋe bunŋe penianmâ ariwai. Dâ hin bo makŋet, “Nen Abrahamgât kâmot manden.” Nâ makyengire nânŋaŋet. Anutuŋe kât ire makto luâk akmâ Abrahamgât kâmotlupŋe irakŋe yeŋgât dumyenân miawakbai.<sup>9</sup> Akto den ginŋe siâ makyengiwe. Unam are emelâk dâtŋe hâwim lâwin keiŋân kato tatâp. Arekŋe lâwin siâ bunŋe bo kindâp are kârâm kâlâwân ombiap.” dâep.<sup>10</sup> Hain dâm makyengimbo âmâ hin dâm aikoyi, “Wei, aregât gain gain akbaen?” dâmbiâ hin makyengiep,<sup>11</sup> “Luâk siâŋe hâk pekeŋe lâuwâ talaŋdo galaŋe umburuk mandâp are ekmâ âmâ âlepŋe waŋbiâp. Akto sot potatmâ waŋbiâp.” dâep.

<sup>12</sup> Akto gawaman puli meme luâk yâkŋe hainâk tuân katnenegâk dâm togoyi. Togom aikom hin dâyi, “Ewenenŋe, nen gain gain akbaengât nânŋgât?” dâyi.<sup>13</sup> Hain dâmbiâ hin makyengiep, “Damunlupyenande gawaman puli dop hainâk meŋet dâm makyengimbiâ aregât yeŋe siâ bo de-watim membai.” dâep.<sup>14</sup> Akto tembe loko yâkŋe hainâk yâkgâlân togom dâyi, “Nenŋe âmâ gain gain akbaengât nânŋgât?” dâmbiâ hin dâm makyengiep, “Siâgât wan me wan ekmâ kukyengimbiâ yeukŋe akbiâ are bo membai. Akto wan me wan memberâm akmâ âmâ bo hianŋim ire nengât dâwai are borondâ membai. Agak meme ire akbai âmâ âigât puliŋe yeŋgimai are ârândâŋ akto areâk membai.” dâep.



*Yohanenye Yesugât keiye makmâ miawakyeŋgiep.*

<sup>15</sup> Akto luâk arekne Yohanegât nângâm biwiyene hikom hin dâyi, “Anutuŋe huŋgun aŋdo togom damun nenŋe akbiap aregât biwinennân katmâ manmaen are ire me aŋgâ?” dâm nângâyi.

<sup>16</sup> Nângâm aikombiâ hin dâm makyenŋiep, “Nâ tu yân puliyektân. Dâ siâ haminângen togom mandâp yâk âmâ kârikneŋe dop siâ yeandâp. Yâk nâ hin arekne sikumgât ito goliaŋdere ârândâŋ bo akbop. Yâkne âmâ Heakgât kâlâp are puliyekbiap. <sup>17</sup> Akto yâkgât den ginŋe siâ makyenŋiwe. Sot pipiŋe urutmâ kâlâwân panmaen dop hainâk yâkne gagap mem urutmâ kâlâwân katbiap. Dâ sot neneŋe kitalân katmaen dop hainâk sot âlepne potatmâ katbiap.” <sup>18</sup> Yohanenye hainâk dâm pat âlepne are kârikneâk makyenŋiep.

*Herotenye akmâ hilipkoep.*

<sup>19</sup> Akto sop ain luâk humo Herote yâkne âmâ kandâŋe kotŋe Herodia are emiŋaet âmbâle are kâmbu miep. Mem âmâ aregât kakŋân agak meme bâleŋe dondâ mendo dosaŋe humo miawagep. Hain akto Yohanenye, “Bo agakne aktât.” dâm den kârikne maganep. <sup>20</sup> Magaŋdo nângâmbo bâlimbo aregât Yohane mem lope kâlegen kato talep, aregât Herotenye dosa siâ miep.

*Yohanenye Yesu tu puliep.*

<sup>21</sup> Uliŋân luâk dondâŋe Yohanegâlân arim tuân katyegâkgât maganji. Maganbiâ tuân katyegep. Katyekto âmâ Yesu yâkâ hainâk arim maganep. Magaŋdo tuân kato sopanmâ Anutu ulilaŋdo ainâk himbim pâroŋ âgâmbo <sup>22</sup> Anutugât Wâtgât

memeŋe Heakŋande himbimânba lâut kotŋe kembâ hainare akmâ Yesugât kakŋân giep. Gembo himbimânba Anutuŋe den siâ hin dâm Yesu maganep, “Gâ nanne kambiamnân gâtŋe aregât gekmâ ukenŋe nâŋân.” Anutuŋe den hain dâep.

*Yesugât bâgilupŋaet kotyene.*

23-38 Yesu bâgilupŋaet kotyene âmâ hin. Keiŋe katmâ Anutuŋe Adam akto Ewa kat yelegep. Akto Adamŋe Ewa mendo Sete miep. Seteŋe humo akmâ âmbâle mendo nanŋe kotŋe Enosi miep. Enosiŋe humo akmâ âmbâle mendo nanŋe kotŋe Kenan miep. Kenanŋe humo akmâ âmbâle mendo nanŋe kotŋe Mahalale miep. Mahalaleŋe humo akmâ âmbâle mendo nanŋe kotŋe Yarede miep. Yaredeŋe humo akmâ âmbâle mendo Enoko miep. Enokoŋe humo akmâ âmbâle mendo Metusala miep. Metusalaŋe humo akmâ âmbâle mendo Lamek miep. Lamekŋe humo akmâ âmbâle mendo Noa miep. Noaŋe humo akmâ âmbâle mendo Sem miep. Semŋe humo akmâ âmbâle mendo Arpasada miep. Arpasadaŋe humo akmâ âmbâle mendo Kenan miep. Kenanŋe humo akmâ âmbâle mendo Sela miep. Selaŋe humo akmâ âmbâle mendo Ebe miep. Ebeŋe humo akmâ âmbâle mendo Pelege miep. Pelegeŋe humo akmâ âmbâle mendo Ragau miep. Ragaŋe humo akmâ âmbâle mendo Serugu miep. Seruguŋe humo akmâ âmbâle mendo Naho miep. Nahoŋe humo akmâ âmbâle mendo Tara miep. Taraŋe humo akmâ âmbâle mendo Abraham miep. Abrahamŋe humo akmâ âmbâle mendo Isaka miep. Isakaŋe humo

akmâ âmbâle mendo Yakobo miep. Yakoboŋe humo akmâ âmbâle mendo Yuda miep. Yudaŋe humo akmâ âmbâle mendo Perese miep. Pereseŋe humo akmâ âmbâle mendo Hesoroŋ miep. Hesoroŋŋe humo akmâ âmbâle mendo Arani miep. Araniŋe humo akmâ âmbâle mendo Adamin miep. Adaminŋe humo akmâ âmbâle mendo Aminadaba miep. Aminadabaŋe humo akmâ âmbâle mendo Nasoŋ miep. Nasoŋŋe humo akmâ âmbâle mendo Sala miep. Salaŋe humo akmâ âmbâle mendo Boasi miep. Boasiŋe humo akmâ âmbâle mendo Obede miep. Obedeŋe humo akmâ âmbâle mendo Isai miep. Isaiŋe humo akmâ âmbâle mendo Dawidi miep. Dawidiŋe humo akmâ âmbâle mendo Nataŋ miep. Nataŋŋe humo akmâ âmbâle mendo Matata miep. Matataŋe humo akmâ âmbâle mendo Mena miep. Menaŋe humo akmâ âmbâle mendo Melea miep. Meleaŋe humo akmâ âmbâle mendo Eliakim miep. Eliakimŋe humo akmâ âmbâle mendo Yonam miep. Yonamŋe humo akmâ âmbâle mendo Yosepe miep. Yosepeŋe humo akmâ âmbâle mendo Yuda miep. Yudaŋe humo akmâ âmbâle mendo Simeoŋ miep. Simeoŋŋe humo akmâ âmbâle mendo Lewi miep. Lewiŋe humo akmâ âmbâle mendo Matata miep. Matataŋe humo akmâ âmbâle mendo Yorim miep. Yorimŋe humo akmâ âmbâle mendo Eliese miep. Elieseŋe humo akmâ âmbâle mendo Yosua miep. Yosuaŋe humo akmâ âmbâle mendo Ere miep. Ereŋe humo akmâ âmbâle mendo Elimadam miep. Elimadamŋe humo akmâ âmbâle mendo Kosam miep. Kosamŋe humo akmâ âmbâle mendo Adi miep. Adiŋe humo akmâ âmbâle mendo Meliki

miep. Melikiņe humo akmâ âmbâle mendo Neri miep. Neriņe humo akmâ âmbâle mendo Sealtie miep. Sealtieņe humo akmâ âmbâle mendo Serubabe miep. Serubabeņe humo akmâ âmbâle mendo Resa miep. Resaņe humo akmâ âmbâle mendo Yoanan miep. Yoananņe humo akmâ âmbâle mendo Yoda miep. Yodaņe humo akmâ âmbâle mendo Yosek miep. Yosekņe humo akmâ âmbâle mendo Semeiņ miep. Semeiņņe humo akmâ âmbâle mendo Matatia miep. Matatiaņe humo akmâ âmbâle mendo Mata miep. Mataņe humo akmâ âmbâle mendo Nagai miep. Nagaiņe humo akmâ âmbâle mendo Esili miep. Esiliņe humo akmâ âmbâle mendo Nahum miep. Nahumņe humo akmâ âmbâle mendo Amosi miep. Amosiņe humo akmâ âmbâle mendo Matatia miep. Matatiaņe humo akmâ âmbâle mendo Yosepe miep. Yosepeņe humo akmâ âmbâle mendo Yanai miep, Yanaiņe humo akmâ âmbâle mendo Meliki miep. Melikiņe humo akmâ âmbâle mendo Lewi miep. Lewiņe humo akmâ âmbâle mendo Matata miep. Matataņe humo akmâ âmbâle mendo Eli miep. Eliņe humo akmâ âmbâle mendo Yosepe miep. Akto Yosepegât hin nâņgâm hilipkoyi, “Yosepeņe âmâ Yesugât eweņe.” hain dâyi. Dâ Yesu amâ Anutugât nanņe are himbimân gâtņe. Akto Yesuņe mando hombaņ 30 are bo akto âmâ âi keiņe kalep.

## 4

*Niambiņe Yesu dop koep.*

<sup>1</sup> Anutugât Heakņande Yesu huņgun aņdo Yodaņ tu are hepunmâ hân kamitņe siân ariep. <sup>2</sup> Arim âmâ sot bâlâk manmâ gambo hândâk hilâm 40 bo agep. Sop ain mopņe dondâ aguep. Hain akto Niambiņe yâk dop komberâm hin dâm magañep, <sup>3</sup> “Mopge aguâpgât gâ Anutugât nanņe akto âmâ kât ire makmenâ sot akto ne.” dâep. <sup>4</sup> Dâmbo hin magañep, “Bo, Anutuņe den hin dâmbo kulemgoyi are hin tatâp, Anutuņe damun nenņe akmap aregât nenņe sotgâlâk nâņgâm mandenņe ârândâņ bo akbiap.” dâep. <sup>5</sup> Hain dâmbo Niambiņe hân gimbâņe siân oloņmâ âgâm âmâ luâk hânņe hânņe manmâ ariyi are yeņgât sikum me ito siâ siâ hekalaņep. <sup>6</sup> Hekalaņmâ hin magañep, “Nâņe ire hârok damunyeņe aktân. Akto ire hârok niņande damunyeņe agâk dâm nunagâk damunyeņe akman. Akto niņande nâņgât okotnân malâk dâm nunak hain akman. <sup>7</sup> Aregât kotne mem agatmenâ âmâ sikum me wan me wan ire hârok damunyeņe katgekmâ giņbian.” dâep. <sup>8</sup> Hain dâmbo den hâuņe hin magañep, “Anutuņe den hin dâmbo kulemgoyi are tatâp. Kembu Anutu konok hoņ bawa agaņmâ kotņe mem agatben.” dâep. <sup>9-11</sup> Hain dâmbo âmâ Niambiņe Yesu mem sumbe kat kat emetņe Yerusalem kepian talep aregât bokņân oloņmâ âgâm katmâ hin dâm magañep, “Anutuņe den siâ hin dâmbo kulemgoyi are tatâp, “Nâņe aņelolupne huņgun yeņgire meņgekmâ tân gugum damunge akņet. Kâlân gugum keige hârewopgât aņelolupnande bâtgân meņgekņet.” aregât gâ Anutugât nanņe mandât aregât gâ inba sopanmenâ aņeloņe damunge akbiâ kâlân me wan me wanân bo guguwerâp âlepņe sopanberât.”

dâep. <sup>12</sup> Hain dâambo hin magañep, “Anutugât den siâ hin tatâp, Anutuņe damunge aktâpgât keiņe ekberâm dop komenâ ârândâņ bo aktâp.” dâep. <sup>13</sup> Hain dâambo Niambiņe hepunmâ sop siângât lâmgom malep.

*Yesuņe Nasarete kepiā arim den kepikmâ makyenġim malep.*

<sup>14</sup> Anutugât Heakņande Yesu memeņe agaņdo Galilaia hânân purik katmâ ariep. Purik kato aregât den patņe sambelem arimbo kepia ambolupņe hârogâk nâņgâyi. <sup>15</sup> Akto ain den emetņe ârândâņ arim den potatmâ yenġimbo kâņgoaņmâ kotņe makmâ egâliāņi.

<sup>16</sup> Hain akmâ arim nanaņânbak manmâ gaep ikiņaet kepia Nasarete ain arim âi bo meme sopņân Sarere ârândâņâk den emetņân âgâminep. Hainâk âgâm malep. Âgâm manmâ Anutugât den emelâk kulemgoyi are oyaņberâm âgâmbo <sup>17</sup> propete luâk Yesiaņe kulem kulemgoep are waņi. Waņbiâ mem kelalakom ekmâ den hin kulemgoep talep are oyaņmâ makyenġiep,

<sup>18</sup> “Humogât Heakņande meme akniņdo kinmâ den hin dâm makniņep, “Luâk biwiyeņe umat bâleņân mandâi are yengâlân arim den pat âlepņe makyenġiwen. Akto hikoyekto mandâi amâ hulaņyekben. Akto luâk dewunyene bok bokņe yâk yengâlân arim makyenġimenâ dewunyene hulaņ akto âlepņe ekbai. <sup>19</sup> Akto Anutuņe tân yenġuwiapgât sop tâlâguâp aregât den pat makyenġiwen.” hain dâm makniņep.” dâep.

<sup>20</sup> Den hain dâm oyaŋmâ kulem esenŋe are mem bigeim hoŋ bawa siâ waŋmâ âmâ ge talep. Ge tato den emetŋân tali yâkŋe hârogâk hewugem ekmâ tali. <sup>21</sup> Ekbiâ den hin dâm makyenŋiep, “Den ya oyaŋdere nâŋgâi are uŋak yu dewunyenŋân bunŋe miawaktâp.” <sup>22</sup> Hain dâmbo nâŋgâmbiâ den are ukenŋe akto hin dâyi, “O, ire Yosepegât nanŋe arekŋe gain gain uŋak den bunŋe akto âlepŋe miawaktâp dâp.” <sup>23</sup> Hain dâmbiâ aregât hin dâm makyenŋiep, “Yeŋe hin dâm makniŋmai, “Gâŋe siâ heŋgemgoen aregât hinŋe guge heŋgemgoak. Akto Kapanau m ke pian âi ketugumenâ den patge nâŋgâmaen hainâk ke pia iren ketugumenâ ekne.” hain dâm makniŋmai. <sup>24</sup> Aregât den bunŋe makyenŋire nâŋgâŋet. Anutuŋe propetelupŋe makyenŋimbo are makmâ miawakbiâ areyenŋât ginbailupyenŋande denyenŋe bo nâŋgâmai. <sup>25</sup> Uliŋŋân Israe luâk siâ kotŋe Elia malep sop ain dewutâ kârikŋe kondo hombaŋ âlâwu dewutâ nâmbulân konok hain bo akto âmâ mop humo miawakto luâk âmbâle hârok sot bâlâk mali. <sup>26</sup> Akto sop ain Israe yenŋât âmbâle kambut dondâ manmâ gambiâ âmâ Anutuŋe Elia huŋgun aŋdo ikiŋe ke pia hepunmâ Yuda luâk bo manmaiân Sareta ke pia are Sidoŋ hânân talep, ain âmbâle kambut siâ yâkgâlân arimbo Anutuŋe tângombo sot waŋdo niep. <sup>27</sup> Israe luâk siâ kotŋe Elisa malep sop ain Israe ke pia ambolupŋe dondâŋe hâk bâle agi. Akto yâk yenŋâlân gâtŋe siâ bo âlepŋe akbiâ luâk siâ kotŋe Naemaŋ are Yuda luâk bo manmaiân Siria hânân gâtŋe konokŋe âlepŋe agep.” dâep. <sup>28</sup> Hain dâm makyenŋimbo

den emetjân taliņe den are nângâmbiâ bâliepgât kuk dondâ akmâ <sup>29</sup> agatmâ kepia hamiņângen mem bam borâņe siân âgâm katmâ ainba hemem dâtnân mem, “Pandenne geâk.” <sup>30</sup> dâmbiâ bo menekņet dâm hut yejânba hepun yekmâ gem ariep.

<sup>31</sup> Akto arim kepia siâ kotņe Kapanaum are Galilaia hânân talewân ain arimbo âi bo meme sopņân Sarere akto den makyenġiep. <sup>32</sup> Makyenġimbo are nângâm hin dâyi, “Oe, luâk irekņe den maknengim tatâp are nângâenne dâtņe kârikņe aktâp.” hain dâyi. <sup>33</sup> Hain dâmbiâ den emetjân ain luâk siâ kinmâ sinduk baniara bâleņande kautņân mendo den humo akmâ hin dâep, <sup>34</sup> “Woe, Yesu Nasarete kepia amboņe gâ wangât nengâlân togoât? Keige nângân. Gâ Anutugât nanņe bunņe mandâtġât hilip nenguwerâm togoât.” dâmbo <sup>35</sup> Yesuņe maganmâ hin dâep, “Den bo ak. Luâk ire hepunmâ ari.” dâep. Hain dâmbo sinduk baniaņe hepunmâ pando ge hutyeņân yem âlepņe akto ariep. <sup>36</sup> Hain manmâ arimbo ekbiâ hanyeņe undup akto hin maganġi goanġi agi, “Wâe, ire âmâ gain gain? Sinduk baniara bâleņe maganġo hepunmâ ariâp.” dâyi. <sup>37</sup> Hain dâmbiâ areġât den pat sambelem arim kepia biken biken ârândâņ akmâ arimbo yâġġât maganġi goanġi agi.

*Yesuņe dâmbo Petorogât hewonņe âlepņe agep.*

<sup>38</sup> Akto Yesuņe agatmâ den emetjânba gem ariep. Arim luâk siâ malep kotņe Simonġ Petoro yâġġât emelan âġâep. Âġâmbo âmâ Simonġġât hewonņe kundat akmâ hâkņe kâlâp akto yem



kilep. Aregât ginbailupņande Yesu ulilāņi.  
<sup>39</sup> Ulilanbiâ yâkgât enemņân ba kinmâ kundatgât makto âlepņe agep. Âlepņe akmâ agatmâ sot om yeņgimbo neyi.

<sup>40</sup> Akto dewutâ kulukberâmbo âmâ galalupyenande kundat agi are meyekmâ Yesugâlân togombiâ bātņandeak meyekto kundat ainâk bo akyeņgiep. <sup>41</sup> Akto sinduk baniara bâleņe are watyeņgimbo âmâ hepunyekmâ bam arim hin dâyi, “Gâ Anutugât nanņe huņgun giņdo togoen.” dâmbiâ Yesuņe mem iratyeņgum hin dâm makyeņgiep, “Den bo ak.” dâm makyeņgiep.

<sup>42</sup> Akto yem kinbiâ hauņdo emelanba gem hân siâ luâk bo manmaiângen ariep. Pumângen arim mando luâk dondâ undâgâtmâ manmâ mem mi-awakmâ hin dâm magañi, “Gâ nen olop in man-baengât nâņgâen.” dâmbiâ hin dâm makyeņgiep, <sup>43</sup> “Bo, kepia ârândâņ arim Anutugât den âlepņe makyeņgire lokom manbai aregât huņgun niņdo geân.” <sup>44</sup> Hain dâm Yuda yeņgât den emetņe ârândâņ arim manmâ den makyeņgim malep.

## 5

### *Yesuņe dâmbo iņan dondâ meyi.*

<sup>1</sup> Hilâm siân Yesuņe Genesaret bātņum dâtņân kindo Anutugât den are nâņgâwerâm gam ândeanmâ kinbiâ <sup>2</sup> waņga lâuwâ yelegep. Aregât ambolupņande waņganba sopanmâ iņan ito pulim kili. Akto iņangât ito pulim kinbiâ <sup>3</sup> Yesuņe Simoņgât waņgan âgâm hin magañep, “Den makyeņgiwerân aregât waņga ire memenâ getek bam indâņân kilâk.” dâmbo mendo indâņângen

ariyi. Arim tatbiâ Yesuje kâmot nupiân kili are den makyenjim malep. <sup>4</sup> Makyenjimbo bo akto Simon hin dâm maganep, “Bât gum tânâmjân arim âmâ injan ito panmâ injan oloj.” dâep. <sup>5</sup> Hain dâmbo Simonje hin dâm maganep, “Apo, hândâknân sop kâlep manmâ injan itoje are pandenne gembo injan siâ bo menden. Bo dondâ. Gârâmâ gân gât den are lokom arim injan ito panmâ ekberen.” dâep. <sup>6</sup> Hain dâmbo âmâ injan ito are panbiâ gembo injan dondâ kâlegen kulukbiâ aregât umatjân tâk hâre akberâm agep. <sup>7</sup> Hain akto hâk hilâlâm nân gâm âmâ galalupyene wanja siân mali are yen gonbiâ gam tân yenguyi. Tân yengum injan are bikne membiâ wanja lâuwâ lâuwâ pikto âmâ kumbune kawut yekberâm agep. <sup>8-10</sup> Hain akto Petorogât galalupne akto emi teulogâtne lâuwâ kotyetne Yakobo akto Yohane are Sebedαιο nanlogâtne yâkne injan dondâ are ekmâ sâ sâ meyi. Sâ sâ membiâ Simon Petoroje Yesugât keinjân kân gom gem hin dâep, “Woe, Humo, dosane humo mem luâk bâleje manman aregât hepun nekmâ ari.” dâep. Hain dâmbo Yesuje hin dâep, “Gâ bo hamewak. Injân gât âi memmat dop hainâk hâmbâi luâk mem oloj yekmenâ nân gât kâmot akbai.” dâep. <sup>11</sup> Hain dâmbo wanja are membiâ nupiân âgâmbo âmâ wan me wan are hepunmâ Yesu olop arim mali.

*Yesuje dâmbo hâk bâle bo agep.*

<sup>12</sup> Yesuje manmâ kepia are hepunmâ siângen ariep. Arimbo luâk siâ hâk bâle kârikne malep arekne Yesu ekmâ âmâ enemjân gam hin dâm ulilanep, “Kotdâ, gânje diwi bâle aktân ire mem

howai nekmenâ âlepņe akberân aregât kârikņe tat-  
 giņdâp aregât gugak mem howai nekmenâ âlepņe  
 akberân me bo?” dâep. <sup>13</sup> Hain dâmbo Yesuņe  
 hâkņe mem howaiep. Howaim hin dâm magañep,  
 “Nâņgâ giņdângât pandagâk.” dâmbo ainâk hâk bâle  
 are pandakto ârândâņ agep. <sup>14</sup> Akto Yesuņe den  
 hin magañep, “Gâņe iregât pat luâk bo makyenġim  
 yânâk arim âmâ sumbe kat kat luâk are yenġâlân  
 arimenâ gekbi. Akto diwi pandak giņdâp iregât  
 Moseņe den kulengoep are lokom Anutugât pat  
 songo huit omenâ are ekmâ hin dâwai, “Âo, luâk  
 iregât diwi bâle emelâk pandakto ârândâņ aktâp.”  
 dâwai.” dâep. Yesuņe hain dâm magañdo ariep.  
<sup>15</sup> Hain magañdo luâk âlepņe agep aregât den  
 pat arekņe sambelem kepia ârândâņ arimbo hin  
 dâm magañgi goañgi akmini, “Yesuņe den makto  
 nâņgâenņe bunņe akbiap, are âmâ kundatnenņe  
 bo aknengiwiapgât yâkgâlân arine.” Hain dâm  
 hârogâkņe yâkgâlân arimini. <sup>16</sup> Arim mendugum  
 kinbiâ hepun yekmâ hân pumângen arimbo Anutu  
 olop den akminiat.

*Yesuņe luâk bâtņe keiņe kârigem malep siâ  
 heņgemgoep.*

<sup>17</sup> Akto hilâm siân Yesuņe den makmâ hulaņmâ  
 potatmâ yenġim malep. Mando âmâ Parisaio luâk  
 akto Mosegât den kârikņe oyaņmâ makyenġiyi are  
 Galilaia hânân gâtņe akto Yudaia hânân gâtņe  
 akto Yerusalem kepian gâtņe arekņe togom tali.  
 Tatbiâ Anutuņe Yesu memene agaņdo âmâ luâk  
 heņgem yenġuep. <sup>18</sup> Heņgem yenġumbo ainâk  
 luâk bâtņe keiņe kârigiep siâ galalupņande temân  
 katmâ lokom togoyi. Togom âmâ emelan mem

âgâm Yesugât enemñân katberâm <sup>19</sup> âmâ luâk gam turuñ panmâ kili. Aregât gain gain akmâ katne dâm tirekñânba âgâm emet bokñân kinmâ ainba bok gagaimbiâ dâpñe miawakto ainba luâk are temdâk tâgân panbiâ gem gem luâk âmbâle hutyeñân Yesugât enemñân giep. <sup>20</sup> Gembo Yesuñe biwiyenñe ekmâ nâñgâm âmâ luâk kundatdâ are hin dâm magañep, “Dosage puliginđangât Anutuñe hâuñe bo giñbiap.” <sup>21</sup> Hain dâmbo Mosegât den makyenñiyi akto Parisaio luâk yâkñe den are nâñgâm âmâ biwiyenñân hin nâñgâyi, “Anutuñe ikinjak âmâ dosayenñe hepun yeñgimap ina luâk irekñe yâkgât dop akberâmbo bâliâp.” dâyi. <sup>22</sup> Hain nâñgâm kinbiâ Yesuñe yekmâ nâñgâm âmâ hin dâm makyenñiep, “Biwiyenñân hain nâñgâi are âmâ ârândânñ bo aktâp. <sup>23</sup> Gain gain arekñe owâñe luâk bâleñe ire hin dâm magañberân, “Anutuñe dosage hepundâp.” hain dâm magañberân me hin dâm magañberân, “Agatmâ ari.” <sup>24</sup> Aregât maktere nâñgâñet. Nâ Anutuñe dosayenñe puliwiangât huñgun niñdo geân aregât Anutuñe nâ kârikñe niñep aregât keñe ekmâ nâñgâñet.” dâep. Hain dâm makyenñim aregât luâk bânñe keñe kârigiep are hin dâm magañep, “Agatmâ tem tâkge meakmâ emetgân ari.” dâep. <sup>25</sup> Hain dâm magañdo ainâk tem tâkñe meakmâ Anutu kotñe mem agatmâ kepianñangen ariep. <sup>26</sup> Arimbo ekmâ nâñgâm bâtyenñe dâtyenñân igim kinmâ Anutu kotñe mem agatmâ hin dâyi, “Uñak iren agak meme irakñe pup pup ekten.” dâyi.

*Yesuñe Lewi kolep.*

<sup>27</sup> Akto Yesuņe emelanba gem ariep. Arimbo puli meme luâk siâ kotņe Lewi yâkņe gawamangât puli emetņân tato ekmâ hin dâm magañep, “Gâ nâ penâniņmenâ olowâk manbaet.” dâmba <sup>28</sup> Lewiņe wan me wan are hârok hepunmâ agato Yesu olop ariyiat.

<sup>29</sup> Akto Lewiņe Yesu ikinje emelan talâk dâm kewugum âgâm Yesugât heroņe nâņgâm sot oep. Om puli meme luâk akto luâk bikņe meyekto gambiâ olop sot neyi. <sup>30</sup> Nem tatbiâ Parisaio luâk akto Mosegât den makyenģiyi yâkņe yekmâ nâņgâmbiâ bâlimbo Yesu olop mali are hin dâm makyenģiyi, “Yeņe Roma yenģât gawaman puli meme luâk akto luâk bâleņe yâk olop tatmâ sot nembîâ ârândâņ bo aktâp.” <sup>31</sup> Hain dâmbiâ Yesuņe nâņgâm hin dâm makyenģiep, “Âlepņe manmai are yenģâlân doktaņe âi bo ketugumai. Kundatdâ areyenģâlân âi ketugumai. <sup>32</sup> Aregât keiņe hin. Nâņe luâk âlepņeâk bo meyekman. Luâk bâleņe olowâk mem oloņ yektere aregât bâleņe yeņe makmâ miawakbiâ biwiyeņe Anutugâlân ari kilâkgât dâm yenģât geân.” dâep.

### *Sotgât hanoko agi aregât den.*

<sup>33</sup> Yesuņe hain dâmba Parisaio akto Mosegât den makyenģiyi are yenģâlân gâtņe bikņande hin dâm magañi, “Yohane olop manmai arekņe âmâ hilâm ârândâņ sot hepunmâ manmâ Anutu ulilaņmai. Akto nengâlân gâtņe hainâk akmâ manmai. Gârâmâ gâ olop mandâiņe sot hanâk nem manmai are nâņgâenņe ârândâņ bo aktâp.” dâyi. <sup>34</sup> Hain dâmbiâ Yesuņe hin makyenģiep, “Luâk humo siâņe âmbâle mendo âmâ sot ombiâ kâmotlupņe yâk olop

heronje akmai sop ain âmâ bikñande sot bo nem yân tatberen dâmbiâ aregât ârândân bo akmap. <sup>35</sup> Bo kârikñe. Hâmbâi luâk humo nâ menekmâ kewugunekbiâ bo aktere âmâ undâgât niñmâ okotyene nângâm sop ain âmâ sot bâlâk manbai.” Yesuñe hain dêep. <sup>36</sup> Hain dâm âmâ ikinjaet den ginñe siâ hin dâm makyenñiep, “Luâk siâne sângum irakñe hârem arekñe mem hâk katipñe duwalak duwalakñe tâmbâñe are bo parutmap. Sângum irakñe tâmbâñe hut bit parutmap dâine sângum irakñe are bâliwop akto sângum lâuwâ are dopñe konok bo akbop. <sup>37</sup> Akto nen âmâ wainñ tu irakñe yo hâkñe tâmbânñ bo kâienñe gemap. Hain akmaen dâine wainñ tuñe arekñe yo hâkñe are mendo âmâ bim âgâm hogoakbop. Akto wainñ akto yo hâkñe lâuwâ lâuwâ bâlewat. <sup>38</sup> Aregât wainñ irakñande yo hâkñe irakñân gembo âlepñe akmap. <sup>39</sup> Dâ siâ wainñ tâmbâñe nem hanñe agepñe wainñ irakñe aregât hâkân akmâ hin dâwiap, “Tâmbâñe are nendere ukenñe aktâp.” dâwiap.” dêep.

## 6

### *Sarere âi bo meme sop aregât den.*

<sup>1</sup> Akto Sarere âi bo meme sop siân Yesu olop maliñe kalam ginñângen ariyi. Arim olop mali yâkñe kalamânba sot bâikñe konok konok are mem hâkñe digim neyi. <sup>2</sup> Hain akbiâ Parisaio luâk arekñe yekmâ hin dâyi, “Ye wangât hain aktâi? Uñak âi meme sopñe bo aregât âi membiâ ârândân bo aktâp.” <sup>3</sup> Hain dâmbiâ Yesuñe hin dâm makyenñiep, “Ye bo nângâi me? Dawidi akto luâklupñe mop miawak yenñimbo agi are nângâi

me bo? <sup>4</sup>Yâkne hin agi. Dawidiņe Anutugât sumbe kat kat emetņân âgâm sot Anutugât pat dâm kali are mem nem bikne luâklupņe yeņgimbo olowâk neyi. Sot are luâk aņgâ yeņgât pat borâm sumbe kat kat luâk are yeņgâlâk dâm magi. Ainba yâkne hanâk mem neyi. <sup>5</sup>Aregât keiņe makmâ miawaktere nâņgâņet. Nâ Anutuņe huņgun niņdo luâk akmâ geân Sarereân âi bo meme aregât kautņe akmâ mandân.” dâep.

*Sarere siân Yesuņe luâk siâ heņgemgoep.*

<sup>6</sup> Akto Sarere siân den emetņân âgâm den makyeņgiep. Makyeņgimbo luâk siâ talep aregât bātņe bungen âmâ kamunņe agep. <sup>7</sup> Hain akto Mosegât den kârikne makyeņgimini akto Parisaio luâk arekne, “Yesuņe luâk ire mem heņgemgowerâp me bo?” dâm aregât ekmâ âmâ denân katbaen dâm aregât damungom tali. <sup>8</sup> Akto Yesuņe yekmâ nâņgâm âmâ luâk bātņe kamunņe are hin magañep, “Agatmâ kin.” dâmbo agatmâ kilep. <sup>9</sup> Kindo damungom kili are hin makyeņgiep, “Sarere âi bo meme sopņân wan me wan âlepņe me bâleņe akbaen are luâk heņgem yeņgumaen me hilip yeņgumaen aregât makniņbiâ nâņgâwe.” dâep. <sup>10</sup> Hain dâm tâņâk yekto den hâuņe bo magañi. Yân kinbiâ bātņe kamunņe are ekmâ hin magañep, “Bâtge mem agat.” dâmbo bātņe mem agato âlepņe agep. <sup>11</sup> Akto are ekmâ hin magañgi goaņgi agi, “Sarere âi meme sopņe boân ina âi ire mendo ârândâņ bo aktâp. Aregât gain gain akne.” dâm Yesugât kuk bâleņe akmâ kili.

*Yesuņe Aposololupņe meyegep.*

<sup>12</sup> Akto sop siân emet dâgâwerâm akto Yesuņe gimbâņe siân Anutu maganberâm âgâep. Âgâambo Anutu olop den akbela emet haunđo <sup>13</sup> luâk olop mali hutyeņânba keiân lâuwâ are mem oloņ yegep. Oloņyekmâ âmâ Aposolo yeņgonlep. <sup>14</sup> Dâ kotyeņe ikiyeâk ikiyeâk âmâ hin. Simon kotņe siâ Petoro emiņe Anderea, Yakobo, Yohane, Pilipo, Batolomaio, <sup>15</sup> Mataio, Toma, Yakobo siâ are Alipaiogât nanņe akto Simon siâ Roma yeņgât hâkân agi are yeņgâlân gâtņe akto <sup>16</sup> Yudasi are Yakobogât nanņe akto Yudasi siâ Karioto kepian gâtņe arekņe âmâ beirâ Yesugât gasalupņe makyenjimbo kombiâ moep.

<sup>17</sup> Yâk meyekmâ gimbâņe kautņângenba gem hân ukuleņân arim luâk âmbâle donđâ penâyeņgiyi. Penâyeņgimbiâ luâk donđâ yâk yeņgâlân togom menduguyi. Akto Yudaia hânângenba akto Yerusalem kepiangenba akto Tiro akto Sidon kepia are haru dâtņân talewângenba togom mendugu akbiâ den potatmâ yeņgiep. Akto kundat agi are yeņgât makto âlepņe agi. <sup>18</sup> Akto sinduk baniara bâleņande kautyeņân miep are watyekto arimbiâ âlepņe agi. <sup>19</sup> Hain akmâ Yesugât kârikņeņande heņgemnengumbo howaim âlepņe akne dâm kili.

*Yesuņe den dâtņe makyenjiep.*

<sup>20</sup> Akto Yesuņe ikiye hamiņân gâtņe yekmâ hin dêep, “Ye puligât umburuk akmâ manmai aregât Anutuņe damuyene akberâm aktâp. Aregât yeņgât nâņgâre âlepņe aktâp. <sup>21</sup> Sop hinņeâk iregât âmâ mop mandâi. Dâ hâmbâi âmâ Anutuņe wan me wangât egâlian akmai are yeņjimbo ârândân



akbiap. Aregât yengât nângâre âlepņe aktâp. Sop hinņe âmâ okotyņe nângâm indem mandâi yeņe âmâ hâmbâi biwiyeņe heroņe akbiap aregât yengât nângâre âlepņe aktâp. <sup>22</sup> Luâk âmbâle bikņande luâk akmâ geân nângât hâkâņ akmai aregât ye yekbiâ gembîa hogom nângâyeņgim watyekmai <sup>23</sup> aregât yengât hâu âlepņe hâmbâi Humoņe himbimân wan katyęgiep are tatâp aregât biwiyeņe heroņe humo nângâm manbi. Âmâ bâgilupyęande yeņe aktâi dop hainâk akmâ Anutugât hoņ bawa agañmâ mali.

<sup>24</sup> Woe, niņemaņe puli siâ siâ tat yeņgiâp aregât emelâk âlepņe yeņaet hâu meyi. Ye hâmbâi âmâ bâleņân arim âi girâp akbai. <sup>25</sup> Woe, uņak âmâ sot humo nem unsambe manmâ heroņe aktâi. Dâ hâmbâi âmâ bâleņân arim mop manmâ âi girâp akbai. Akto uņak âmâ giriņmâ heroņe maroņe kakņân mandâi. Dâ hâmbâi âmâ indem umatņân manbai. <sup>26</sup> Woe, ulikņân luâk bikņande agatmâ den mem hin hiaņgim dâyi, “Nen Anutune den dâm maknengiâp are makmâ miawaktenņe nângâm lokoņet.” dâmbîa âmâ bâgilupyęande heroņe akyęgiyi. Heroņe akyęgimbiâ Anutune bo huņgun yeņgiep, yânâk agatmâ hiaņgi den dâyi aregât dosayeņe yeņgiep. Aregât uņak iregât âmâ luâk âmbâle kâmot humo arekņe yengât nângâm heroņe akyęgimbiâ âmâ hanoko akbi.

### *Gasa are gala akyęgiwei.*

<sup>27</sup> Gârâmâ nâ hin maktere nângâņet. Yeņe gasalupyęe yengât nângâm gala akyęgiwi. Akto yengât hâkâņ akmai are mem gala katyekbi.

<sup>28</sup> Akto ye bâleņe akyęgimai are heroņe akyęgiwi.

Akto makmâ hâkân yekmai yâk yengât akmâ Anutu ulilanbi. <sup>29</sup> Luâk siâne ondopge hogombo are ondopge bikne wanben. Luâk siâne gângât ito menjinberâm kârikne akto âmâ iripânge biken are wanben. <sup>30</sup> Luâk siâne puli siâ siâgât ulit ginjo are wanbiat. Akto luâk siâne puli siâ siâ are menjinjo aregât purik katmâ ninj bo dâwiat. <sup>31</sup> Yeñe wan me wan siâ siâ aknenginjet dâm aregât ukenje akmai dop hainâk akyengiwei.

<sup>32</sup> Luâk âmbâle bikñande ye han kalem akyengimai yâk han kalem purikatmâ akyengiwei amâ hâu gain gain miawakyengiwiap? Amâ luâk bâleñande galalupyene han kalem akyengimai gai. <sup>33</sup> Akto bikñande gala akyengimai yâk gala akyengiwei amâ hâu gain gain miawakyengiwiap? Amâ luâk bâleñande hain akmai aten. <sup>34</sup> Akto hâuñe purikatmâ nenginjetdâm wan me wan yengiwei amâ Anutuñe hâu wan hinan purikatmâ yengiwiap? Amâ Anutugât den bâlâk manmai yâkne galalupne hin dâm siâ me siâ yengimai, “Maleine yekâ hainâgâk hâuñe nengiwi.” dâmai. <sup>35</sup> Bo. Ye hain bo akbi. Ye gasalupyene gala akyengiwi. Hâuñe bo yengiwei yâk hanâk hengemyengum siâ me siâ yengiwi. Hain akmâ maleine hâuñe umatne membai. Hain akmâ Humo yâkgât nan barat akmâ manbai. Yâkne âmâ luâk gulip akto metne yâk hanâk han kalem akyengimap. <sup>36</sup> Eweyeneñande han kalem manmapgât yeñe hainâk han kalem olop manbi.

<sup>37</sup> Akto yeñe yâk yengât den borâm hâre yengimbiâ âmâ hainâk Anutuñe dosayene bo kat yengiwiap. Dâ dosayene hepun yengimbiâ âmâ

hainâk Anutuŋe dosayeŋe hepun yeŋgiwiap. <sup>38</sup> Puli me wan me wan akyeŋgimbiâ âmâ Anutuŋe hainâk akyeŋgiwiap. Gârâmâ Anutuŋe lugum totokombo humo akto yeŋgiwiap. Are âmâ yeŋe yeŋgimai dop hainâk Anutuŋe yeŋgiwiap.” dâep.

*Yesuŋe den umatŋe dâm makyenŋiep.*

<sup>39</sup> Yesuŋe den hain dâm makyenŋim den ginŋe hin dâm makyenŋiep, “Dewunyetŋe bok bokŋe lâuwâ siâŋe yetŋeâk oloŋ akmâ dâp mesokmâ siâŋgen arim hememân hâkoko akbiandat. <sup>40</sup> Akto den siâ makbe. Nanaŋ âmâ tiksane bo ewangimap. Nanaŋ are wan me wan nânŋâm heŋgemgom âmâ tiksa aregât dop akmap. <sup>41</sup> Akto den siâ makbe. Gâŋe galagaet dewunŋân lâwin unene tatâp are ekmâ guge dewunŋân lâwin papaŋe tatâp aregât bo nânŋanŋim galagaet dewunŋân tatâp aregâlâk hin dâmenâ ârândân bo akbiap, <sup>42</sup> “Gala, dewunŋân gagap tatâp are meŋgiŋbe.” Gâ hianŋi luâk. Guge dewunŋân lâwin papaŋe tatâp are soŋ meakmenâ âlepŋe akto âmâ galagaet dewunŋân lâwin unene tatâp are memenâ ârândân akbiâp.

*Lâwin keiŋe keiŋe.*

<sup>43</sup> Akto den siâ makbe. Lâwin keiŋe keiŋe aregât koaŋe ikiŋeâk ikiŋeâk kinmap. Lâwin koaŋe âlepŋande lâwin bâleŋân bo kinmap. Akto hainâk lâwin koaŋe bâleŋande lâwin âlepŋân bo kinmap. <sup>44</sup> Giat bunŋande kewu bo akmap. Akto kânden bunŋande ham bo akmap. Bunŋaet keiŋe ya ekmâ nânŋâmai are. <sup>45</sup> Luâk siâgât biwiŋân wan me wan bâleŋe me âlepŋe pikmâ yendâp aregât launŋanba âlepŋe me bâleŋe miawakmap. Aregât luâk âlepŋe

siâ biwi irakņe manmapgât bunņe biwiņânba agak meme âlepņeâk miawakmap. Dâ luâk bâleņe siâ biwi helenņ manmapgât bunņe biwiņânba agak meme bâleņeâk makmap.

*Emet kârikņe akto yeukņe aregât keiņe.*

<sup>46</sup> Yeņe lau yeņandeâk, “Humonenņe, Humonenņe.” dâm nogonmâ âmâ nâņe den makyenņiman are bo lokomai are amâ ârândâņ bo akmap. <sup>47</sup> Siâņe nâņgât denne nâņgâm lokom manmap are âmâ dop hin dâre nâņgâņet. <sup>48</sup> Luâk siâņe emetņe ketugum tetembeņe kâlep anuņdo gembo totokombo kârikņe agep. Kârikņe akto âmâ emetņe are ketugumbo ârândâņ akmâ tato âmâ wâriņ humo mendo tu seru kârikņe akto emet are kârikņe akmâ bo kâwulakmâ kilep. Luâk hain arekņe dop hain aktâp. <sup>49</sup> Dâ siâņe denne ire nâņgâm âmâ hepulep aregât dop âmâ luâk siâ emet ketugum âmâ tetembeņe yân hanâk yogan yogan kakņân anuņdo kilep. Ain âmâ tu seru humo pando âmâ yogan yogan akmâ kâwulakmap.” dâep.

## 7

*Yesuņe dâambo hoņ bawa siâ âlepņe agep.*

<sup>1</sup> Yesuņe den bunņe are makyenņim metem âmâ Kapanaum kepian ariep. <sup>2</sup> Arimbo Roma tembe loko yeņgât kautņe siâņe ikiņe hoņ bawa nâņgâ aņdo humo agep are momberâm agep. <sup>3</sup> Hain akto luâk kotdâ arekņe Yesugât pat nâņgâm âmâ Yuda damunyeņe mali are arim Yesu kewugumbiâ togom hoņ bawa maganņdo kundat hepulâkgât makyenņiep. <sup>4</sup> Makmâ huņgunyeņgimbo arim hin

dâm ulilani, “Roma tembe loko yengât kautje siâ hutnennân mando luâk âlepje dâmaen. <sup>5</sup> Akto nengât den emetjaet puli kato ketugu nengiyi aregât denje nângâmenâ ârândân agâk.” dâm magani. <sup>6</sup> Hain maganbiâ nângâm yâk olop ariyi. Arim emetje are ewumâk akbiâ galalupje den hin dâm makyengim hungun yengimbo Yesugâlân arim magani, “O Humo, damun nenjande hin dâp, “Nâ luâk yânje mandân aregât nângâlân bo togowen. Akto nunaet nângâre ârândân bo aktâp. <sup>7</sup> Akto nâ gângâlân bo togoman. Aregât gâ yân denâk makmenâ honj bawane ire âlepje agâk. <sup>8</sup> Akto nâ luâk humomo yengât den lokoman. Dâ tembe lokolupnande âmâ nângât den lokomai. Hain akbiâ hutyenân gâtje siâ maganmâ, “Gâ ari” dâre âlepje arimap. Akto siâgât, “Gâ ga” dâre âlepje gamap. Akto siâgât, “Âi me” dâre âi memap.” hain dâp.” dâyi. <sup>9</sup> Hain dâmbiâ Yesuje tembe loko yengât den are nângâmbo dâtje akto aregât purik katmâ hamiân dondâ kili are hin dâm makyengiep, “Makyengire nângânet. Israe luâk yengât hut yenânba luâk siâje nângâniņmap âlepje hinare bo mem miawagân.” dâep. <sup>10</sup> Hain dâmbo tembe loko galalupjande purik katmâ arim emelan âgâm honj bawa âlepje agep are egi.

*Yesuje dâmbo luâk momoje siâ agatmâ âlepje agep.*

<sup>11</sup> Akto Yesu Aposololupje olowâk kepia siâ kotje Naiņ ain arimbiâ luâk kâmot humoje hamiyenân kinbiâ olowâk ariyi. <sup>12</sup> Akto kepia are tâlâgumbo luâk âmbâle kâmot humo siâje âmbâle kambut siâgât nanje konok moep are lokom

hangowerâm togoyi. <sup>13</sup> Togombiâ Humoņe âmbâi kambut are ekmâ okot nâņgâm hin dâep, “Bo inde.” dâep. <sup>14</sup> Hain dâm temân dâgâm lokom togoyi are mendo yân kinbiâ hin dâep, “Luâk sigan agat.” <sup>15</sup> dâm maganđo luâk momoņe are agatmâ den agep. Den akto Yesuņe maganđmâ, “Memege olop malet.” dâep. <sup>16</sup> Hain dâmbo luâk âmbâle arekņe ekmâ ongâyeņe hogombo bâtyeņe dâtyeņân igim kinmâ Anutu maganđmâ hin dâyi, “Anutu gâņe hoņ bawage humo siâ huņgunanen are hutnennân mandâp.” dâyi. Dâm âmâ hin dewatim dâyi, “Anutuņe luâk âmbâle damun nenņe akberâm huņgun anđo togoep.” dâyi. <sup>17</sup> Akto Yesuņe agep aregât pat are sambelem arim Yudaia hân akto hân biken biken arimbo hârokņe nâņgâyi.

*Yesuņe Yohanegât dâep.*

<sup>18</sup> Yohane tu puliyenġiep yâkgât galalupņande Yesuņe wan me wan miep aregât den pat maganġi. <sup>19</sup> Maganġbiâ galalogâtņe lâuwâ siâ yetkondo togombela den hin makyetkim huņgun yetkiep, “Humogâlân arim den hin dâm maganġlet, Luâk togowiapgât dâyi are gâ me? Nen niņande togoâk dâm lâmgom manden?” hain dâm maganġlet.” <sup>20</sup> Hain dâm huņgun yetkimbo Yesugâlân togom hin dâm maganġiat, “Yohane tuân katyegep arekņe hin dâm huņgun netkiâp. Luâk togowiapgât dâyi are gâ me? Me siâgât lâmgom manbaen?” dâyi. <sup>21</sup> Akto sop ain Yesuņe luâk kundatyene olop are makyenġimbo bo akyenġiep. Akto sinduk baniara bâleņande kautyenġân meyegi are watyegep. Akto dewunyeņe bok bokņe makyenġimbo dewunyeņe hâreakto egi. <sup>22</sup> Aregât Yesuņe Yohanegât

galalogâtñe hin dâm makyetkiep, “Yet arim âmâ wan me wan yetñe dewunyetñande ektat akto ondopyetñande nângat nângâ yâkgât den pat Yohane hin dâm maganjet, “Dewunyeñe bok bokñe yâk yengât dâmbó dewunyeñe hâreakto ektâi. Keiyeñe gonñe yâk yengât dâmbó âlepñe akmâ bam gutâi. Hâk bâle miawak yengimbo manmai yâk yengât dâmbó âlepñe aktâi. Ondopyeñe bok bokñe yâk yengât dâmbó ondopyeñe pâron âgâmbó den âlepñe nângâi. Momone yengât makto golâ akmâ mandâi. Akto umburuk mandâi are den pat âlepñe makyengimbo nângâi.” <sup>23</sup> Akto luâk siâ nângât akmâ bo bâlenimâ hâkâñ akniñbiap amâ yâkgât nângâre âlepñe humo akbiap.” Hain dâm huñgun yetkiep.

<sup>24</sup> Huñgun yetkimbo purik katmâ arimbela Yesuñe luâk âmbâle kili are Yohanegât hin makyengiepi, “Ye hân kamitñângen wan ekberâm ariyi? Seruñe kâro waito duwuñ akto are ekberâm ariyi me? <sup>25</sup> Yohane âmâ haingât dopñe bo. Me luâk siâñe hâk pekeñe kulem melem agakñe luguakmâ kei pekeñe âlepñe dondâ kalep are ekberâm ariyi me? Amâ bo. Luâk hain arekñande luâk humomo yengât emelan tatmâ sot âlepñe nembiâ tepyeñe pikto gemai. <sup>26</sup> Yohane âmâ hainare yengât dopñe bo. Aregât ye wan ekberâm ariyi? Ye Anutugât den dâm miawagep siâ ekberâm ariyi. Aregât makyengire nângâñet. Yohane egi are âmâ Anutugât den makmâ miawakmâ gayi yâk hainare bo. <sup>27</sup> Yâk âmâ siâ. Yâkñe âmâ hârok ewangiyektâp. Hain gârâmâ Anutuñe yâkgât den hin dêep are tatâp,

“Nune hoŋ bawane maganmâ hunɣunaŋdere laune lokom gâŋgât ulikŋân akɣinmâ dâp henɣemgo ɣinbiap.”

Akto den kulengoep are bunɣe akto Yohane togoep. <sup>28</sup> Akto luâk siâne Yohane ewangiwiapgât dop bo tatâp. Are âmâ Yohaneɣe ulik gulik akmâ âinaet keiɣe bo ekmâ nânɣâwiap aregât luâk yânɣe biwiyeɣe Anutugâlân katbiâ arim kinbiap yâk hârokɣe Yohane ewangiwai.” <sup>29</sup> Hain dâm makyenɣimbo luâk âmbâle dondâne gawamangât puli meme luâk olowâk yâkɣe emelâk Anutugât den lokom manbiâ Yohaneɣe tuân mem katyegep yâkɣe Anutugât den are tângombiâ bunɣe agep. <sup>30</sup> Dâ Parisaio luâk akto Mosegât den makyenɣimini yâkɣe âmâ Anutugât dâp are hâkân akmâ Yohaneɣe tuân bo kat nenegâk dâm manmâ gayi. Hain agigât yâkɣe âmâ nânɣâmbiâ bunɣe bo agep.

<sup>31</sup> Akto den siâ hin dâm lâuwâne makyenɣieɣe, “Luâk kâmot ire yâk yeŋgât wanân dop katmâ makbe? Yâk wan hinare? <sup>32</sup> Nanaŋ kâmot lâuwâ keɣia sombeimân tatbai. Akto kâmot siâne kâmot siâ are hin dâm makyenɣiwai, “Nenɣe herone akmâ bâtâ kondeneɣe yeɣe keɣ bo kondâi. Akto nenɣe âi girâp akmâ indien hain indenɣet dâm makyenɣienneɣe bo indeâi.” dâwai. <sup>33</sup> Akto aregât maktere nânɣânɣet. Yohaneɣe tuân katyegep yâkɣe âi keiɣe katmâ tu sot bo nem manmâ âmâ yân âi mem manmâ gambo hin dâyi, “O, luâk ire sinduk baniara bâleɣande meme agaŋdâp.” <sup>34</sup> Akto nâ luâk akmâ geân nânɣe sot songo nendere nekmâ hin dâmai, “Luâk ire âmâ sot humo nem mandâp are gawamangât puli meme luâk akto luâk bâleɣe



yenğât gala.” dâmai. <sup>35</sup> Anutugât nângâ nângâ kâmot are âmâ ginbailupņe yâkņe yâkgât keiņe mem golâ katbiâ bunņe kârikņe agep.” dâep.

*Âmbâle siâņe Yesugât keiņe puliep.*

<sup>36</sup> Parisaio luâk siâņe Yesu kewugumbo emetņân âgâambo mendugu akmâ sot neyi. <sup>37</sup> Sot nem tatbiâ ain gâtņe âmbâle dâp gulip malep siâņe Yesu Parisaio luâk yâkgât emetņân âgâm talep are nângâm tu higenņe are mem âgâep. <sup>38</sup> Mem âgâm hamiņân kinmâ indembo dewunņe tuņe târâņ dâm keiņân giep. Gembo dumutņe yeukņe arekņe keiņe pulim metiep. Pulim metem âmâ keiņe mem maņganmâ tu higenņe are keiņân kâim puliep. <sup>39</sup> Hain akto Parisaio Yesu kewugumbo âgâyat arekņe ekmâ biwiņânâk hin nângâep, “Dâp gulip manmap irekņe aktâp ire bo agakņe. Gârâmâ bundâk Yesu Anutugât hoņ bawa manmap dâine âmbâle iregât keiņe nângâwop.” dâm nângâep. <sup>40</sup> Hain nângâambo Yesuņe ekmâ nângâm âmâ hin maganņep, “Simon, den siâ maktere nângâ.” dâambo hin maganņep, “Tiksa, makniņmenâ nângâwe.” dâambo <sup>41</sup> hin maganņep, “Luâk siâņe luâk lâuwâ puli yetkiep siâ 50 kina siâ 5 kina. <sup>42</sup> Akto siân aregât hâuņe niņlet dâambo puli are panbela bo agep. Bo akto bo mem miawagiat aregât yâkgâlân arim kinmâ hin dâyat, “Puli bo tat netkiâp.” dâmbela hin makyetkiep, “Hanâk, misiget, âlepņe ariet.” dâambo ariyat. Hain akto âmâ niņande dosa hepunaņep aregât nângâambo huraguep? 50 kina miēp arekņe me 5 kina miēp? Aregât makniņmenâ nângâwe.” dâep. <sup>43</sup> Hain dâambo hin dâep, “Puli dondâ miēp arekņe ukenņe nângâep.” dâep. Hain dâambo Yesuņe hin

dâm magañep, “Gâ âlepñe maktât.” <sup>44</sup> Hain dâm âmbâle are ekmâ hin dâm Simon magañep, “Âmbâle ire ek. Nâ gângât emelan gare tu bo kâim niñmenâ puliaktân. Akto âmbâle irekñe âmâ indembo dewunñe tunje keinân gembo dumutrñande puli nektâp. <sup>45</sup> Gâñe âmâ bo mañgan nektât. Dâ âmbâle irekñe âmâ keine mem mañgan nekmâ heronje akniñdâp. <sup>46</sup> Akto gare gâñe âmâ tu higen suk suk siâ kautnân bo kâiât aregât âmbâle irekñe âmâ tu higenñe olop kâimbo keinân gembo puli nektâp. <sup>47</sup> Âmbâle irekñe âmâ gala konok akniñdâpñgât nâ yâkgât patñe hin maktere nâñgâ. Luâk siâñe galañet dosa umatñe puliañdo aregât heronje humo nâñgâ añbiap. Dâ luâk siâñe galañet dosa bikñeâk puliañdo aregât heronje kakñeâk nâñgâ añbiap. Aregât keñe hin dâre nâñgâ. Anutuñe âmbâle iregât dosañe umatñe are emelâk hepun añdo heronje humo nâñgâ niñdâp hain.” <sup>48</sup> Hain dâm âmbâle are hin dâm magañep, “Dosage emelâk hepun giñdân.” dâep. <sup>49</sup> Hain dâmbo olowâk tatmâ sot neyi arekñe biwi yeñân hin nâñgâyi, “Luâk iregât keñe gain gain hinare? Gain gain akmâ dosage emelâk hepun giñdân dâp?” <sup>50</sup> Biwiyeñande hain nâñgâmbiâ Yesuñe âmbâle are hin dâm magañep, “Biwige Anutugâlân arim kindâp aregât kambiamge sândugembo manbiat.” dâm magañep.

## 8

### *Yesu olop ariyi yeñgât keiyenje.*

<sup>1</sup> Sop aregât kakñân Yesuñe kepia hârogâk ândeanmâ arim Anutuñe damunyeñe akberâm aktâp aregât den pat âlepñe makyenjim malep.

Akto Aposololupņe keiân lâuwâ are oloņ yekto olowâk ariyi. <sup>2</sup> Akto âmbâle bikņe olop ariyi are yeņgât keiyeņe hin. Bikņe âmâ sinduk baniara bâleņande meyekbiâ are watyeņgimbo âlepņe agi are. Akto bikņe âmâ heņgem yeņguep yâk olop ariyi. Akto yâk yeņgâlân gâtņe siâ kotņe Maria Madala kepian gâtņe, yâkgât âmâ sinduk baniara bâleņe nâmbulân lâuwâ walaņep. <sup>3</sup> Akto siâ kotņe Yohana are Herotegât hoņ bawa luâk kotņe Kusa yâkgât âmbenņe. Akto siâ kotņe Susana. Akto âmbâle bikņe puli oyaņmâ Yesu akto aposololupņe yeņgiyi are olowâk ariyi.

*Anutugât den aregât dâp.*

<sup>4</sup> Luâk âmbâle dondâņe kepiayeņe hepunmâ Yesugâlân togom mendugumbiâ yekmâ âmâ den ginņe hin dâm makyeņgiep, <sup>5</sup> “Luâk siâņe seņgo alekņe are panberâm âiâņgen mem ariep. Akto alekņe bikņe dâwân gembo luâkņe tâlim hogombiâ lâutņe togom nem meteyi. <sup>6</sup> Dâ seņgo alekņe bikņe âmâ hân yam yamân gembo kâmņe gam âmâ tu bogât ainâk moep. <sup>7</sup> Akto alekņe bikņe hele kâlegen giep. Gem kâmņe gambo are âmâ hele humoņe gam âgâm lokom gunduņaņdo moep. <sup>8</sup> Akto alekņe bikņe âmâ hân keluņe olowân gembo miawakmâ kâmņe bususuk dâm gam bunņe dondâ miawagep.” Hain are makmâ âmâ benņe kârikņeâk makmâ hin magep, “Luâk ondopdâņe den ire nâņgâwi.” dâep.

<sup>9</sup> Akto hoņ bawalupņande den memene aregât keiņe gain gaingât maktât dâm aikoyi. <sup>10</sup> Aikombiâ hin dâm makyeņgiep, “Anutuņe ye emelâk nâņgâ nâņgâyeņe mem pâroņ kalep. Kato Anutuņe

damunyaḅe akmapgât keiḅe nâḅgâi. Dâ bikḅe amâ ekmâ âmâ bo ekmâ nâḅgâm heḅgemgomai. Amâ Anutuḅe makto dewunyaḅande âmâ ekmai. Dâ biwiyenân bo gemap. Akto ondop yeḅande nâḅgâmai. Dâ nâḅgâ nâḅgâ yeḅân bo gemap. Aregât den dopḅân maktere keiḅe bo nâḅgâmai. <sup>11</sup> Hain. Akto den ginḅe makyenḅiân aregât keiḅe hin. Anutugât denḅe seḅgo alekḅe aktâp. <sup>12</sup> Seḅgo alekḅande dâwân giep. Hân dop are âmâ hinare manbai arekḅe Anutugât den nâḅgâmbiâ biwiyenân ewuwiap. Ewumbo Niambiḅe ekmâ den are nâḅgâm biwiyenḅe nâḅgâlân katbiâ Anutuḅe damunyaḅe akbopgât hâreyenḅim ariwiap. <sup>13</sup> Dâ seḅgo koaḅe kât heregân giep dop hainare manbai yâkḅe den pat âlepḅe nâḅgâm arekḅeak ukenḅe akbai. Dâ hanyenân kândârâḅe bo giepgât sop pân konok dondâ mem âmâ dopko dopko miawakto den pat âlepḅe hamianḅmai. <sup>14</sup> Akto seḅgo alekḅe bikḅe hele kâlegen giep dop hinare manbaiḅe amâ Anutugât den nâḅgâwai. Nâḅgâm âmâ hâkgât siâ me siâgât nâḅgâm heḅgemgom puli me sâḅgum lâuwâ lâuwâ me ito sikum aregât ukenḅe nâḅgâm hanokoakmâ âmâ den are hepunbiâ âmâ bunḅe bo akmap. <sup>15</sup> Dâ koaḅe hân kelurâ ain giep dop hainare manbai yâkḅe den pat âlepḅe nâḅgâm han yeḅe heḅgemgom yeukḅân mem manmai. Hain akmâ kârikḅe akmâ bunḅe penianḅmai.

*Pagalenḅegât dop.*

<sup>16</sup> Luâk siâḅe pagalenḅe sagom âmâ umbâ kâlegen me yeye amukḅân kato bo tatmap. Tek tekḅân kato emet kâlenḅe pagalembo ekmâ gem âgâmai.

<sup>17</sup> Aregât keiḅe âmâ hin. Wan me wan tip yemap

are mem miapanbai. Dâ siâ me siâ ekbiâ bo akto are pagalenân miawakto hârokņe ekbai. <sup>18</sup> Siâ siâ me siâ talaņdo âmâ Anutuņe siâ waņdo sambeleanbiap. Dâ siâ siâ me siâ bo talaņmap are bâtnân tatniņdâp dâm nâņgâm hilipkombo are Anutuņe bâtnânba oloņmâ pando yân tatbiap. Aregât den makmâ tatân ire nâņgâm gangerâm manbi.” hain dâep.

*Yesugât memeņe emilupņe.*

<sup>19</sup> Sop ain luâk kâmot humoņe Yesu ândeanmâ kinbiâ memeņe emilupņe togom imbianmâ ekberâm ewum hâumgom kâlewânâk kili. <sup>20</sup> Kâlewânâk kinbiâ luâk siâņe hin dâm magañep, “Memege emilupgande gekberâm togo iņgon betgen kinmâ gemenâ gekne dâm gogondâi.” dâep. <sup>21</sup> Hain dâmbo Yesuņe hin dâm magañep, “Anutugât den nâņgâm lokomai ire âmâ nâņgât memene emilupne are yeņgât dop aktâi.” dâep.

*Yesuņe seru magañdo sândugiep.*

<sup>22</sup> Hilâm siân Yesuņe hin dâm makyenġiep, “Bâtgum ire hâtikom biken arine.” dâmbo olop waņgan âgâm ariyi. <sup>23</sup> Arimbiâ Yesu asinġ yiep. Yem tato seru humo pando âmâ haru are bâliep. Bâlimbo âmâ waņga are kâi akberâm agep. <sup>24</sup> Kâi akberâm akto Humo are goañmâ hin dâyi, “Wâe, luâk Humo, nen ire haruân bâliweren.” dâmbiâ agatmâ makto seru akto haru nâņgâm nâņgâyi. <sup>25</sup> Nâņgâmbela hin dâm makyenġiep, “Nâņgâm kepilâniņmai are yâgâte?” dâmbo yâkņe âmâ wan me wan akmâ miep are ekmâ otneyeņe ariep. Arimbo kinmâ hin dâm magañgi goañgi agi, “Ae,

luâk irekņe âmâ seru akto haru ina den makto nânğanđat aregât keiņe gain gain?” dâyi.

*Yesuņe sinduk baniara watyekto bauyeņgât bi-wiyenân geyi.*

<sup>26</sup> Akto bātġum are hātikom Galilaia hân bikņāngen Gerasene are yeņgâlân ariyi. <sup>27</sup> Ain arim waņgaņe haru dātņân kindo sopanmâ ge kindo âmâ luâk siâ kepiangenba togom peniaņep. Aregât keiņe hin. Sinduk baniara bâleņe kugâkņe memene agañbiâ malep. Agañbiâ hâk pekeņe bâlâk manmâ aņun bo aņġim sop kâlep hainâk malep. Manmâ emetņân bo manmâ âmâ sumāngen hilâm ârândâņ arim togominep. <sup>28-29</sup> Hain akto tembe lokone bātņe bikņe bikņe dâġâmbiâ âmâ piriņ piriņ kato hâreakto sinduk baniara arekņe hâwâlaņdo hân kamitņāngen ariminep. Keiņe hain. Akto luâk are togom Yesu ekto sinduk baniara bâleņe are wat yekberâm akto aregât enemņân ge yiep. Yem âmâ hin magañep, “Yesu ġâ Anutu Humo dondâ yâkgât nanņe wangât nânġâlân togoât? Nâ hâk hilâlâm bo niņ.” dâmbo <sup>30</sup> ekmâ magañep, “Kotge niņe?” dâm aikombo sinduk baniara dondāņe memene agañbiâ malep aregât agonakmâ hin dâep, “Kotne kâmot humo.” dâep. <sup>31</sup> Hain dâmbo sinduk baniara dondâ arekņe Yesu hin dâm ulilaņi, “Âlepņe huņġun nengimenâ hememân bo gieneņe nenguwerâp.” dâm ulilaņi. <sup>32</sup> Akto hân ain bau dondâ tâmut nem mali aregât sinduk baniara bâleņe arekņe magañi, “Nânġâ nengimenâ luâk ire hepunmâ bau yeņgât biwiyenân gene.” <sup>33</sup> dâmbiâ, “Âlepņe.” dâmbo arekņeak luâk are hepunmâ

bauyengât biwiyenân geyi. Gemiâ baunje gem tu denġânân gembiâ lauyenân pikto moyi.

<sup>34</sup> Akto bau damunyeje arekne are ekmâ pârigim arim luâk âmbâle dondâne kalam yenângen me kepia yenângen ari den pat are makyenġiyi. <sup>35</sup> Makyenġimbiâ luâk âmbâle hamepne olowâk wan me wan agep are ekberâm Yesugâlân togoyi. Togombiâ sinduk banianje memene agani yâkne âmâ nânġâ nânġâne hulaŋ akto hâk pekenje lugu akmâ Yesugât keiŋân talep. Are ekmâ hamep akmâ kili. <sup>36</sup> Kinbiâ âmâ wan me wan are ekmâ nânġâyine sinduk baniana watyekto âlepne agep yâkgât den pat makyenġiyi. <sup>37</sup> Makyenġimbiâ Gerasene hân ambolupnande hamep akmâ Yesune hân are hepunmâ siângen ariâk dâm aregât maganġi. Maganġbiâ ariwerâm waŋan âġâmbo <sup>38</sup> luâk sinduk baniana walaŋep arekne olop arire dâm maganġep. Maganġo Yesune hin maganġep, “Gâ tat. <sup>39</sup> Anutune heŋgem guguâp aregât den pat ewege memege akto ginbailupge makyenġiwen.” dâm maganġep. Hain dâmbo purik katmâ arim Yesune heŋgemgoep aregât den pat hârogâk makyenġiep.

*Yesune dâmbo den emetne damun luâk aregât baratne siâ momoŋânba agalep.*

<sup>40</sup> Akto Yesune kepia are hepunmâ bêtġum biken ariep. Arimbo lâmgom tali arekne dondâne herone agi. <sup>41</sup> Herone aganġbiâ den emetne damunne siâ kotne Yairo arekne keiŋân kânġom âmâ togom hin dâm maganġep, <sup>42</sup> “Baratne konok dondâ hombanje 12 are momberâm aktâpgât gâ kewugu gekmâ emetnân ariwerâm aktân.” Hain dâm

magaᅇdo olowâk ariyat. Arimbela luâk âmbâle dondâᅇ watmâ arim ândeᅇ gondeᅇ agi.

<sup>43</sup> Akto hutyeᅇᅇn âmbâle siâ kilep yâkgât keiᅇe hin. Âmbâle yeᅇgât dewutâ gambo akmai dop hain bo akminep. Hokboâk hokboâk gambo mando hombaᅇ 12 bo agep. Hain akmâ manmâ gambo doktaᅇe tângowerâm ewum hâumgom hepunmini.

<sup>44</sup> Akto âmbâle arekᅇe Yesugât hamiᅇᅇn arim luguak luguakᅇe mem walip koaᅇe. Walip kom arekᅇeak âlepᅇe agep. <sup>45</sup> Âlepᅇe akto ainâk Yesuᅇe hin dâm aiyᅇᅇᅇp, “Niᅇᅇnde mem walip nuguâp?” dâep. Hain dâmbô hârogâkᅇe ândeᅇ gondeᅇ agi arekᅇe nen bonâᅇᅇâen dâmbiâ aregât Petoroᅇe hin dâep, “Apo, luâk dondâ ândeᅇ gondeᅇ ke-tugu gektâi.” dâmbô <sup>46</sup> hin dâep, “Wâtne gembo aregât maktân. Siâᅇe walip nuguâpᅇgât nâᅇᅇᅇn.” dâmbô <sup>47</sup> âmbâle arekᅇe bundâk howaire nâᅇᅇᅇp dâm ongâᅇe hogombo Yesugât enemᅇᅇn bam âmâ walip kom âlepᅇe agep aregât keiᅇe hârogâk ain kili yeᅇgât dewunyeᅇᅇn makmâ miawakmâ magaᅇe. <sup>48</sup> Magaᅇdo nâᅇᅇᅇm hin magaᅇe, “Meᅇ, biwige nâᅇᅇᅇlân katât aregât Anutuᅇe nâᅇᅇᅇ giᅇdo âlepᅇe aktât. Yeukᅇᅇn bam ari.” dâep.

<sup>49</sup> Hain dâm kindo ainâk Yairogât hoᅇ bawa siâᅇe emelanba gam hin dâm magaᅇe, “Baratᅇe emelâk mondâp aregât luâk Humo ire inâk talâk. Umatᅇe siâkâ bo agaᅇ. Bo hâwâlaᅇ.” dâmbô <sup>50</sup> Yesuᅇe nâᅇᅇᅇm Yairo hin dâm magaᅇe, “Nâᅇᅇᅇmâk bo ak. Biwige nâᅇᅇᅇlân katmenâ baratᅇe âlepᅇe akberâp.” dâep. <sup>51</sup> Hain dâm oloᅇmâ arim Yairogât emet ewumâk kinmâ bikᅇe yeᅇgât dâmbô kili. Kinbiâ Petoro, Yohane,



Yakobo akto âmbâi sisik aregât eweņe memene meyekto emelan olowâk âgâyi. <sup>52</sup> Akto luâk âmbâleņe indem kambiam bâle agi are hin dâm makyenġiep, “Baratyetņe ire bo mondâp. Yân asin yendâp aregât ye bo indenet.” dâmbo nâņgâm girin aņi. <sup>53</sup> Girin aņmâ hin dâyi, “Wangât hain dât? Are bunņe mondâp.” <sup>54</sup> dâmbiâ baratyetņe mem maganep, “Barat agatmâ kin.” <sup>55</sup> dâmbo tepņân tuk tuk dâmbo ainâk agalep. Agato sot om wanbiâ neâk dâm makyenġiep. <sup>56</sup> Hain akto aregât eweņe memenande ekbela dâtņe agep. Akto Yesuņe hin dâm makyetkiep, “Iregât den pat bo makyenġiwandat.” dâm makmâ hâre yetkiep.

## 9

*Yesuņe Aposololupņe huņgunyenġimbo âi keiņe kali.*

<sup>1</sup> Yesuņe Aposolo 12 mem olonjekto togombiâ sinduk baniara bâleņande meme akyenġimini are watyenġiwaigât akto kundatdâ mem âlepņe ketugu yekbaigât aregât makmâ kârikņe yenġiep. <sup>2</sup> Akto Anutuņe damunyeņe akto den pat makyenġim kundatdâ mem âlepņe ketugu yekbai aregât huņgun yenġim hin dâm makyenġiep, <sup>3</sup> “Ariwerâm âmâ huwan, ito, sot, puli akto hâk pekeņe dondâ bo mem ariwai. <sup>4</sup> Kepia siân arimbiâ emelan olon yekmâ âgâmbiâ ainâk tatmâ gem ariwai. <sup>5</sup> Akto siân arimbiâ âmâ gala bo akyenġimbiâ âmâ kepia are hepunmâ keiyeņân nukum tatbiap are paņ paņgom panmâ den kârikņe makyenġim arimbiâ âmâ yenġât keiyeņe nâņġawai.” dâep. <sup>6</sup> Hain dâm makyenġim huņgun yenġimbo kepiaņe kepiaņe

arim manmâ Anutu damunyeje akbiap aregât den pat makyenjiyi. Akto kundatdâ mem âlepne ketugu yegi.

*Heroteje Yesugât den pat nângâep.*

<sup>7-9</sup> Akto Yesune ya agep aregât bikñande hin maganji goanji agi, “Yohanene momonânba agatmâ mandâp mon?” dâyi. Dâ bikñande âmâ hin dâyi, “Eliane lâuwâne miawakmâ mandâp mon?” dâyi. Dâ bikñande âmâ hin dâyi, “Anutugât hon bawa emelâk gâtne siâne momonânba agatmâ mandâp mon?” hain dâyi. Hain dâmbiâ Heroteje nângâmbo ârândân bo akto han lâuwâ akmâ hin dâep, “Emelâk maktere Yohane hanne hâreyi. Dâ ire âmâ niñande hainare akmâ mandâp aregât den pat ire nângân?” hain dâm Yesu ekberâm agep.

*Yesune luâk 5,000 sot yenjimbo neyi.*

<sup>10</sup> Akto aposololupñande âi ketugum mali. Manmâ purik katmâ aregât den pat Yesu maganji. Den pat dâm maganjiâ Yesune meyekmâ, “Nenpeak ari manmâ biwiyene sândugeâk.” dâmbi Besaida kepiangen ariyi. <sup>11</sup> Arimbiâ luâk bikñande yekmâ âmâ hamiyenân ariyi. Akto Yesugâlân togombiâ gala akyenjimbo mali. Manmâ Anutune damunyeje akberâm agep aregât den pat makyenjiep. Akto kundat agi are mem hengem yenguep. <sup>12</sup> Hain akmâ kindo emet dâgâ yenjiwop dâm aposololupne bân biken lâuwâ arekne togom hin maganji, “Iren hân kamitnângen manden aregât luâk âmbâle hungun yengimenâ kepiayenângen arim sot mem nenjet.” dâm maganji. <sup>13</sup> Hain dâmbiâ hin dâm makyenjiep, “Yene sot siâ yenjinjet.” dâmbi hin dâm maganji, “Nen sot

momerâk akto iñan lâuwâ areâk tat nengiâp. Aregât gain gain akberen? Kepiangan arim luâk kâmot humo ire yengât sot puligonegât maktât me?” dâyi. <sup>14</sup> Amâ luâk 5,000 maligât. Dâ Yesuñe hin dâm makyengiep, “Makyengimbiâ kâmot 50 âk hârok ain ain tatmâ arinet.” dâep. <sup>15</sup> Hain dâambo makyengimbiâ hainâk tatbiâ <sup>16</sup> sot akto iñan are mem himbimân dewunñe panmâ Anutugât mepaiñe mem agatmâ iñan are munditmâ ligiep. Ligim sot are mem munditmâ hoñ bawalupñe ârândân yengimbo luâk âmbâle kâmot tali are oyañ yekmâ yengimbiâ neyi. <sup>17</sup> Nembiâ tepyeñe pikto bikñe talep are âmâ hakan lugumbiâ haka 12 pìgep.

*Petoroñe Yesugât keiñe makmâ miawagep.*

<sup>18</sup> Akto hilâm siân Yesu ikiyeâk manmâ Anutu olop den maganjiyat. Hain akbela Aposoloñe yâkgâlân arimbiâ aiyengum hin dâep, “Luâk âmbâleñe nângât niñe dâmai?” dâep. <sup>19</sup> Hain dâambo yâkñe hin dâm magañi, “Bikñande âmâ Yohane tuân katyegep are hain dâmai. Dâ bikñande âmâ Elia hain dâmai. Akto bikñande âmâ Anutugât hoñ bawa propete siâ emelâk moep arekñe momoñânba agatmâ mandâp hain dâmai.” dâyi. <sup>20</sup> Hain dâmbiâ hin aiyenguep, “Dâ yeñe âmâ nângât niñe dâmai?” dâambo Petoroñe hin magañep, “Gâmâ Anutuñe huñgun giñdo damun nenñe akberâm gien are bunñe.” dâep. <sup>21</sup> Hain dâambo aregât bo makmâ miawakmâ makyengiwi dâm makmâ hâreyengiep. <sup>22</sup> Akto lâuwâñe hin dâm makyengiep, “Nâ luâk akmâ geângât nâ wan me wan akniñbiâ nâ hâk hilâlâm nângâwian. Ain

âmâ sumbe kat kat luâk akto Mosegât den kârikņe makmâ miawakmai akto kepia ambolupņe yeņgât damunlupyenande gasa akniņmâ nugumbiâ mondere hilâm âlâwu bo akto momoņânba agatmâ manbian.” dâep.

*Yesugât den lokom manmai aregât keiņe.*

<sup>23</sup> Yesuņe luâk âmbâle hin dâm makyenġiep, “Luâk bikņande biwiyenġe nâņgâlân katmâ nâ olop ariwerâm âmâ wan me wan akmâ hilipkowi aregât bo hamep akmâ manbai. Akto yeņe hâkyenġaet bo nâņgâm hilâmņe hilâmņe nâņgât den lokom manbai. <sup>24</sup> Dâ siâņe ikiņe manmanņe gangerâwip are âmâ hilip aguwiap. Akto siâņe nâņgât den âi aregâlâk nâņgâm mando kombiâ âmâ momoņânba agatbiap. <sup>25</sup> Dâ siâņe manmâ siâ siâ mem lokom aregât ukenņe âlepņe akbiapņe mombiap sop ain wan me wangât ya ukenņe akbiap arekņe bo tângombo momo kârikņânba bo agatbiap. <sup>26</sup> Akto siâņe nâņgât hâkâņ akmâ nâņgât den bo lokom manbiap aregât keiņe hin. Nâ luâk akmâ geân akto ewene netgât pagaleņe netņande panmâ ŋirik ŋirik dâambo âmâ himbimân aņelolupnetņande nâ olop gienņe luâk ya akmai are nâkâ hainâk hami yeņgiwian. <sup>27</sup> Maktere nâņgâņet. Yu kindâi ire bikņe bo mom golâ manbaiân Anutuņe damunyenġe akbiapġat are ekbai.” Hain dâm makyenġiep.

*Mose akto Elia Yesu olop den maganġi goanġi agi.*

<sup>28</sup> Yesuņe den hain dâm makyenġimbo hilâm 8 mon bo akto Anutu olop den akberâm Petoro, Yohane, Yakobo, meyekto gimbâņe siân âġâyi.

29 Âgâmbiâ Anutu olop den akbela Petoro akto galalogâtne yâk asingât akmâ tali. Hain akbiâ Yesugât enem dewunne siâ akto hâk pekenje lugu agep are kau timan timan agep. 30 Hain akto himbim pagalene belek belek dâm yendo luâk lâuwâ Mose akto Elia ainâk miawagiat. 31 Yâk miawakmâ Yesu Yerusalem kepien arim Anutune yâkgât makmâ hâreaņep are watmâ mombiap aregât yâk olop den maganņi goanņi agi. 32 Den aregât maganņim kâlâkom agatbiâ Petoro akto galalogâtne asingât dondâ akyetkimbo dewunne panmâ Yesu pagalene kulemne akto luâk lâuwâ yâk olop kinbela yelegi. 33 Akto Mose akto Elia ariwerâm akbela Petorone tirip aregât keņe bo nâņgâm Yesu hin dâm maganņep, “Luâk Humo, âlepne dondâ nen in manden aregât gâ nâņgâmenâ uligi gâņgât siâ Mosegât siâ Eliagât siâ hain ketugune.” dâep. 34 Hain dâmbo ainâk hamandat akmâ dâgâm bup panmâ tigi yekto Petoro, Yohane akto Yakobo yâkne ongâyeņe hogombo kili. 35 Hain akbiâ hamandat kâlegenba Anutune hin dâm makyenņiep, “Are ekņet. Luâk ire nâņgât nanne okotne nâņgâ aņdere nâņgât lau lokom manmap yâkgât denne nâņgâm lokom manbai.” 36 Anutune den hain dâm kondo Yesune ikinēâk kindo egi. Akto wan me wan egi are sop ain luâk siânba bo makyenņim yân biwiyeņânâk katmâ nâņgâm mali.

*Yesune sinduk baniara bâlene walep.*

37 Emet haunđo gimbânânba gembia luâk kâmot humone togom Yesu penianņi. 38 Togom penianņi yâk yeņgât hutyeņânba siâne Yesu hin dâm maganņep,

“Luâk Humo, iregât yu ulitginbe. Nanne konok ire gam ek. <sup>39</sup> Keiņe hin. Sinduk baniara bâleņe siâņe hilâm ârândâņ kautņân mendo dewunņe gâwâņ gâwâņ dâmbo ge yendo launân barak pâtkombo den kârikņe makmap. Akto sinduk baniara bâleņe arekņe hilâm ârândâņ hainâk hilipkom hâk hilâlâm waņmap. <sup>40</sup> Haingât aposololupgande watņet dâm ulit yeņgire ewum hâumgom hepuli.” dâep. <sup>41</sup> Hain dâmbo Yesuņe hin dâm maganep, “Yei, luâk kâmot bo nâņgâniņmai ye hanyeņe kârikņe. Nâ ye olop sopņe sopņe manmâ sokom katyekbian mon? Nange are mem ga.” dâep. <sup>42</sup> Hain dâmbo Yesugâlân mem âgâmbo sinduk baniarane bâleņe agaņdo dewunņe gâwâņ gâwâņ dâmbo ge yiep. Hain akto Yesuņe sinduk baniara bâleņe are watmâ pando arimbo âlepņe akmâ eweņaelân ariep. <sup>43</sup> Arimbo luâk âmbâleņe Anutuņe memene agaņdo kulem miep are ekmâ nâņgâm bâtyeņe dâtyeņân igim kinmâ han lâuwâ agi.

*Mombiap aregât makmâ miawagep.*

<sup>44</sup> Hain akmâ dât yeņân igim kinbiâ Yesuņe hon bawalupņe oloņ yekmâ makyeņgim hin dâep, “Den ire makyeņgire nâņgâm mem biwiyeņân katmâ manbi. Nâ luâk akmâ geân nâ hilip nuguwerâm luâkņe menekbai aregât sop tâlâguâp.” dâep. <sup>45</sup> Hain dâm makyeņgimbo nâņgâmbiâ den keiņe yeņaelân Anutuņe bo kalep aregât akmâ aikowerâm agi are nâņgâm hamep akmâ hepuli.

*Luâk gain hin arekņe humo akmâ ewangiyekbiap.*

<sup>46</sup> Akto hon bawalupņe, “Nengâlân gâtņe niņande humonenņe akmâ manbiap?” dâm

magaŋgi goaŋgi akmâ papalagi. <sup>47</sup> Hain akbiâ Yesuŋe biwiyenjaet keiŋe ekmâ nâŋgâm âmâ nanan bâlensiâ siâ mem hutyeŋân kato kindo hin dâm makyenŋiep, <sup>48</sup> “Siâŋe nanan bâlensiâ ire hinare tângomap are âmâ nâ tân nugumap aregât dop akmap. Akto siâŋe nâ tân nuguâp aregât dop akmap arekŋe Anutuŋe huŋgun niŋep nâ tân nugumap. Akto yeŋgâlân gâtŋe siâŋe, “Nâ luâk yânŋe mandân.” dâm biwiŋande ikiŋaet nâŋgâmbo gemapŋe emelâk ewangi yektâp.” dâep. <sup>49</sup> Hain dâmbo Yohanenŋe Yesu hin dâm magaŋep, “Luâk humo aŋgâ yeŋgâlân gâtŋe siâŋe gâ gogonmâ sinduk baniara bâlenŋe watyekto are ekmâ, “Gâ nengâlân gâtŋe bo. Hain bo ak.” dâm koaŋion.” dâep. <sup>50</sup> Hain dâmbo Yesuŋe hin dâm magaŋep, “Luâk siâŋe gasa bo akyenŋimapŋe amâ ye tân yeŋgum gala akyenŋiwiap. Gârâmâ siâŋe hain akto âmâ bo koaŋbi.” dâm magaŋep.

*Samaria kepia ambolupŋande Yesugât hamep  
agi.*

<sup>51</sup> Yesuŋe himbimân purik katmâ âgâwiap aregât sop tâlâgumbo Yerusalem kepiariwerâm aregât biwiŋe humo kalep. <sup>52</sup> Hain akmâ hoŋ bawalupŋe huŋgun yeŋgimbo den mem ariyi. Arim Samaria yeŋgât kepia siân arim Yesu ain ariwiap aregât, “Emet siâ yogan nengimbiâ heŋgemgone.” dâm aregât kepia ambolupŋe makyenŋiyi. <sup>53</sup> Makyenŋimbiâ Yesu Yerusalem kepiariwiap aregât kautŋe oriepgât nâŋgâm bo dâyi. <sup>54</sup> Hain dâm emet gangerâmbiâ Aposolo lâuwâ Yohane akto Yakobo yâkŋe nâŋgâmbela ârândân bo akto peiyekmâ Yesu aikom hin dâyat,

“Humo gâ nângâmenâ netje dêetje himbimânba kâlâp siâ gem oyegâk.” dâyat. <sup>55</sup> Hain dâmbela purik dâm yelemâ, “Hepulet.” dâm den are koyetkiep. <sup>56</sup> Koyetkimbo kepia siângen ariyi.

*Luâk hain arekne Yesugât haminân ariyi.*

<sup>57</sup> Arimbiâ luâk siâne mem miawakyekmâ Yesu hin dâm maganep, “Gâ iregen me aregen ariwerâm akmenâ nâ watgekmâ manbian.” dâep. <sup>58</sup> Hain dâmba Yesune hin dâm maganep, “Songo âmâ emetyene âlepñân yemai akto lâut âmâ kelomyene âlepñân tatmai. Dâ nâmâ luâk akmâ geân nâmâ emetne bo tatnindâp.” dâep.

<sup>59</sup> Akto sop siân Yesune luâk siâ mem miawakmâ hin dâm maganep, “Gâ nâ wat nekmenâ olop mande.” dâmba hin dâep, “Humo, nângâmenâ nâne soj arim apone hangom âkâ purik katmâ togore gâ olop ariwaet.” dâep. <sup>60</sup> Hain dâmba hin dâep, “Momone manmai arekne momolupyene hangoyeknet. Dâ gâmâ arim Anutune luâk âmbâle damunyene akbiap aregât den pat makyengiwen.” dâep. <sup>61</sup> Hain dâmba luâk siâne Yesu hin dâm maganep, “Humo gâ olop ariwaetgât nângân. Gârâmâ nângâmenâ nâ purik katmâ arim ginbailupne yekmâ indem katyekmâ purikatmâ togore âmâ gâ olop ariwaet.” dâep. <sup>62</sup> Hain dâmba Yesune hin dâep, “Maktât aregât hin maktere nângâ. Luâk siâne âiân ariwerâm âmâ pânân hepunbiapne amâ Anutugât kepiân ariwiap gât dop bo talañbiap.” dâep.



# 10

*Yesuje Anutugât den makyenjet dâm luâk 70 hungun yenjiep.*

<sup>1</sup> Manmâ Yesuje luâk 70 siâ mem oloŋ yekmâ âi den dâm yenjiep. Akto ikinjak kepiâne kepiâne ariwerâm nângâep ain âmâ luâk lâuwâk lâuwâk mem katyekmâ, “Yeŋe soŋ arinet.” dâm hungun yenjiep. <sup>2</sup> Hungun yenjiwerâm kinmâ den hin dâm makyenjiep, “Kalamân sot bunje dondâ miawaktâp aregât âi amâ humo. Dâ âi luâk amâ amon siâ. Aregât sotgât Amboŋe maganbiâ Amboŋande ikinje kalamângen luâk siâkâ lâuwâŋe katyegâk. <sup>3</sup> Akto siâ makbe. Lama pâlamŋe are dua metŋe hut yeŋân arimbiâ hilip yeŋgumai dop hainare akmâ luâk metŋe tânâmyeŋân hungun yeŋgire arim manbai. <sup>4</sup> Hungun yeŋgire ariwerâm âmâ delem me puli me kei pekeŋe himbân lâuwâ bo meakmâ ariwai. Akto kepiangen ariwerâm dâwângen luâk olop den kâlep bo akbai. <sup>5</sup> Yânak tâŋ tâŋâk kepiariwai. Akto emet siân âgâwerâm âmâ emet aregât ambolupŋe herone akyenjiwai. <sup>6</sup> Herone akyenjimbiâ emet ambolupŋe bikŋande herone akmâ, “Gambiâ biwi konok akne.” dâmbiâ âmâ gala akyenjiwai. Dâ emet ambolupŋande gala bo akyenjimbiâ âmâ hepun yekmâ ariwi. <sup>7</sup> Âi luâk âi meyenjimmai are âlepŋe puli yeŋjimbiâ ârândâŋ akmap. Aregât nâŋgât âi ketuguwai aregât <sup>8</sup> kepiasiâ me siân âgâmbiâ sot om yeŋjimbiâ âmâ nem ain tatbi. Tatmâ emet ain ba bam emet anġân hanâk hanâk bo âgâwi. <sup>9</sup> Gala hain akyenjimbiâ ainâk tatmâ kundat akbai are heŋgem yeŋguwai. Heŋgem yeŋgum âmâ hin dâm makyenjiwi, “Anutuje

damunyaŋe akberâm aktâp aregât ire akyeŋgien.”  
<sup>10</sup> Hain dâm makyeŋgim arewa kepia siân arimbiâ hâkânyeŋe akbai âmâ sombeimân kinmâ hin dâm makyeŋgiwi, <sup>11</sup> “Kepia in gâtŋe gagap pipiŋe siâ bo membaen aregât keinenŋân nukum me gagap tatâp ire paŋ paŋgom pandeŋe amâ hin ekmâ nâŋgâŋet. Anutuŋe damunyaŋe akberâm aktâp aregât miawakbiapgât sop tâlâguâk.” Hain dâm makyeŋgim hepun yekmâ ariwi. <sup>12</sup> Akto aregât keiŋe maktere nâŋgâŋet. Sop humoân Sodom kepia ambolupŋe agak meme bâleŋe agi aregât hâu membai. Dâ kepia ambolupŋande yeŋgât hâkâŋ akbai aregât hâu bâleŋe humo membai.”  
 dâep.

<sup>13</sup> Yesuŋe hain dâm kepia bikŋe yeŋgâlân katmâ hin magep, “Woe, Korasiŋ kepia ambolupŋe, woe, Besaida kepia ambolupŋe, nâŋe yeŋgâlân kulem hamepŋe olowâk ketugum manmâ gan hain are Tiro Sidon kepien ketuguân dâine yâkŋe emelâk agak memeyeŋe bâleŋe are hepunmâ kâŋgom kinmâ yeŋaet okot bâle nâŋgâ aŋgim manmâ Anutuŋât den nâŋgâwâi. <sup>14</sup> Ye hain akbai aregât siân sop humoân Tiro Sidon kepia ambolupŋande dosa membai. Hain membiâ yeâmâ dosa umatŋe bâleŋe membai. <sup>15</sup> Akto Kapanaum ambolupŋe ye hilâm ârândâŋ kotyeŋe mem agatmâ hin dâmai, “Nen emelâk himbingât pat akmâ manden.” Hain dâm mandâi. Aregât ye âmâ hememân gewai.

<sup>16</sup> Yeŋe den ire luâk âmbâle bikŋe makmâ miawakyeŋgimbiâ âmâ Anutuŋât den tâŋâk nâŋgâwai. Akto den ire makyeŋgim miawakyeŋgimbiâ hâkâŋ akmâ bo lokowai are âmâ ye bo hâkânyeŋgiwai.

Are âmâ nâ hâkâñniñmâ akbai. Akto huñgun niñep yâk gai hâkâñ agañbai.” dâep. Hain dâm huñgun yeñgimbo ariyi.

*Luâk 70 purik kali.*

<sup>17</sup> Luâk 70 arekñe manmâ purik katmâ togom biwiyene herone humo akto aregât Yesu magañmâ hin dâyi, “Humo gâ gogonmâ kepia ain ain sinduk baniara watyengienne dennenne lokoyi.” dâmbiâ <sup>18</sup> yâkñe hin dâep, “Ye arim sinduk baniara bâlene watyekbiâ âmâ Niambiñe âmâ mem belek katmap dop hainâk akmâ himbimân ba ge kondo egân. <sup>19</sup> Nâñgâi. Niambi sâmbâ metñe me dek kakñân tâlimbiâ hilip yeñguwop akto sinduk bâlenande mem siâ me siâ yeñgiwop dâm aregât kârikñe yeñgiân. Gârâmâ wâtnân kinbiâ memene akyengire manbai. <sup>20</sup> Gârâmâ sinduk baniara bâlenande denyene lokombiâ aregât herone bo akñet. Himbimân manbaigât Anutune kotyene kulemgoep aregât nâñgâm herone akñet.” dâep.

*Yesune biwi herone nâñgâep.*

<sup>21</sup> Akto sop ain Anutugât Heakñande memene agañdo Yesune biwiñe herone humo nâñgâm Anutu hin dâm magañep, “Apone, himbim haru hân amboñe gâne luâk bikñe nâñgâ nâñgâyenjaet nâñgâmbiâ humo akmap are âmâ gâñgât denge are mem heambukyengimat. Dâ nanan âmâ makmâ miawakyengimat. Aregât nâ mepaige mendân. Gâ hain miawagâkgât makmâ kârigien. <sup>22</sup> Ewene yâkñe nâ meme akniñdo aregât kotñe siâ siâ akman. Akto Ewenaet keñe nâñgângât luâk âmbâle potatyekmâ biken biken makyengire arekñe âmâ hainâk keine nâñgâwai.

23-24 Hain dâm hon bawalupņe yoņâk hin dâm makyenģiep, “Den bunņe makyenģiwe. Ulikņân Anutugât propete akto luâk kotdâ dondâņe wan me wan uņak yeņe ekmâ mandâi hainâk ekberâm ukenņe humo nâņgâm mali. Dâ amâ bo egi. Akto den pat âlepņe makyenģire nâņgâi ire gai nâņgâwerâm ukenņe humo nâņgâm mali. Dâ amâ bo nâņgâyi. Aregât ye âmâ wan me wan ekmai aregât nâņgâm heronņe humo akmai. Akto den pat âlepņe makyenģire nâņgâmai aregât heronņe humo nâņgâm manmai.” dâep.

*Luâk siâņe gasaņe ekmâ benņe gala agaņep.*

25 Akto Mosegât den makmâ kepigi siâņe Yesu dop komberâm den hin dâm aikoep, “Luâk humo, gain gain akmâ âmâ manman kârikņaet pat aktere ârândâņ akbiap?” dâep. 26 Hain dâmbo hin dâep, “Moseņe den gain gain kulengoep? Akto wan oyaņmat?” dâmbo 27 hin magep, “Den kulengoep are hin tatâp, “Anutugâlâk nâņgâm denņe lokom biwige yâkgâlân katmâ yâkgât wâtņân kinmâ manben.” Akto siâ hin tatâp, “Gâ gugaet akmat hainâk galagaet agaņben.” hain tatâp.” dâep. 28 Dâmbo hin dâm magaņep, “Âlepņe den are lokom kinmâ manman kârikņaet pat akbiat.” dâep. 29 Hain dâmbo luâk arekņe ikinņe agak memenņe are mem agatberâm akmâ kârikņaet kulâgâtâm hin dâm magaņep, “Gâ niņaet nâņgâmenâ gala aktâp?” dâmbo 30 Yesuņe den ginņe siâ hin dâm magaņep, “Yuda luâk siâņe Yerusalem kepia hepunmâ Yeriko kepiangen arimbo gasalupņande tenģâ kinmâ kombiâ gilâmņe gem yiep. Ge yendo hâk pekeņe me puli me wan me wan meanmâ ariyi. Arimbiâ âmâ

momberâm akmâ yiep. <sup>31</sup> Hain akmâ yendo Yuda gâtne sumbe kat kat luâk siâne dâp hainâk togom yendo egep. Dâ egep amâ hâkân akmâ yân hanâk ewangiep. <sup>32</sup> Akto sumbe emetne aregât hon bawa siâ Lewigât kâmolân gâtne siâne âkâ hainâk togom yendo ekmâ enemñânâk bam tâñâk egep arekne benne biwiñe pâlâmne akto yânâk ewangim ariep. <sup>33</sup> Hain akto benne gasañe siâ Samaria hânân gâtne arekne togom âmâ egep. <sup>34</sup> Ekmâ okotne nâñgâm enemñânâk bam ekmâ âmâ gilâmne pulianmâ keluñe mem pulim diwiñe are katip koañep. Hain akmâ donñe kakñân mem kato âgâambo mem kepia siân arim luâk lombo togo yemai are yeñgât emet yeñân kato tato gala agañmâ damunñe agep. <sup>35</sup> Hain akto emet hauñdo ariwerâm âmâ emet aregât amboñe puli wañmâ hin magañep, “Damunñe akmâ manmenâ puli giñdân ire bo akto âmâ siân lâuwâñe giñbian.” dâm ariep. <sup>36</sup> Hain agep aregât aigugure makniñ. Gâñe nâñgâmenâ luâk âlâwu are yeñgâlân gâtne niñæet âmâ nâñgâmenâ âlepne aktâp?” dâep. <sup>37</sup> Hain aikombo hin dâep, “Han kalem agañep luâk arekne keñe nâñgâm damunñe agep are.” dâep. Aregât Yesuñe hin magañep, “Gâñe dop hainâk akyeñgiwen.” dâm magañep.

### *Mata akto Maria.*

<sup>38</sup> Akto Yesu Aposololupne kepia siângen arimbiâ âmbâle siâ kotne Mata yâkñe Yesu kewugumbo emetñân âgâyat. <sup>39</sup> Âgâmbela garine kotne Maria, yâkñe âmâ Humogât enemñân bam tato magañdo nâñgâm talep. <sup>40</sup> Den nâñgâm tato Matañe ikinjak sot om âi miep aregât, “Garinande siâ bo

tân nuguâp.” dâm nângâm bâliarâmâ hin dâep, “Humo, garinande yân tato nunagâk sot om tatân aregât nângâre bâliâp. Magañmenâ tân nuguâk.” dâambo <sup>41</sup> Yesuñe hin dâm magañep, “Mata, gâ wan me wan yânñe aregât hanoko akmâ hâk hilâlâm kakñân kindât. <sup>42</sup> Garige âmâ nângât den nângâwerâm akto ârândâñ aktâp aregât siñe bo gulipkowiap.” dâep.

## 11

### *Anutu olop den akbaen aregât keiñe hin tatâp.*

<sup>1</sup> Yesuñe siângan arimbo Anutu olop den agiat. Akmâ metembela âmâ hoñ bawa siñe hin dâep, “Humo, Yohanene galalupñe Anutu olop den agi aregât keiñe makyengiep aregât hainâk maknengimenâ nângâne.” dâyi. <sup>2</sup> Hain dâmbiâ hin dâm makyengiep, “Anutu magañberâm âmâ hin dâm magañbi. Ewenenñe kotge agat agatñe are hainâk âlepñe tatmâ âgâwiâp. Damun nenñe akmenâ wâtgân kinmâ mandenñe hânân humo aknengiwên. <sup>3</sup> Akto hilâmñe hilâmñe sot dop nenñânâk ârândâñ nengiwên. <sup>4</sup> Akto luâk siânbañe bâleñe aknengim aregât dosa memai are hepun yeñgim malion dop hainâk dosanenñe kutigit nengiwên. Akto gâñe bo dop nenguwên.”

<sup>5</sup> Yesuñe hain dâm den ginñe siâ hin dâm makyengiep, “Yeñgâlân gâtñe siñe hândâk tânâmñân arim galañe siâ hin dâm magañbiap, <sup>6</sup> “O galane, makgindere nângâ. Galane siâ dâp manmâ nângâlân togombo sot bo akto wan wañberâm aregât sot siâ niñmenâ wañdere neâk dâm aregât gâñgâlân togoân.” dâambo <sup>7</sup> galañe

arekñe emelanâk tatmâ hin dâwîap, “Galane, gain akmâ hândâk timonân togom nogondât? Emelâk emet hânñe gugure nan baratlupne asin yendâi aregât agatmâ ginberângât dop âlepñe bo.”<sup>8</sup> Aregât hin makyengire nânğâñet. Galañande hain dâm emelanâk tatmâ gala bo agañbiap. Dâ kârikñe akmâ hâwâtmâ ulilañdo aregât hanâk wañbiap.<sup>9</sup> Aregât maktere nânğâñet. Yeñe hain are aregât undâgâtmâ manmaen dâm Anutu magañbiâ tân yeñgumap. Akto kulâgâtmâ manmaine mem miawakbai. Akto emet hânğîân “Woa” dâmbiâ wan me wan magañmai dop hainâk Anutuñe wan me wangât makbiâ hainâk yeñgimap.<sup>10</sup> Aregât Anutu aikomapñe den hâuñe nânğâmap. Akto undâgâtmâmapñe mem miawakmap. Emet hânğîân konmai yâkñe wan me wan ulilañbiâ hainâk miawak yeñgimap.<sup>11</sup> Akto yeñğâlân gâtñe siâgât nanñande sotgât ulilañdo kât wañbiap mon? Akto yeñğâlân gâtñe siâgât nanñande inangât ulilañdo niambi sâmbâ bo wañbiap.<sup>12</sup> Akto pui koañet ulilañdo kendemuñ are bo wañbiap.<sup>13</sup> Akto ye luâk bâleñande nan baratlupyeñe damunyeñe akmâ wan me wan âlepñeâk akyeñgimai hainâgâk Eweyeñe Anutu himbimân mandâp arekñe dopñe are ewangim luâk siâne aikombo yâkgât nânğâm ikinje Heakñe dowâk huñgun añdo gewiap.” dâep.

*Yesuñe Anutugât wâtñân kinmâ sinduk baniara bâleñe watyegep.*

<sup>14</sup> Akto sop siân sinduk baniara bâleñande luâk siâ oloñmâ hanñe dâpñe tigimbo den bo makmâ malep. Den bo makmâ mando Yesuñe sinduk baniara are wato arimbo hanñe pâroñ âgâmbo

den agep. Den makto luâk âmbâleņe ekmâ bâtyeņe dâtyeņân igim kili. <sup>15</sup> Akto Parisaio luâk bikņande hin dâyi, “Niambi kotņe Besebulu sinduk baniara bâleņe are yeņgât humoyeņe arekņe meme agaņdo sinduk baniara watâp.” dâyi. <sup>16</sup> Dâ luâk bikņande âmâ hiaņmâ hin dâm ulilaņi, “Makmenâ kulem siâ himbimânba miawakto ekmâ keige nâņgâwaengât dopņe agâk.” dâyi. <sup>17</sup> Hain dâmbiâ yekmâ nâņgâm den ginņe hin dâm makyeņgiep, “Hân siâgât ambolupņande potalakmâ agumbiâ âmâ kotyene humo bo akbiap. Bo kârikņe. Are hilip aguwai. Akto hainâk luâk âmbâleņe hain akmâ nanaņ lepatlupyene hilip yeņgumbiâ dâine kâmot are gulip akbop. <sup>18</sup> Dop hainâk Niambigât kâmotņe potalakmâ galalupyene watyekmai dâine Niambi âi kârikņe bo ketuguwop. Aregât yeņe âmâ nâņgât hin dâi, “Besebuluņe memeņe agaņdo sinduk baniara are watâp.” dâmbiâ ârândâņ bo aktâp. <sup>19</sup> Hain dâmbiâ aregât yeņgât hoņ bawalupyene ande sinduk baniara bâleņe watyektâiân niņaet wâtņân kinmâ watyektâi? Yâkņe âmâ keiyene makmâ miawakbiâ âmâ yeņgât den are nâņgâm heņgemgowi. <sup>20</sup> Nâņe âmâ Anutugât wâtņân kinmâ sinduk baniara bâleņe are watyektângât Anutuņe damuņeņe akmap aregât keiņe uņak yu ektâi. <sup>21</sup> Aregât den ginņe siâ maktere nâņgâņet. Luâk kârikņe siâņe mâron goliakmâ tembe bisârâņ me nandup me kândâm meakmâ ikiņe kârikņeņaet nâņgâmbo humo agep are mem âgâm emet kepiane damungom heņgemgowiap âmâ yâkgât ito me wan me wan âlepņe talaņbiap. <sup>22</sup> Hain akto gasa kârikņe dondâņe togom bugâ mâron aregâlâk



nângâwiap are kom watmâ gulip kom aregât tembe bugâ kemun puli me wan me wan dua baulupne are meanmâ arim galalupne oyanmâ yengiwiap. <sup>23</sup> Aregât luâk siâne gala bo akniņmapne âmâ gasa akniņmap. Akto siâne âine ekmâ bo tân nugumapne nugum pan nekbiapgât dop aktâp.

*Sinduk baniara bâleņande galalupne mem kewuguyekto lâuwâne purik katmai.*

<sup>24</sup> Sinduk baniara siâ walaņdo âmâ hân pumângen are luâk niņaet undâgâtmâ manbiap. Undâgâtmâ mando bo akto hin dâwiap, “Emelâk nâņgât luâk are aganmâ hepulân aregâlân purik katmâ arim manbian.” <sup>25</sup> Hain dâm purik katmâ arim emetnenne pulim mem âlepne ketugumaen dop hainâk luâk arekne ekmâ hin dâwiap, <sup>26</sup> “Sinduk baniara galalupne dondâ bâleņe are meyekmâ togom luâk are mem manmâ nâņgâwian.” dâm arim galalupne nâmbulân lâuwâ bâleņe dondâ akmai are mem miawakyekto togom membiâ emelâk bâleņe aganep are ewangim umatne aganbai.”

<sup>27</sup> Yesune hain dâm makyenġimbo kinbiâ hutyenâmba âmbâle siâne hin dâm maganep, “Memegande menġekmâ nam ġiņep yâġgât nâņgâre âlepne aktâp.” dâep. <sup>28</sup> Hain dâmbo Yesune nâņgâm hin dâep, “Âlepne maktât ġârâmâ nâņe Anutugât den nâņgâm lokom manmai are yenġât nâņgâre âlepne humo aktâp.” dâep.

*Kulem siâ miawakto ekberâm nâņġayi aregât makyenġiep.*

29 Luâk dondâñe Yesugâlân togom mem ândean gondean ketugum kinbiâ hin dâm makyenġiep, “Kâmotyene bâleñe, yeñe kulem siâ miawakto ekberâm makniñmâ manmâ gai are ektere bâliâp. Hain aktâi aregât hinñeâk âmâ kulem siâ bo mem miawaktere ekbai. Aregât ulikñân âmâ Anutuñe luâk kotñe Yona aregâlân kulemgoep are uñak kulem dop hainâk mendere ekmâ nânġâwai. 30 Ulikñân âmâ Yonañe kulem siâ agep are Niniwe kepia ambolupñande egi kulem hain are hâmbâi luâk akmâ gewiap dâmai are nâ yu ge mandân hâmbâi siâ bo nekbai. 31 Akto âmbâle kotdâ siâñe ulikñân Salomo yâkgât nânġâ nânġâne ekberâm kepia kâlewângenba togoep. Nânġât nânġâ nânġâne irekñe Salomogât nânġâ nânġâne are ewangiâp ina yeñe nânġât den bo lokomai aregât sop humoân keiyene makmâ miawakbiâ ekbianân âmbâle kotdâ arekñe hutyenñan agatmâ kinmâ biwiyenâet den dopyenñan dâm keiyene makmâ miawakto dosa membai. 32 Akto Yonañe Niniwe kepien arim kepia ambolupñe den kârikñe makyenġimbo hamep akmâ agak memeyene bâleñe makmâ miawakmâ mali. Aregât hin maktere nânġâñet. Nâne âmâ Yona ewangiân ina yeñe nânġât den bo nânġâm lokomai. Aregât sop humoân Niniwe kepia ambolupñande agatmâ kinmâ yeñe nekamyenñan tângom kinbiâ hârokñe hâñe membai.” hain dêep.

*Pagalenâet dop.*

33 Akto Yesuñe den ginñe siâ hin dâm makyenġiep, “Luâk siâñe pagaleñe sagom gaunmâ umbâ kâlegen katmap dâine pagaleñe

bo miawakbop. Gârâmâ tek tekñân kato âmâ emet kâlegen ululunje arekñe pagalembu ekmâ gem âgâmai. <sup>34</sup> Hâkgaet pagaleñe amâ dewunge. Dewunge âlepñe tato âmâ hâkge mem pagalewiap. Dâ dewunge bâlimbo hâkgande hândâk akbiap. <sup>35</sup> Akto biwiyenân pagaleñe tatâp are bo akbopgât nângâm kinmâ biwi golâ manmâ âgâwi. <sup>36</sup> Akto biwiyenande agak memeyene irakñeâk akmâ pagaleñe olowâk tatbiawân hainâk wan me wan âlepñe are tek tekñân ekbai. Pagaleñe mem tek tekñân katmai aregât dop hain tatâp.” dâep.

*Hiangi bo akmâ manbi.*

<sup>37</sup> Den are makyenjim mando Parisaio luâk siâñe Yesu sot neâk dâm mem oloñep. Mem oloñdo emetñân âgâm bânje bo pulim yânâk sot mem nemângen ge talep. <sup>38</sup> Hain akto bânje puliâkgât soñ bo magañepgât Parisaioñe nângâmbo bo ârândân agep. <sup>39</sup> Hain akto Humoñe hin dâm magañep, “Bâe, Parisaio ye hin aktâi. Yeñe âmâ kondo, umbâ tuân pulim hâkgâlâk nângâm manmai aregât biwiyene âmâ helenj akmâ ñasukñe agep aregât bo nângâmai. <sup>40</sup> Ye âmâ luâk ulikñân Anutuñe Adam ketugum hâk biwi nângâ nângâne olop kalep aregât Anutuñe hâkgât akto biwigât lâuwâ lâuwâ nângâm manmap. Gârâmâ ye âmâ hâkgâlâk nângâm manmai. <sup>41</sup> Akto aregât hin makyengiwe. Biwiyene damunje akmâ Anutugât den nângâm henngemom lokowai âmâ ârândân akto Anutuñe yekmâ âlepñe dâwiap.

<sup>42</sup> Bâe, Parisaio ye wan me wan usak lombo me hemi me kârik hainare amâ Humogât pat dâm katmai. Hain akmâ siâ me siâ Anutuñe ekto

ârândân akmap me Anutugât han kalemņe are bo lokomai. Gârâmâ wan me wan umatņe me owâiņe lâuwâ lâuwâ akmâ manbiâ âmâ ârândân akbiap. Hain akmâ manmai dâine ârândân akbop. <sup>43</sup> Bâe, Parisaio yeâmâ den emetņân âgâm luâk kembu yeņgât tat talân tatberâm aregâlâk nâņgâmai. Akto dâwân luâk âmbâleņe yekmâ nâņgâ yeņgimbiâ humo agâkgât bam gane dâm aregâlâk biwiyeņe humo yemap. <sup>44</sup> Bâe, Parisaio yeņgât dop siâ hin. Luâk siâ mondo yoņâk lokom hangombiâ hambuep dop hain. Akto luâk âmbâleņe kakņân bam gutmâ aregât bo nâņgâmai. Ye dop hain akmâ manmai.” dâep.

*Yesuņe den hain makmâ Mosegât den kârikņe makmâ kepigep siâ sârekoep.*

<sup>45</sup> Yesuņe hain dâmbo Mosegât den kârikņe makmâ kepigi areyeņgât hutyeņân gâtņe siâņe hin dâm maganep, “Luâk humo, hain dâm makyeņim nen olowâk hâkâņ nenekmenâ nâņgâenņe bâliâp.” dâmbo <sup>46</sup> hin dâm maganep, “Bâe, Mosegât den kârikņe makmâ makyeņimai yeņe den siâ siâ umatņe are luâk kakyeņân katbiâ lokombiâ yeņe âmâ bo tânyeņgum âmâ owâiņân manmai aregât aņun bo aņgimai. <sup>47</sup> Bâe, ulikņân bâgilupnenņande Anutugât den makmâ miawagi are yeņgum mem siâ siâ ketugu yekbiâ mombiâ are yeņgât sum kakņân siâ siâ buluņe mem togom katmâ mem âlepņe ketugu yekbiâ kepia sombeim hain are miawagep. <sup>48</sup> Hain akmâ âmâ bâgilupnenņande yeņgâlân lâuwâņe bugâ yeņaet nâņgâmbiâ âlepņe agep. <sup>49</sup> Aregât Anutugât nâņgâ nâņgâņe humo arekņe den hin dâep, “Hon

bawalupne propetelupne akto aposololupne âi makmâ yengim hungun yengire yengâlân togom makmâ miawakbiâ yengum hâk hilâlâm siâ siâ ketugu yekbiâ bikne mombai.” Anutuņe hain dâep. <sup>50</sup> Akto aregât ulikņân Anutuņe keiņe katmâ luâk âmbâle ketugu yekto mali sop ain Anutugât hoņ bawalupņe hilip yengum gayi are yengât nâņgâmbiâ âlepņe akmap aregât yeņe hainâk akmâ dosa hainâk membriâ Anutuņe yekâ hainâk akyengiep. <sup>51</sup> Ulikņân hakulupnennande bugâņe luâk kotņe Abe kom ainba keiņe katmâ yengum gam gam bâiņe Sakaria sumbe emetņet hâņgi akto alatagât keiņe aregât hutņânba gam ariwerâm akto ain kombiâ moep. Aregât hin makyengire nâņgâņet. Yu mandâi irekņe Anutugât luâk âi membriâ ârândâņ agep are hilipyengumbiâ moyi aregât hâuņe amâ yengâlân miawakbiap. <sup>52</sup> Bâe, Mosegât den kârikņe makyengimai yeņe luâk âmbâle arekņe Anutugât keiņe nâņgâm denņe lokoyi aregât dâp tigi yengim gamai. Tigi yengimbiâ bikņande ariwerâmbiâ dâp katyengim amâ yeņeak amâ hâkâņ akmâ dâp ainba bo arimai.” Hain dâm makyengiep.

<sup>53</sup> Akto kepia are hepunmâ siâņgen ariwerâmbo Mosegât den kârikņe makmâ kepigi arekņe akto Parisaio yengât biwiyene kâlâp akto den kakņân hogo aņberâm agi. <sup>54</sup> Hain akmâ Yesuņe den hilipkom dosa meâk aregât lâmgom kinmâ mali.

## 12

*Tik tikņân tatâp siân tek tekņân miawakbiap.*

1 Akto luák âmbâle dondâne togom pikmâ kondan agum kinmâ keiyenande tâliagi. Hain akmâ kinbiâ hoŋ bawalupne are hin dâm makyenŋiep, “Ye Parisaio yengât kalak arekne yengâlân hâtikowopgât ekmâk manbi. Nâ Parisaione biwi hianŋi akmâ manmâ keiyene bo nângâmai aregât maktân. 2 Wan me wan munen akmai are hainâk bo tatbiap are siân tek tekŋân miawakbiap. Akto wan me wan siâ tik tikŋân tatmap are hainâk bo tatbiap, are siân mem miawakbai. 3 Ye hândâkŋân heambukmâ kinmâ den dâmai are siân dewutâ humoân âmâ ekmâ nângâm hârogâk ekmâ mem miawakbai. Akto den yoŋâk makmai are siân sombeimân kinmâ makmâ miawakbiâ nângâm metewai.” dêep.

*Anutune oyaŋ nenektâp.*

4 Akto Yesune den siâ hin dâm makyenŋiep, “Galalupne ire maktere nângânet. Luák siâne hâkyene yengum benne aregât kakŋân lâuwâne bâlene siâ akyenŋiwaigât kârikne bo tatyenŋiâp aregât hamep bo akbi. 5 Akto hamep akŋetgât makyenŋire nângânet. Yengum metem âmâ hamiŋân kâlâp kârikŋân panyekto manbai yâkgât hamep akŋet. Gârâmâ yâkgât konok âmâ nângâm hamep akŋet dâm aregât makyenŋiân. 6 Lâut siâ kotne sâmbâlilik are âmâ lâut yânne dâm aregât puli gegeŋande puligomaen. Hain gârâmâ Anutune sâmbâlilik are yengât hârogâk nângâmbo tatâp. 7 Dâ Anutune yengât kautyene dumutne oyaŋmâ metemap. Aregât hamep bâlâk manbi. Ye sâmbâlilik bo. Ye luák.

*Yesugât nângâm aŋun aŋgiwaengât dop bo tatâp.*

<sup>8</sup> Akto siâ maktere nângâñet. Luâk siâñe biwiñe nângâlân katmâ luâk âmbâle hutyeñân agatmâ, “Biwine Yesugâlân katere kindâp.” hain dâm makyengiwiap yâkgât akmâ luâk akmâ geân nâ hainâk Anutuñe huñgun niñdo gewianân âmâ Anutugât añelolupñe makyengire bunñe membai. <sup>9</sup> Dâ luâk siâñe, “Yesu are bo nângañdân.” dâm makyengiwiap yâk hainâk nâ Anutuñe huñgun niñdo geân aregât Anutugât añelolupñe yengât dewunyeñân kinmâ, “Luâk are bo nângañdân.” dâwian. <sup>10</sup> Akto luâk siâñe nâ luâk akmâ geân bâleñe akniñmâ mem ge katnekmâ âmâ dosa membiap are Anutuñe dosa hepun añbiapgât dopñe tatâp. Dâ luâk siâñe Anutugât Heakñe are mem ge katmâ âmâ dosa membiap are Anutuñe hepun añbiapgât dopñe bo tatâp. Borondâ. <sup>11</sup> Akto siâ maktere nângâñet. Denân kat yekberâm meyekmâ den emetñaet damunñe yengâlân me kiap yengâlân meyekmâ ariwaiân âmâ, “Den hâuñe gain gain dâwaen.” dâm nângâmâk bo akbi. <sup>12</sup> Sop ain den akbai are Anutugât Heakñande den dâpñe meyeñgim makyengimbo âlepñe dâwai.” hain dâep.

*Hângât wan me wan aregât egâlian bo akbaen.*

<sup>13</sup> Akto kinbiâ hutyeñânba luâk siâñe agatmâ hin dâm Yesu magañep, “Luâk Humo, maktere nângâ. Ewenetñe mondo teunande ito sikum ikinjeâk mem mandâp. Mem mandâp aregât magañmenâ bikñe potatmâ niñâk.” dâmba <sup>14</sup> hin dâm magañep, “Luâk kotdâ siâñe nâ yengât damunyeñe dâm bo kat negep aregât gâ wangât nângâlân aregât maktât?” dâep. <sup>15</sup> Hain magañmâ purik katmâ

kâmot kili are yekmâ hin dâm makyenġiep, “Sikum me kalam humo are biwiyenjaet bo. Are âmâ hâk yenjaelâk. Haingât galalupyenande hainare mem manmai are yekmâ aregât ukenne nânġambiâ biwiyenje bâlimap are bo agakne.” <sup>16</sup> Hain dâm den ginne hin dâm makyenġiep, “Luâk kotdâ siâne sot kâmeto bunne dondâ miawakmâ unsambe agep. <sup>17</sup> Akto biwinande hin nânġaep, “Gain gain akbe? Sot dondâ ire mem emet gain hinan katbe? <sup>18</sup> Nâ hin akbe. Nâne sot emetne bâlensiâ are patakom humoâk ketugum âmâ katere tatbiâp. <sup>19</sup> Tato unsambe humo yenindâpgât tatmâ nânġâm sop kêlep aregât sot tu nem ukenne nânġâm herone marone manmâ âġâwian.” hain nânġâmbo <sup>20</sup> Anutuġe hin dâm maganep, “Ġâ kopa. Emet dâġâmbo momberât. Momenâ âmâ wan me wan siâ siâ are katmâ mem konok ketuguen are luâk niġande membiap?” dâep. <sup>21</sup> Den ginne are keiġe hin dâm makyenġire nânġanet. Siâ yâk Anutugâlân han unsambe bo yeandô âmâ ikiġaet pat dâtâne sot sikum mem oloġmâ mem manbiap dopne hainâk hâmbâi miawaganbiap.” dâep.

*Anutuġe damun nenne akmap aregât onġânenne bo hogowiap.*

<sup>22</sup> Akto Yesuġe aposololupne hin dâm makyenġiep, “Aregât maktere nânġanet. Manmanyenjaet hanokoak bo akbi. Akto hin bo dâwi, “Wan nem manbaen?” Akto hâkyenjaet nânġâmâk bo akmâ hin bo dâwi, “Wan mem luguakmâ manbaen?” <sup>23</sup> Sotne amâ bunne bo. Manmanyenande amâ bunne. Akto sâġgunne amâ bunne bo. Hâkyenande amâ bunne. <sup>24</sup> Ye



lâut are yekñet. Are âmâ âi bo ketugumai, akto kalam yeñânba sot wan bo mem mendugumai. Akto kâmbum bo ketugum alekñe katmai. Hain bo akmai aregât Anutuñe irawotñân sot mem miawak yeñgiep. Ye lâut hainare bo. Lâut amâ gegene. Dâ ye amâ âgâ âgâñe aregât nâñgâm heñgemgom âmâ bo hanokoakmâ manbi. <sup>25</sup> Akto yeñgâlân gâtñe siâñe ikinje nâñgâ nâñgâ watmâ manman kâlep manbiapgât dop bo tatâp. <sup>26</sup> Arekñe wan me wan yânñe hain are akmâ ewum pâpkomai aregât wan me wan umatñe aregât nâñgâm hanokoakbiâ ârândânñ bo akmap. <sup>27</sup> Akto aregât siâ makbe. Dem dem surandem are ekñet. Sâñgum lâuwâ lâuwâ yeñæet âi bo ketugumai. Akto Salomo yâkñe sâñgum kulem melem âlepñe dondâ mem malep arekñe tâk buluñe are bo ewangiâp. <sup>28</sup> Akto pâloñângen siâ me siâ buluñe yeukñe unjak hainare miawaktâp dâ hole hainare bererek âgâm gembo ombiâ omap amâ Anutuñe hanâk makto kulemñe âlepñe miawakmap. Aregât yeñgât sâñgum wan me wan mem miawakmâ yeñgiwiap aregât nâñgâ nâñgâ yeukñe bo nâñgâm heñgemgowi. <sup>29</sup> Akto wan me wan nembaen me tugât gain gain membaen dâm aregât bo hanokoakbi. <sup>30</sup> Are âmâ luâk âmbâle hânñe hânñe manmâ Anutu bo nâñganñmai yâkñe hanoko akmâ kulâgâtmâ manmai. Dâ ye siâ me siâ are bâlâk âlepñe bo manbai are Eweyeñande nâñgâmap. <sup>31</sup> Dâ ye âmâ, “Anutuñe damun nenñe akberâm aktâp.” hain nâñgâm denñe lokombiâ âmâ damunyeñe akmâ wan me wan are yeñgiwiap. <sup>32</sup> Aregât nâñgâm biwiyeñân katmâ

hamep bo akmâ manbi. Eweyeņe Anutuņe yeņgât nâņgâmbō herōņe akto, “Nâņgâlân gambiâ olowâk manbaen.” dâm makyenģiwiap. <sup>33</sup> Aregât kotņe siâ siâ tat yeņģiâp are mem arim yeņģimbiâ yâkņe puli yeņģimbiâ mem arim luâk umburuk manmai are yeņģiwai. Hain akbiâ himbimân katyeņģiep are bo gulip akyenģiwiap. Akto himbimân are luâk kâmburâņe bo meyeņģiwai me saņ saņ siâņe bo nem hilipko yeņģiwiap. Hain akbiâ are kârikņeâk tat yeņģiwiâp. <sup>34</sup> Egâlïaņ yeņe yembiap hainâgâk hanyeņe yembiâp.

*Biwi golâk manbaen.*

<sup>35-36</sup> Hoņ bawalupyenande luâk humoyeņe siâņe âmbâi mendo aregât sot om taliânba purik katmâ togom emet kâlegen gambo, “Woa” dâm den hogo aņberâm hâņgiân lâmgom tatmai dop hainare akmâ biwi golâk tatmâ manbi. Tatmâ manmâ, “Humonenņe amuten purik katmâ togowiap.” dâm biwiyenâet damun kârikņe akbi. <sup>37</sup> Luâk kotdâņe hoņ bawalupņe biwiyeņe golâ akto tatbiâ âmâ purik katmâ togom mem miawak yekmâ âmâ nâņgâ yeņģimbo âlepņe akbiap. Hain akmâ biwi hero nâņgâm itoņe lândem katmâ sot om oyaņmâ yeņģim neņet dâm yeņģiwiap. <sup>38</sup> Akto hândâk timoņân yendo hoņ bawalupņe biwi golâ tatmâ damungombiâ purik katmâ gam mem miawakyekmâ biwi hero humo nâņgâ yeņģiwiap. Hain nâņgâm herōņe akņet dâm nâņgâ yeņģiwiap. <sup>39</sup> Akto siâ maktere nâņgâņet. Kepia ambolupņande gasalupyene hândâkņân togowai sop are nâņgâm dâine âmâ biwi golâ tatmâ kepiayeņe damungombiâ âmâ bo bâliyeņģiwop.

<sup>40</sup> Aregât nâ luâk akmâ geân nâmâ hâmbâi lâuwâñe purik katmâ gewian aregât sopñe bonângâmai. Aregât yeâmâ biwi golâk damun nugum manbi.” dâep.

*Hoñ bawa âlepñe bâleñe yeñgât keiyene.*

<sup>41</sup> Yesuñe den ginñe hain dâambo Petoroñe aikom hin magañep, “Humo, den ginñe are Aposolo nengâlâk maktât me luâk hârok nengât maktât?” dâambo <sup>42</sup> hin makyenñep, “Den umatñe siâ maktere nâñgâñet. Luâk kotdâ siâñe hoñ bawalupñe yeñgât damun siâ katmâ hin dâm magañbiap, “Arim mandere gâñe damunyeñe akmâ sowânâk sot me soñgo are dop yeñânâk yeñgim manben.” <sup>43</sup> Hain dâm hepunyaekmâ arimbo damunyeñe arekñe âi aregât biwiñande mem heñgemgom mando humoñande purik katmâ togom ekmâ okot âlep nâñgâ añbiap. <sup>44</sup> Aregât den bunñe hin makyenñiwe. Hângât sikum siâ siâ are hârok damungowen dâm magañbiap. <sup>45</sup> Dâ humoyenñande damunyeñe akmâ manben dâm arimbo âmâ damunyaenñande biwiñande hin nâñgâwiap, “Kotdânande hepun nekmâ arim sop kâlep mandâp imâ dowâk bo togowiap.” nâñgâm âmâ damunyeñe akmâ âmâ gala bo akyenñim tu kârikñe nem biwi gulip akto <sup>46</sup> humoñande dowâk sâñ sâñâk bo nâñgâwiap ain togom ekmâ aregât hâuñe wañmâ mem kom gâimbo itik matik akto den bo lokomai ain hâkokombo hememgât pat akbiap. <sup>47</sup> Akto aregât siâ makbe. Hoñ bawa arekñe den are nâñgâm heñgemgom âmâ bo lokomaiñe aregât hâuñe umatñe membai. <sup>48</sup> Dâ hoñ bawa siâñe âmâ humoñet den pâpkom

âmâ âi mem hilipkomap amâ bugâņe owâiņe igiwiap. Hain aregât den dâtņe âmâ hin. Luâk siâņe umatņe are waņdere memapņe âi ketugum manmâ bunņe umatņeâk mem miawakto âmâ ârândâņ akbiap. Dâ luâk siâ âi humo makmâ waņdere memapņe aregât hâuņe bunņe umatņe dondâ bo mem miawakto âmâ are ârândâņ bo akbiap.

*Yesuņe gembo potalakmâ manden aregât den.*

<sup>49</sup> Kâlâp punduņ panmâ longaim siângen arim om metemap dop hainâk agak meme bâleņe akbiâ aregât hâuņe yeņgiwian aregâlâk nâņgân. Are emelâk miawakto dâine heroņe akbom. <sup>50</sup> Akto hâk hilâlâm nâņgâre aregât kakņân nâņgât den pat âlepņande miawakmâ ariwiap. Aregât hâk hilâlâm are miawakto bo akbiap aregât biwine umatņe aktâp. <sup>51</sup> Akto maktere nâņgâņet. Nâņgât âmâ hin bo dâwi, “Gala konok manņet dâm aregât maktâp.” Hain bo. Nâ geân aregât hionakmâ me potalakmâ kâmot lâuwâ akmâ mandâi. Akto hainâk akmâ manbai. <sup>52</sup> Emet siâ aregât kâlegen luâk âmbâle nan baratlupyetņe momerâk manmaine potalakmâ kâmot lâuwâ akbai. Biken lâuwâ biken âlâwu hain potalakbai. <sup>53</sup> Akto eweņe nanņâi arekņe potalakmâ yetņe gasa agaņgiwiadat. Akto memene baratņâi âkâ hainâk potalakmâ yetņe gasa agaņgiwiadat. Akto erânņe erânņe arekâ hainâk potalakmâ gasa agaņgiwiadat. Amâ hainâk nâ geân aregât gasa agaņgiwai.” dâep.

*Sop humoân Yesu gewiap aregât keiņe.*

<sup>54</sup> Yesuŋe luâk âmbâle kâmot humo are hin dâm makyenŋiep, “Hamandat dâgâambo âmâ ye hin dâmai, “Woe, tânâk hologowerâm aktâp.” hain dâmbiâ hainâk akmap. <sup>55</sup> Akto hamandat tokberâmbo âmâ ye hin dâmai, “Emelâk dewutâ komberâp.” dâmbiâ hainâk akmap. <sup>56</sup> Ye hianŋi luâk. Yeŋe hamandat kulewoŋwoŋ aregât keiŋe nânŋâmai. Dâ sop iregât keiŋe wangât bo nânŋâm henŋemgomai? <sup>57</sup> Aregât gain gaingât âmâ hanyenêak akmâ dâp âlepŋe bâleŋe are bo ekmâ nânŋâmai? <sup>58</sup> Gasagande menŋekmâ kiapgâlân arim denân kat gekmâ dâm hâre giŋdo tembe lokolupŋande menŋekmâ kala busiân kat gekbâi aregât dâwân arim galage makmâ miawaganmenâ yetŋeâk dâm gala aganŋiwandâ. <sup>59</sup> Borâm hâre anŋiwandâ akto âmâ kala busiân kat gekbiâ tatmâ âmâ yân bo gewiat. Hâu hârok puligom kutigitbialân âlepŋe ain gewiat.” dâep.

## 13

*Agak memenenŋe bâleŋe are hepunmâ Anutugât den lokom mandenŋe damun nenŋe akbiap.*

<sup>1</sup> Sop ain luâk bikŋande Yesugâlân togom den pat hin maganŋi, “Pilatoŋe dâambo tembe lokolupŋande Galilaia hânân gâtŋande lama akto makao kom gâim Anutugât sumbe higenŋe oyi yâk yenŋumbiâ gilâmyeŋe gembo makao gilâmyeŋe olop mendugum katmâ oyi.” dâyi. <sup>2</sup> Hain dâm maganŋiâ hin dâm makyenŋiep, “Pilatoŋe dâambo yenŋuyi areyengât gain dâmai? Moyi yengât dosa bâleŋe arekŋe âmâ Galilaia siânba yengât dosa are ewangiâp dâmai me? <sup>3</sup> Hain bo. Akto yengât

dosa keiņe aregât agak memeyeņe bâleņe dondâ bo hepunmâ âmâ Anutugât den bo nâņgâ anmai are hâuņe yeņgiwiap ain hainâk ye yeņgiwiap. Akto aregâlâk siâ makbe. <sup>4</sup> Yerusalem luâk 18 kinbiâ Siloam kepiagât emet kâkâlep arekņe kâwulakmâ tigiyegep are yeņgât hin bo dâwi, “Dosayeņe bâleņe âmâ Yerusalem kepia ambolupņande anġâ yeņgât dosa ewangiâp aregât moyi.” <sup>5</sup> Hain bo dâwi. Aregât maktere nâņgâņet. Yeņgât dosa tatâp aregât agak memeyeņe bâleņe are bo hepunmai, biwiyeņe Anutugâlân bo katmai akto âmâ yekâ hainâk hilip aguwai.” dâep.

<sup>6</sup> Den aregât dop siâ makyenġiwerâm aregât hin makyenġiep, “Luâk siâņe lowot siâ kâmeto humo agep. Akto amboņande koaņe hârewerâm akmâ arim ekto koaņe siâ bo yiep. <sup>7</sup> Hain akto aregât kalam damunņe hin magaņep, “Nâ lâwin iregât bunņaet kulâgâtmâ lâmgom mandere hombanġ âlâwu aktâp lâwin ire wangât yân kinbiap? Kârâmenâ geâk.” dâep. <sup>8</sup> Hain dâambo yâkņe hin dâep, “Luâk humo, hanâk hepunmenâ hombanġ irekâ kilâk. Hâmbâi nâņe keiņân ire une lokom togo katere hambumbo âmâ bunņe siâ yembiap me bo are ekbaet. <sup>9</sup> Sop siân bunņe miawakbiap amâ âlepņe. Dâ arekâ hainâk bo akto âmâ makmenâ kârâm panbaen.” hain dâep.”

*Sarereân Yesuņe dâambo âmbâle hamiņe hagitņe goņgoņ aguep arekņe tâņâk kilep.*

<sup>10</sup> Yesu Sarere âi bo meme sopņe siân den emetņân âġâm den potatmâ makyenġiep. <sup>11</sup> Den makyenġimbo âmbâle siâ ain talep. Are âmâ sinduk

baniara bâleñande memenje agañmâ hamiñe hag-itñe mem goñ goñgombo kâñgomâk manmâ gambo hombanj 18 bo agep. <sup>12</sup> Akto Yesuñe âmbâle are ekmâ hin dâm magañep, “Menj, hinñe âmâ kundat bo akgiñdo âlepñe ak.” dâep. <sup>13</sup> Hain dâm bâññande mendo hamiñe miwindik akto tâññak kinmâ Anutunje okot âlep akniñdâp dâm heronje agep. <sup>14</sup> Hain akto Yesuñe âi meme sopñe boân heñgemgoep aregât den emetñaet damunñe nâñgâambo bâlimbo luâk âmbâle hin dâm makyenjiap, “Âi ketugu ketugu sopñe tatâp ain togombiâ âmâ heñgem yenjuwiap. Dâ unjak Sarereân heñgem yenjuwâp ire amâ bo agakñe.” dâep. <sup>15</sup> Hain dâambo Yesuñe aregât den hâuñe hin magep, “Bâe, hianji luâk. Ye Sarere âi meme sopñe boân yeñe donji me bulimakao pekeyenje hindâm meyekmâ arim tu yenjimaigât dâp tatâp. <sup>16</sup> Dâ âmbâle hamiñe tâññak bo ire âmâ Abrahamgât hakuñe siâ Niambi arekñe memenje agañdo kopa akmâ manmâ gambo hombanj 18 bo agep. Haingât Sarereân mem heñgemgore ârândânj aktâp.” dâep. <sup>17</sup> Hain dâambo gasa agañi arekñe añun anjiyi. Akto luâk âmbâle kâmot humo arekñe kulem âlepñe miep are egi aregât heronje agi.

*Anutugât den lokomaen nengât keinenñe.*

<sup>18</sup> Yesuñe den siâ lâuwânje hin dâep, “Anutugât kâmot manmai are yenjât dop wanân katmâ maktere ârândânj akberâp? <sup>19</sup> Aregât hin dâwe. Kapok koañe âmâ bâleñ siâ gârâmâ luâk siâne mem arim âi kâlegen kâmeto kâmñe gam miawakmâ lâwin humo akmâ kinmap. Akto lâutñe togom aregât bâññân panmâ tatmai.

<sup>20</sup> Akto siâ makbe. Anutugât kâmot manmai areyengât wanân dop katbe? <sup>21</sup> Are âmâ matuk keluņe hain are âmbâle siâņe matuk keluņe are mem pipikom ondo sot hârok ukenņe akmap dop hain are.” dâep.

*Himbimgât dâp are gâwikņe.*

<sup>22</sup> Akto Yesuņe Yerusalem kepiā purik katberâm arim kepiāņe kepiāņe den potatmâ yengim malep. <sup>23</sup> Hain akto luâk siâņe aikoep, “Anutuņe luâk amon bâleņânba mem olonyekto âlepņân gamai? Amon siâ mon?” dâep. <sup>24</sup> Hain dâambo hin dâep, “Himbimân âgâwerâm âmâ dâp gâwikņân hâk hilâlâm nâņgâm ariwai. Akto luâk âmbâle dondâ ain ariwerâm âmâ hâk hilâlâm humo nâņgâm ewum hâumgowai. <sup>25</sup> Emet amboņe akmâ manmâ dawalauņe tigimbo luâk âmbâle dondâņe âgâwerâm ewum hâumgom betgen kinmâ hin dâwai, “Humo, hâņgi mem katnengi.” dâmbiâ hin dâwiap, “Ye wânân gâtņe?” <sup>26</sup> Hain dâm aiyengumbo aregât hin dâm maganņbai, “Nen âmâ gâ olop kondo konogân sot neyion. Akto kepiā nenņân manmâ den potatmâ nengimenâ nâņgâyion aregât hâņgi mem katnengi.” <sup>27</sup> Hain dâmbiâ hin dâm makyenņiwiap, “Ye wânân gâtņe? Nâ bo nâņgâ yenņiân. Ye bâleņe meme aregât arinņet.” hain dâm wat yekbiap. <sup>28</sup> Hâmbâi ye Anutuņe wat yekto purik katberâm kinmâ hamiyenņangen Abraham akto Isaka akto Yakobo akto Anutugât den makmâ miawakmâ gayi are hârogâk Anutugât kâmolân purik katmâ mandâi are yekmâ biwiyeņe bâlimbo kuk nâņgâm han kalak akmâ manbai hain. <sup>29</sup> Sop ain dewutâ gaganņangenba akto gegenņangenba akto



bikenba bikenba areâk gam menduguakmâ sot nem herone akbiâ Anutune damunene akbiap. <sup>30</sup> Nângâi. Yengâlân gâtne siâne, “Nâ luâk humo.” dâm ikinje kotne mem agatbiap are âmâ hami togowiap. Dâ siâne, “Nâ luâk gegene.” dâm manbiap are âmâ Anutune mem âgâm ulik gulik katbiap.” dêep.

### *Herotegât den.*

<sup>31</sup> Sop ainâk Parisaio luâk biknande togom hin dâm maganji, “Herotene guguwerâm aktâp aregât hân ire hepunmâ siângen ari.” dâmbiâ <sup>32</sup> hin dêep, “Nângâi. Sinduk baniara bâlene watyekmâ mandân. Akto luâk kundatdâ areyengât maktere bo akyengiâp. Âine ketugum mandere hilâm âlâwu bo akto ârândân akbiap. Aregât ye arim dua metne Herote are nâne wan me wan aktân mendân iregât den pat maganji. <sup>33</sup> Akto ire maktere nângânet. Yerusalem kepia ambolupnande Anutugât den makmâ miawagi are Yerusalem kepien yengumbiâ moyi aregât nâkâ kepia siân mombomgât Yerusalem kepien arire hilâm âlâwu akto ewangiwan. <sup>34</sup> Yerusalem kepia ambolupne, yene Anutugât den makmâ miawagi are bugâne yengumai. Akto Anutune hon bawalupne hungun yengimbo yengâlân togombiâ kâtne mem yengumai. Puiñe nananlupne damunene akmâ mem mendugu yekmâ korat yengumap dop hainâk mendugu yekmâ okotnân katyekmâ damunene akberâre hâkâñne akmâ arimai. <sup>35</sup> Aregât Anutune damunene bo akmap aregât kepiayene hepundo bugâ yemiap. Hain gârâmâ siâ hin maktere nângânet.

Hâmene bo nekmâ âgâwai aregât hilâm siân mi-awaktere nekmâ âmâ hin dâwai, “Anutu Humoŋe wâtŋe giŋmâ huŋgun giŋdo togoât aregât heroŋe akgiŋne” hain dâwai.” dâep.

## 14

*Sarereân Yesuŋe dâambo luâk keiŋe diwirâ siâ âlepŋe agep.*

<sup>1</sup> Sarere siân Parisaio are yeŋgât damun kautŋande sot nemberâm Yesu kewugumbo emetŋân âgâyat. Âgâmbela luâk bikŋande yelekmâ Yesuŋe akmâ hilipkombo eknerâm aregât damun kili. <sup>2</sup> Damun kinbiâ luâk siâŋe hâkŋânba diwi metŋe humo miawagaŋep arekŋe Yesu ekberâm âgâep. <sup>3</sup> Âgâambo Yesuŋe ekmâ Mosegât den kârikŋe makmâ kepigi are akto Parisaio hin dâm makyenŋiep, “Mosegât den kârikŋe are gain gain tatâp? Âi bo meme sopŋân luâk âmbâle heŋgem yeŋguwangât dopŋe tatâp me bo? Makniŋbiâ nâŋgâwe.” dâep. <sup>4</sup> Hain dâambo den hâuŋe bo magaŋi. Hain akmâ aŋun aŋgim kinbiâ makto diwi metŋe are bo agaŋdo huŋgunaŋdo ariep. <sup>5</sup> Arimbo emelan tali are hin makyenŋiep, “Lamayeŋe me bulimakao yeŋe siâ âi bo meme sopŋân lâmân gembo âmâ aregât undâgâtmâ mem miawakmâ hikom oloŋmâ gamai me bo?” dâep. <sup>6</sup> Hain dâm makyenŋimbo hâuŋe bo magaŋmâ hanyenŋeâk aŋun aŋgim tali.

*Hâknene bo mem agatbaen.*

<sup>7</sup> Akto sop ain luâk bikŋe togom emet ain gam âgâyi arekŋe yeŋe hanyenân âgâ kau

dewunḡân tatberâm akbiâ yekmâ aregât hin dâm makyenḡiep, <sup>8</sup> “Luâk siâḡe âmbâle membiapgât sot humo omberâm oloḡ gekto arim âmâ ḡâḡe hangeâk âḡâ kau dewunḡân bo tatben. <sup>9</sup> Dâ ḡâḡe hain akbiat âmâ luâk oloḡ gekbiap arekḡe hin dâm makḡiḡbiap, “Ire ḡâḡgât welam bo. Ekemenâ âkâ luâk irekḡe talâk.” Hain dâm makḡiḡdo aḡun aḡḡim hami hami gem arim tuḡḡuḡâḡen tatbiat. <sup>10</sup> Hain ḡârâmâ ḡâ hin akben. Luâk tatbiâ ain âmâ gugaet nâḡḡâmenâ gembo tatmenâ emet amboḡande gekmâ hin dâm makḡiḡbiap, “Galane tuḡḡuḡâḡen tatât uḡḡure gam âḡâ dakegen tat.” dâm makḡiḡdo âmâ ain tatbai arekḡe gekmâ okot âlep akbai. <sup>11</sup> Aregât keiḡe hin. Luâk siâḡe ikiḡe kotḡe mem agatbiap are âmâ hâmbâi Anutuḡe mem ge katbiap. Dâ luâk siâḡe ikiḡe kotḡe bo mem agatbiap are âmâ hâmbâi Anutuḡe mem agatbiap.” dâep.

<sup>12</sup> Hain dâm makyenḡim benḡe luâk oloḡep are hin dâm maganḡep, “Sot omberâm âmâ emi teulupge me nan baratlupge me ginbailupge me luâk puli me ito sikumyeḡe olowâk mandâi are bo oloḡ yekben. Dâ hain akbiat âmâ hâmbâi yâkâ aregât hainâk hâuḡe mem oloḡ gekbiâ aregât dosa bo akbiap. <sup>13</sup> Aregât hain bo akben. Sot omberâm âmâ kopa me umburuk me dewunyeḡe bok bokḡe me keiḡe bâleḡe hain are oloḡ yekben. <sup>14</sup> Hain are oloḡ yekmâ hâu bo ḡiḡbaigât heroḡe maroḡe kakḡân sot om yeḡḡimenâ nembai. ḡârâmâ hâmbâi sop humoân agatbaiân Anutu ikiḡak hâuḡe ḡiḡbiap aregât nâḡḡâm biwige heroḡe agâk.” dâep.

*Sot humo oyi aregât den umatḡe.*

<sup>15</sup> Hain dâambo sot nem tali are hut yeñânba siâne den are nângâm hin dâep, “Anutugât kâmot manden aregât sop humoân Anutu olowâk sot nembraen aregât nângâre herone aktâp.” dâep.

<sup>16</sup> Hain dâambo Yesune den ginje siâ hin dâm maganep, “Luâk humo siâne sot ombian dâambo aregât sot mem mendugumbiâ kindo luâk dondâ yeñgât sop kalep. <sup>17</sup> Akto arim arim emelâk sop are miawakto sot om katbiâ ekto ârândân akto hon bawa siâ hungun anjo arim âmâ hin dâm makyenjiep, “Sot hârok om katmâ lâm yeñguengât togojet.” dâm makyenjimbo hâkân agi. <sup>18</sup> Hâkân akmâ luâkne luâkne hârok hin dâyi, “Hân puligoân arekne oloj nektâpgât are ekberâm ariwerân aregât luâk humoge are maganmenâ nângâmbo bo bâliwiâp.” <sup>19</sup> Akto siâne hin dâep, “Bulimakaolupne 10 puligoân are meyekmâ togowerângât luâk humoge are maganmenâ nângât nângâmbo bo bâliwiâp.” <sup>20</sup> Siâne hin dâep, “Hinjeâk âmbâle meângât bo togowerân. Gain gain akmâ togowerân?” hain dâep. <sup>21</sup> Akto hon bawa arekne purik katmâ arim luâk humone den dâyi are magando nângâmbo bâliep. Nângâmbo bâlimbo hon bawa are hin dâm maganep, “Gâne dowâk arim emetje emetje luâk umburuk mandâi are akto luâk kopa akto ondopyene bok bokne me dewunene bok bokne luâk hainare meyekmenâ togojet” dâambo hin dâm maganep, <sup>22</sup> “Luâk humo. Den maktât are akmâ meteân. Gârâmâ emetge ire boâk piktâi.” dâep. <sup>23</sup> Hain dâambo hin maganep, “Hanâk siâkâ arim kepia ginñângen akto halângen yoñâk yoñâk mandâi are undâgât yeñgim mem miawak yek-

menâ togoñet. Togom emetne pikñet. <sup>24</sup> Dâ emelâk mem oloñyekberâm aktere bo dâyi are âmâ yânâk tatbai.” dâep.” Yesuñe den ginñe hain dâep.

*Yesu olop manbaiñe hâkyeñe bo mem agatbai.*

<sup>25</sup> Akto luâk dondâñe Yesu haminângen watmâ arimbiâ purik dâm hin makyenñiep, <sup>26</sup> “Luâk siâñe nâñgâlân dewatiwerâm akmâ âmâ ewe memelupñe me âmben nananlupñe me emiñe garinñe hepun yekbiâp. Akto ikinñe manman aregât ukenñe bo nâñgâm gangerâwiâp. Dâ luâk siâñe hain akbiap are âmâ nâñgât hoñ bawa akmâ manbiap. <sup>27</sup> Luâk siâ gasalupñande wan me wan siâ akmâ hilipkowai aregât hamep akmâ ikinñe hâkñe gangerâm manbiap arekñe nâñgâlân bo dewatiwiap. <sup>28</sup> Yenñgâlân gâtñe siâñe emet ketuguwerâm âmâ ulik gulik puli soñ oyanmâ ekto ârândâñ akto âmâ emet are ketugumap. <sup>29</sup> Dâ hain bo akmâ yân emetñe are ketugumbo puli bo akto pânân hepundo emet are yân kindo ekmâ aregât den pat maganñi goanñi akmâ dewunñân gem girinñ anmâ hin dâwai, <sup>30</sup> “Luâk irekñe luâk hanñeâk nâñgâm tetembeñe anunñdo giep ina gain gain akmâ benñe yân hepundo kindâp.” hain dâmai. <sup>31</sup> Akto siâ hin. Luâk humo siâñe luâk humo siâgât gasa aganmâ ligim ainâk agatmâ bo arimap. Tatmâ nâñgâ nâñgâ hin soñ nâñgâwiap, “Nen ire amâ amon siâ manden dâ indângen âmâ yâk biwirâ hain mandâi. Aregât nenñe âlepñe yenñguwaengât dop bo.” <sup>32</sup> Hain dâm ikinñet nâñgâmbo gembo gasalupñe kâlêwângen manbai ainâk hoñ bawa siâ huñgun anñdo arim hin dâm makyenñiwiap, “Ye olop gala konok manberâm huñgun ninñdâp” hain

dâwiap. <sup>33</sup> Akto aregât keiņe hin. Yeņgâlân gâtņe siâņe hainâk kotņe siâ siâ mem gangerâm hârogâk bo hepunmâ nâņgâlân dewatiwiap are âmâ maktere nâ olop âlepņe bo manbaet. <sup>34</sup> Kâtembe siâ ukenņe bo heņgemgom kotņe gulip katbiat âmâ dowâk pâlâmņe akbiap. Hain akbiap aregât siân gain gain akmâ âmâ lâuwâņe ukenņe akbiap? Are bo agakņe. <sup>35</sup> Hain akmap aregât yân kâienņe gemap. Gârâmâ ye den ire nâņgâm biwiyeņân katmâ heņgemgom manbi.” dâep.

## 15

### *Lama siâ gulip agaņdo bo hepunbiap.*

<sup>1</sup> Akto luâk bikņande gawaman yeņgât puli meme luâk akto luâk agak meme bâleņe akmini arekņe sop siân Yesugâlân den nâņgâwerâm togoyi. <sup>2</sup> Togombiâ Mosegât den kârikņe makmâ kepigi akto Parisaio luâk arekņe nâņgâmbiâ bâlimbo Yesugât hin dâyi, “Yesuņe puli meme luâk akto luâk agak meme bâleņe akmai are meyekto yâk olop sot nendâi imâ bâliâp.” <sup>3</sup> Hain dâmbiâ aregât Yesuņe den ginņe hin dâm makyeņgiep, <sup>4</sup> “Yeņgâlân gâtņe siâgât lama 100 kinaņbiap. Akto hutyeņânba konokņe heambukto amboņande hepunbiap me bo hepunbiap? Amâ bo hepunbiap. Bikņe are hân haņaņân katyekto kinbiâ siâ heambukbiap aregât undâgâtbiap. <sup>5</sup> Undâgâtmâ mem miawakmâ okot âlep akmâ oloņmâ kepian togowiap. <sup>6</sup> Kepian togom galalupņe yeņgonmâ hin makyeņgiwiap, “Lama siâ heambugep ina mem miawaktân aregât heroņe akne.” dâwiap. <sup>7</sup> Aregât maktere nâņgâņet. Luâk 99 yâkņe âmâ dosa nenņe bo dâmai are yeņgât

Anutuņe okot âlep humo bo akyeņgimap. Gârâmâ bâleņe meme luâk konokņe agak memene akto dosane are nâņgâambo bâlimbo hanņe purikato Anutuņe ekto ârândâņ akto dosane hepun aņbiap. Hain akmâ hulaņdo himbimân manmai arekņe herone humo akbai.

<sup>8</sup> Akto den siâ hin. Âmbâle siâne puli koaņe 10 membiap. Akto puli koaņe siâ heambukto hepunbiap me undâgâtbiap? Bo hepunbiap. Are kemdâ sagom gauņmâ gagap urutmâ undâgâtmâ manbiap. <sup>9</sup> Undâgâtmâ manmâ mem miawakmâ aregât emi tâulupņe akto ginbailupņe yeņgonmâ hin makyeņgiwiap, “Puli koaņe heambugep are ina mem miawaktân aregât herone akne.” dâwiap. <sup>10</sup> Aregât maktere nâņgâņet. Himbimân Anutugât aņelolupņande hainâk bâleņe meme luâk siâne agak meme bâleņe makmâ miawakmâ, “Anutu dosane hepun niņ.” dâwiap aregât okot âlep nâņgâ aņbai.” dâep.

*Nanņe bâiņande sikum mem arim gulipkoep.*

<sup>11</sup> Akto Yesuņe den ginņe siâ hin dâm makyeņgiep, “Luâk siâgât nanlogâtņe lâuwâ maliat. <sup>12</sup> Manmâ nanņe bâiņande eweņe hin dâm maganeņep, “Tâk puli are teune olop potatmâ netki.” dâep. Hain dâambo tâk puli are ewe yetņande potatmâ teuņe olop yetkiep. <sup>13</sup> Akto emiņe are âi ketugum getek manmâ tâk puliņe are meakmâ dâp kâlewângen ariep. Arim manmâ sot soņgoân puligom kotņe gulip gulip akmâ puli are hârok panmâ metiep. <sup>14</sup> Panmâ metembo hân ain mop humo miawagep. Miawakto nanan are tâwât dewunņe siâ siâgât umburuk akmâ

<sup>15</sup> hân ambonje siâgâlân arim mando yâkne yâkgât bau damunje akmâ manben dâm hunğunaņep. Hunğunaņdo arim bau damungom mando mopne dondâ agumbo siâ me siâ sot bo waņdo âmâ <sup>16</sup> bau yeņgât goka hâkne nemberâm agep. <sup>17</sup> Hain akmâ nâņgâ nâņgâne miawakto hin dâep, “Apogât âi luâklupņande âmâ sot dondâ nemai. Dâ nâ âmâ sotgât akmâ hilip aguwerâm aktân. <sup>18</sup> Aregât agatmâ kepijan purik katmâ apogâlân arim hin dâm maganņbian. Apo, bâlene aktere dosanande Anutugâlân akto gâņgâlân umatne agep. <sup>19</sup> Akmâ hilipkoân aregât nange bo nogonben. Yân hon bawage akbiangât menekmenâ manbe.” <sup>20</sup> Hain nâņgâm agatmâ arim aņgângen togombo eweņande dewunje panmâ egep. Ekmâ okotne nâņgâm pârigim arim nanne lokom maņganlep. <sup>21</sup> Akto nanņande hin dâm maganņep, “Apo, bâlene aktere dosanande gâņgâlân akto Anutugâlân umatne miawagep aregât nekmâ nanne bo dâwen.” dâep. <sup>22</sup> Hain dâmbo eweņande âmâ âi luâklupne hin dâm makyenņiep, “Dowâk sâņgum kâlep are mem ga luguaņbiâ geâk. Akto donet siâ baraganņân katņet. Akto kei pekeņe luguaņet. <sup>23</sup> Akto bulimakao nanne keluņe olowâk are gâim ombiâ ondo nem herone akne. <sup>24</sup> Nanne emelâk moep dân ina togoâp. Emelâk gulip aguep dân ina miawakmâ togoâp.” dâmbo herone agi.

<sup>25</sup> Hain akmâ tatbiâ nanne ulik gulik arekne âiângen malepgât purik katmâ togom kepia ginņân kinmâ herone marone girin gegek kep keņgu akbiâ nâņgâm <sup>26</sup> âi luâk siâ kondo gembo hin dâm aikoepep, “Herone marone âure wangât akmâ tatâi?” <sup>27</sup> dâm



aikombo hin dêep, “Emige gulip aguep dâyion ina togombo aregât eweyetnande dâmbo bulimakao nanne kelurâk are kom ondenne om kindo herone aktâi.” dêep. <sup>28</sup> Hain dâm maganndo nanne ulik gulik arekne kuk akmâ kepia ain âgâwerâm hâkân agep. Akto ewenande kepia ginngangen gem, “Gâ ga.” dâm maganep. <sup>29</sup> Maganndo nângâm hansumbu akmâ hin magep, “Nâne âi luâkgande hin homban dondâ âi ketugu ginmâ den bo konginmâ gan. Akto nânin nanne siâ bo ninmenâ galalupne olop nem herone agion. <sup>30</sup> Akto nangande gângât tâk puli aregât ukenne nângâm mem arim âmbâle kondarâ olop manmâ panmâ metiep ina togoâp yâkgât makmenâ makao nanne kelurâ are kom gâim ombiâ nângâre bâliâp.” dêep. <sup>31</sup> Hain dâmbo ewenande hin dâm maganep, “Nanne, gâmâ nâ olop sop kâlep manmâ gamat aregât nâneân kotne siâ siâ tatâp are hârok gângât pat aktâp. <sup>32</sup> Dâ emige emelâk moep dâman ina togoâp. Akto emelâk gulip aguep dâman ina togoâp. Aregât herone akmâ okot âlep agandenne ârândân aktâp.” dêep.”

## 16

*Damunne puli siâ siâ mem hanâk hanâk ketuguep aregât den umatne.*

<sup>1</sup> Yesune Aposololupne den ginne siâ hin dâm makyengiep, “Luâk humo sikumdâ siâ malep yâkgât tâwât dewunne akto sângum me kotne siâ siâ aregât damunne malep. Aregât den hâkne tunmâ hin dâm maganji, “Gângât hon bawa âige damunne akmap arekne tâwât dewunne siâ siâ mem hanâk hanâk ketugumap.” <sup>2</sup> Hain dâmbiâ

mem oloṅmâ dâep, “Gâṅgât hâkge tunbiâ nâṅgân. Hainâk damun lâuwânje bo mengektere hepunbiat aregât puligo puligo kulem esenṅe are mem gamenâ tâwât dewunṅe siâ siâ yengât keiṅe mem miawakbe.” dâep. <sup>3</sup> Hain dâambo arim damunṅe biwinân hin nâṅgâep, “O luâk humonande wat nekbiap aregât gain akbe? Âi ketugum kâmetbiangât hâkân aktân. Akto hokboâk hokboâk ulilandere nekbiâ anun anṅiman. <sup>4</sup> Hinṅe nâṅgân. Galalupne mem gala katyekmâ mem heronje maronje katyektere luâk humonande watneko amâ emetyenân oloṅnekbiâ olowâk manbaen.” dâep. <sup>5</sup> Hain nâṅgâm luâk humonjaet tâwât dewunṅe siâ siâ dosa agaṅmâ mem mali aregât ikiṅeâk ikiṅeâk mem oloṅyegep. Hain akto togombiâ aiyenṅum dâep, <sup>6</sup> “Gâṅgât dosa humogâlân amon tatâp?” dâambo lâwin keluṅaet dop 100 dâep. Hain dâambo hin dâep, “Âlepṅe 50 âk niṅben.” dâep. <sup>7</sup> Hain dâm siâkâ aikoep, “Luâk humogâlân dosa amon tatâp?” dâambo, “Saṅ saṅ koṅe are ito 100.” dâambo dâep, “Âlepṅe 80 âk niṅben.” dâep. <sup>8</sup> Hain dâambo luâk humonande nâṅgâm damunṅe are hin maganep, “Gâṅgât nâṅgâ nâṅgâge humo aregât nâṅgâre biwine âlepṅe aktâp.” humonje hain dâep. Wangât? Hingât. Anutugât den bo lokomai bikṅande tâk puliyenṅe damungom galalupyenṅe heyenṅimai aregât nâṅgâ nâṅgâyenṅe humo tatâp yenṅe amâ Anutugât den lokomai ewangi yektâi. <sup>9</sup> Haingât ire maktere nâṅgânet. Yenṅe hainâk tâk puli me wan me wan mem manmâ are gala akyenṅim amâ hâmbâi umatṅe miawak yenṅiwiap sop ain yâk yenṅâlân arim kepia tatmâ âgâwiap ain manbai.

*Wan umatnye me owâiņe aregât den.*

<sup>10</sup> Luâk siâņe wan me wan owâiņe damungom biwiņande lokom manmapņe âmâ tâwât dewunņe wan me wan bunņe are hainâk biwiņande lokom damungomap. Gârâmâ luâk siâņe wan me wan hanâk damungom hilipkomapņe âmâ tâwât dewunņe wan me wan bunņe are hainâk hanâk damungom hilipkowiap. <sup>11</sup> Haingât yeņe tâwât dewunņe me wan me wan hângât egâliañ are biwiyeņande bo lokom manbiâ âmâ wan me wan bunņe hâmbâi bo yeņgiwiap. <sup>12</sup> Akto humo yeņaet puli me wan me wan bo damun akmâ heņgemgombiâ aregât âigât hâuņe bo yeņgim heņgemgowiap. <sup>13</sup> Akto aregât siâ makbe. Nanaņ konokņe luâk kembu lâuwâ yetgât hoņ âlepņe bo akyetkiwiap. Wangât? Hingât. Siâgât lau lokoanmâ benņe siâgât lau bo lokoanbiap. Akto siâgâlân purik katmâ siâgâlân hâkâņ akmâ hamianbiap. Aregât Anutugât lau lokowerâm âmâ puligât nâņgâmbiâ humo bo akbiap.” dâep.

*Yesuņe Parisaio den kârikņe dâm makyeņgiep.*

<sup>14</sup> Yesuņe hain dâmbo Parisaioņe tâwât dewunņe aregât ukenņe nâņgâmbiâ âgâep aregât Yesuņe den magep are nâņgâm âmâ hâkâņ akmâ dewunņân geyi. <sup>15</sup> Dewunņân gembâ makyeņgiep, “Yeņe âmâ tek tekņân manmâ luâk âmbâleņe nenekmâ egâliañņet dâmai. Dâ Anutuņe âmâ biwiyeņaet keiņe nâņgâp. Wan me wan siâ siâ ekbiâ âlepņe akmap are âmâ Anutuņe ekto bâlimap. <sup>16</sup> Akto siâ maktere nâņgâņet. Mosegât den kârikņe akto Anutugât den kulemgom gayi den are kârikņe tatmâ gam gam Yohanegâlân bunņe miawagep.

Miawakto aregât kakñân Anutuņe damun nenņe akberâm aktâp aregât den pat âlepņe hauņmâ arimbo nâņgâmbiâ biwiyenņe pagalembo aregât bunņe memberâm akmâ âi humo mem wârakmâ âgâwai. <sup>17</sup> Himbim hân haru are âmâ gulip akbian-datgât dopņe tatâp. Gârâmâ Mosegât den kârikņe are dowâk gulip akbiapgât dopņe bo tatâp. <sup>18</sup> Akto siâ maktere nâņgâņet. Luâk siâņe âmbenņe hep-unmâ aņgâ membiapņe âmâ dosa umatņe membiap. Akto luâk siâņe âmbenņe wato bam mando siâņe mem âmâ dosa olowâk manbiap.” dêep.

*Luâk sikumyenņe olop akto luâk umburuk are yenğât den umatņe.*

<sup>19</sup> Akto Yesuņe den siâ hin makyenņiep, “Luâk humo siâ malepņe tâwât dewunņe humo mem hâk pekeņe âlep âlep puligom mem malep. Manmâ hilâmņe hilâmņe sot keiņe keiņe om nem unsambe malep. <sup>20</sup> Hain manmâ luâk siâ umburuk malep kotņe Lasaro mando diwi kârikņe miawagaņdo hâkņe diwiâk hârok agep. Hain akmâ betgen yem manminep. <sup>21</sup> Hain akmâ luâk humoņe emelanba manmâ sot nendo gagapņe gembo are nemberâm akminep. Hain akto duane togom diwiņe elewelaņmâ mali. <sup>22</sup> Akto manmâ umburuk are mondo aņeloņe oloņmâ âgâm Abrahamgât okotñân katbiâ malep. Akto kakñân luâk kotdâ are mondo hangoyi. <sup>23</sup> Hangombiâ mom kâlâwân gem âmâ hâk hilâlâm humo nâņgâm manmâ hâkñanğen Abraham akto Lasaro yelegep. <sup>24</sup> Yelekmâ hin dâm Abraham maganņep, “Apo, kâlâp bâleņân tatmâ hâk hilâlâm bâleņe nâņgâm mandân aregât okot nâņgâm Lasaro maganņemenâ bânņe pikñân

tu katmâ gutmâ elewetnân howaimbo getek sândugeâk.” Hain dâambo <sup>25</sup> Abrahamņe dâep, “Gala, gâ nângât. Hânân ukenņe akto heroņe humo kakņân malen aregât sop bo agep. Lasaro yâgâmâ okot bâle kakņân malep are hainâk bo agañep. Aregât biwiņe heroņe mandâp. Dâ gâmâ hâk hilâlâm humo nângâmâk mandât. <sup>26</sup> Akto hut nennân hemem humo kindâp aregât in gâtņande yengâlân gewaigât dopņe bo. Akto yengâlân gâtņande nengâlân gawerâm hainâk ewum pâpkowiap.” <sup>27</sup> Hain dâambo luâk kâlâwân talep arekņe hin dâep, “Apo, siâ maktere nângâ. <sup>28</sup> Lasaro huņgunaņmenâ ewenaet emelan ariâk. Kepianân emilupne momerâk mandâiņe hâk hilâlâm iren togowâigât Lasaro huņgun aņmenâ aregât den kârikņe makyengimbo nângâ nângâyeņe pâroņ dâk.” dâep. <sup>29</sup> Hain dâm makto Abrahamņe hin magañep, “Bo, Moseņe den kârikņe kulemgoeņ are tatâp. Akto Anutuņe den makyengimbo propetelupņande kulemgoyi are tatâp are oyaņmâ nângâņet.” <sup>30</sup> dâambo dâep, “Apo, hain bo. Moyi yâk yengâlân gâtņe siâņe arim makyengimbo âmâ agak memeyeņe bâleņe Anutugâlân makmâ âmâ han biwiyeņe purik katmâ manbai.” dâep. <sup>31</sup> Hain dâambo hin dâep, “Mosegât akto propete yengât den are oyaņmâ nângâm hâkâņ akmai aregât moyi yâk yengâlân gâtņande arim makyengimbo hainâk den are hâkâņ akbai.” dâep.” Yesuņe hain dâep.

## 17

*Dosa aregât keiņe.*

1 Yesuņe hoņ bawalupuņe den siâ hin dâm makyenġiep, “Niambiņe ye hârok dop yeņguwerâm biwiyeņân gemap areġât dop tatâp. Gârâmâ luâk siâņe Niambi gala aġaņmâ luâk siâ ekmâ bâleņe ak dâmap are Anutuņe hâuņe humo waņbiap. 2 Gârâmâ luâk siâņe nanaņ siâ ekmâ bâleņe ak dâmbo are siâņe kât humo dondâ hanņân imbogoaņmâ haru bâtġumân hâkokombo dâine arekņe âmâ siâ me siâ owâiņe miawagaņbop. 3 Areġât biwiyeņe pâlâmņe bo aġâk. Akto siâ makbe. Galage siâņe bâleņe akto âmâ sami magaņbiat, “Bâleņe akniņdât areġât dâm makniņmenâ dosage are bo akberâp.” dâmenâ hain akto gala konok akbiandat. 4 Akto hilâm konok areġât kâlegen bâleņe akġiņmâ dosa are makmâ miawakmâ arim nâmbulân lâuwâņe hain dâm miawakmâ âmâ hin dâm makġiņbiap, “Gala hain akġiņdângât biwine bâliâp.” Hain makġiņdo ġâkâ hainâk, “Âlepņe, are bo aktâp.” dâm gala aġaņbiat.” dâep. 5 Hain dâmbo aposololupuņande hin dâm ulilaņi, “Humo, ġâ nâņġâ nâņġânenņe mem sambelem nengiwen.” dâyi. 6 Hain dâmbiâ Kembuņe hin dâm makyenġiep, “Nâņġâ nâņġâyeņe bunņe bâlensiâ dondâ dâwok koaņe hinare yeyenġimbo dâine âmâ lâwin indâre petakmâ haruân gem kilâġġât magaņbiâ âmâ lauyeņe lokom hain akbop.

7 Yeņġâlân ġâtņe siâņe hoņ bawa âi ketugum bulimakao damunņe mando emet dâġâmbo guto âmâ ain hin dâm magaņbiat me? “Emetġân âġâ tatmenâ sot om ġiņbe.” 8 Hain bo dâwiat. Hin dâm magaņbiat, “Letġe konok areâk latmâ tatmâ sot om

niŋmenâ nendere hâmbâi âmâ guge om nembiat.”  
 dâwiat. <sup>9</sup> Haingât keiŋe hin. Gâŋe hoŋ bawa âi dâm  
 waŋen are ketugumbo gâŋe bo mepaiŋe membiat.  
 Yân nânŋanmenâ ârândân akbiap. Akto aregât hin  
 maktere nânŋâŋet. <sup>10</sup> Yeŋgât keiyenê âkâ hainâk  
 tatâp. Âi makmâ yeŋgire are ketugum metem âmâ  
 hin dâwi, “Nen hoŋ bawa yânŋe akmâ manden. Âi  
 makmâ nengiep are konok mem metien.” dâmbiâ  
 ârândân akbiâp.” dâep.

*Luâk 10 hâk bâle miawak yeŋgiep.*

<sup>11</sup> Yesuŋe Yerusalem kipian ariwerâm âmâ  
 Galilaia hân ewangim Samaria hân hâlânma  
 kipia bânŋangenba ariep. <sup>12</sup> Arim kipia ginŋân  
 âgâmbô luâk 10 hâk bâle miawak yeŋgiep arekŋe  
 ekmâ âmâ kâlêwâŋen kinmâ hin dâm konmâ  
 maganŋi, <sup>13</sup> “Woa, luâk humo Yesu, gâ nengât okot  
 nânŋâ.” <sup>14</sup> dâm konmâ maganbiâ yekmâ âmâ  
 hin makyenŋiep, “Sumbe kat kat luâk are yeŋgât  
 damunŋande yekbaigât yâk yeŋgâlân arinŋet.” dâm  
 makyenŋimbo arim manbiâ hâkyenê are dâwân  
 âlepŋe akmâ metiep. <sup>15</sup> Hain akto yâk yeŋgâlân  
 gâtŋe konokŋe egakto hâkŋe âlepŋe akto aregât  
 purik katmâ togoep. Togom kârikŋe akmâ Anutu  
 manŋanlep. <sup>16</sup> Manŋanmâ Yesugât enemŋân togo  
 keiŋân ge yem âmâ heronê akmâ manŋanlep.  
<sup>17</sup> Akto luâk are Samaria hânân gâtŋe aregât  
 Yesuŋe hin dâep, “Luâk 10 âlepŋe aktâi are 9 âmâ  
 yâgâten? <sup>18</sup> Yâkŋe âmâ arim nânŋâm ondop kârik  
 akmâ yân manbiâ luâk lombo konokŋe togom  
 Anutugât mepaiŋe mendâp.” <sup>19</sup> Hain dâm luâk are  
 hin dâm maganŋep, “Biwige nânŋâlân katâp aregât

Anutuŋe nângâ giŋdo âlepŋe aktât aregât arim biwige sândugeâk.” dâep.

*Anutuŋe damun nenŋe akbiapgât sop.*

<sup>20</sup> Sop hain Parisaio luâk bikŋande Yesu aikom hin dâyi, “Sop amuten Anutuŋe miawakmâ damun nenŋe akbiap?” dâyi. Hain dâmbiâ hin makyenŋiep, “Anutuŋe damunyeŋe akbiap ain kulem keiŋe keiŋe bo miawakto ekbai. <sup>21</sup> Aregât hin bo dâŋet, “In miawaktâp, me indâgen miawaktâp.” hain bo dâŋet. Nângâi. Anutuŋe damunyeŋe emelâk akberâm aktâpgât pat âmâ hutyenân mandâp ire.” dâep.

<sup>22</sup> Hain dâm kinmâ Aposololupŋe hin dâm makyenŋiep, “Hâmbâi sop siân umatŋe miawak yeŋgimbo ain ye hin dâwai, “Wei, luâk akmâ giep yâkgât sop siâ ekne.” dâm nângâmbiâ humo akbiap. Ain bo miawakto ekbai. <sup>23</sup> Akto sop ain luâk bikŋande nângâ yâkgât hin dâm makyenŋiwai, “Aregan miawaktâp me iregen nengâlân miawaktâp.” dâmbiâ aregen bo ariwi. Akto are nângâmbiâ bunŋe bo akbiâp. <sup>24-25</sup> Akto hâk hilâlâm humo nângâre âmâ luâk dondâŋe haminiŋmâ hâk hilâlâm niŋbai. Hain akbiâ aregât haminiŋân mem belek akmâ himbim bikŋe belek dâambo âmâ bikŋe bikŋe arimap, aregât dop akmâ luâk akmâ geân lâuwâŋe gem miawaktere luâk âmbâle hârokŋe nekbai. <sup>26</sup> Akto ire maktere nângâŋet. Ulikŋân luâk siâ kotŋe Noa, yâk malep sop ain âmâ hin areâk akmâ mali hainâk nângât sop humo tâlâgumbo ain hainâk akbai. <sup>27</sup> Emelâk âmâ sot soŋgo neyi. Akto âmbâle mem luâk mem agi. Hain akmâ manbiâ aregât purikŋe Noaŋe yekmâ wanŋan âgâambo



tânâk humo giep. Tânâk humo gembo ugurupņe humo togom âmâ luâk âmbâle hânân mali are hârok kawut yekmâ metiep. <sup>28</sup> Akto aregât haminân luâk siâ kotņe Loti, yâk malep sop ain âkâ hainâk agi. Sot soņgo akto tu neyi. Akto kotņe siâ siâ are mem aņgi goaņgi agi. Akto âi kalam kâmetmâ siâ siâ agi. Akto emet opmân ketuguyi. <sup>29</sup> Hain akmâ manbiâ sop ain Lotiņe Sodom kipia hepundo himbimânba kâlâp humo gem kipia ambolupņe hârogâk om meteyegep. <sup>30</sup> Gârâmâ nâ luâk akmâ geân purik katbian sop ain âkâ dop hainâk miawakbiap. <sup>31</sup> Akto sop humoân luâk siâ kipia sombeimân kinbiap arekņe emetņân âgâm kotņe siâ siâ bo meakbiap. Akto siâ âiângen manbiap arekņe kipian bo purik katbiap. Hain bo akbi. Dowâk pârigin ariwi. <sup>32</sup> Lotigât âmbenjaet pat nâņgâm heņgemgowi. <sup>33</sup> Aregât keiņe hin. Luâk siâņe manmanņe gangerâwiap arekņe âmâ hilip aguwiap. Dâ siâ manmanņe hepunbiap arekņe âmâ âlepņe tatbiap. <sup>34</sup> Maktere nâņgâņet. Sop ain luâk lâuwâ akmâ opmân konogân yembiandat. Yembela are siâ mem siâ âmâ hepunbiap. <sup>35</sup> Akto âmbâle lâuwâņe sot gâim tatbiandat. Tatbela siâ mem siâ âmâ bo membiap. <sup>36</sup> Akto luâk lâuwâ âiân kinbela âmâ siâ mem siâ âmâ hepunbiap.” Yesuņe den hain dâmbo aposololupņande aikom hin dâyi, <sup>37</sup> “Humo, yâgâten miawakbiap?” dâmbiâ hin makyeņgiep, “Siâ siâ momoņe yembiâ ain lipiņe neyekberâm togomai.” dâep.

## 18

*Âmbâle kambut siâņe kiap ulilaņmâ malep.*

<sup>1</sup> Yesuᅇ konam bo akmâ âmâ hilâm ârândâᅇ Anutu olop den akmâ manᅇet dâm aregât den ginᅇe siâ hin dâm makyenᅇieᅇ, <sup>2</sup> “Kiap siâᅇe den âiân katyekmâ maleᅇ. Hain akmâ manmâ Anutugât den bo lokom âmâ bo hamewageᅇp arekᅇe luâk âmâle yekmâ yâk yenᅇgât nânᅇgâmbo gegene akto maleᅇ. <sup>3</sup> Hain akmâ mando kipia ain âmâle kambut siâ maleᅇ. Manmâ hilâmᅇe hilâmᅇe kiap aregâlân arim hin dâm maganᅇmâ maleᅇ, “Gasanande hilip nuguwerâm aktâᅇp aregât gala akniᅇmâ tân nugu.” dâep. <sup>4</sup> Hain dâmbo kiap arekᅇe âmâle kambut aregât den are hâkâᅇ akmâ nânᅇgâm pâlmᅇe akmâ maleᅇ. Mando sop kâlep akto biwiᅇande hin nânᅇgâep, “Nâᅇe Anutugât den bo lokom bo hamewaktân luâk âmâle are yenᅇgât nânᅇgâre gemap are bunᅇe. <sup>5</sup> Gârâmâ âmâle kambut arekᅇe hilâm ârândâᅇ den makniᅇmap aregât biwinande hâkâᅇ akmap. Dâ uᅇak âmâ hanâk tângowe.” dâep.” <sup>6</sup> Aregât Yesu Humoᅇe den de-watim hin dâep, “Kiap den kokoᅇe hain dâepgât nânᅇgâm henᅇgemgowi. <sup>7</sup> Gârâmâ Anutuᅇe âmâ luâk bikᅇe olonyekto hilâm ârândâᅇ ulilanᅇbiâ dowâk tân yenᅇgum gasalupyene den âiân katyekbiap. Hâkâᅇ akmâ bo tân yenᅇguwiapgât dopᅇe bo tatâᅇ. Bo kârikᅇe. <sup>8</sup> Manmâ kâlep bo akto dowâk tân yenᅇgum gasalupyene den âiân katyekbiap. Hain gârâmâ Anutuᅇe huᅇgun niᅇdo geân nâᅇe hâmbâi lâuwâᅇe gem luâk âmâle siâᅇe biwiyene nânᅇgâlân katmâ manmai are mem miawakyekbian mon?” dâep.

*Parisaio akto Roma gawaman yenᅇgât puli meme luâk.*

<sup>9</sup> Luâk bikñande yeñæet nânġâmbiâ âlepñe akto galalupyene yeñġât nânġâmbiâ gemap are yeñġât nânġâm Yesune den ġinne siâ hin makyenġiep, <sup>10</sup> “Luâk lâuwâ siâ sumbe emetñân âġâm Anutu den dâm magañiat siâ âmâ Parisaio, dâ siâ âmâ puli meme luâk. <sup>11</sup> Akto Parisaio luâk arekñe âmâ ikinæet nânġâmbo agato bin binâk kinmâ hin dâep, “O Anutu, âlepñân kat nekmenâ ârândânġ aġep. Akto luâk bikñande kâmbu akmâ bâleñe siâ siâ akmai. Dâ nâmâ hainare bo. Akto nâ puli meme luâk inġon yu kindâp arekñe bâleñe akmap hainare bo akman. Nâ mandere nekmenâ ârândânġ akmap areġât ġâñe âlepñe akniñdât dâm mepaige mendân. <sup>12</sup> Akto hilâm lâuwâ kâlegen ġânġât kambiamge âlepñe agâk dâm sot bâlâk manman. Akto tâk puli kotñe siâ siâ are hutñânba konok âmâ ġânġât pat dâm katman.” dâep. <sup>13</sup> Hain dâmbo puli meme luâk are inġon anġânġen kinmâ anjun anġim kânġom hin dâep, “O Anutu, nâ luâk bâleñe mandân ġârâmâ hanâk bo hepun nekben.” hain dâep. <sup>14</sup> Aregât keiñe hin makyenġire nânġânġet. Anutuñe puli meme areġât âmâ dosañe pulianġo purik katmâ ariep. Dâ Parisaio are âmâ dosañe hainâk talañep. Akto areġât hin nânġânġet. Luâk siânġe ikiñe kotñe mem agato Anutuñe mem ġe katbiap. Dâ luâk siânġe ikiñe kotñe mem gembo âmâ Anutuñe mem agatbiap.” dâep.

*Yesune nananlupyenæet nânġâm Anutugât pat makyenġiep.*

<sup>15</sup> Luâk âmbâle bikñande nananlupyene kewuguyekmâ Yesugâlân togom meyegâk dâmbiâ hoñ bawalupñande sârek yeñġuyi. <sup>16</sup> Sârek

yeŋgumbiâ Yesuŋe mem oloŋyekmâ hin dâep, “Hepunbiâ nananjlupyene are nâŋgâlân gaŋet. Hain arekŋe Anutugât kâmolân gâtŋe aregât bo mem gangerâ yekŋet. <sup>17</sup> Aregât bunŋe maktere nâŋgâŋet. Nananjlupyenande dowâk Anutugât den lokom biwiyene yâkgâlân katmai. Gârâmâ siâŋe hain bo akbiap âmâ Anutuŋe bo meyekbiap.” dâep.

*Luâk kotdâ siâŋe sikumŋe mem gangerâm biwiŋe Yesugâlân bo kalep aregât den pat.*

<sup>18</sup> Akto damun siâŋe Yesu aikom hin dâep, “Luâk humo âlepŋe amboŋe aktât. Aregât maktere nâŋgâ. Kârikŋe manmâ âgâwiangât gain gain akbian nâŋgât?” dâambo <sup>19</sup> hin maganep, “Âlepŋe amboŋe âmâ Anutu konok. Gârâmâ âlepŋe amboŋe dâm makniŋdât aregât nâŋgâm mak makgaet damun akmâ manben. <sup>20</sup> Akto ainuguât aregât keiŋe makŋiŋbe. Den kârikŋe nâŋgâmat amâ hin. Âmbâle siâ ekmâ egâlian bo akben. Akto luâk siâ moâk dâm bo komben. Kâmbu bo memben. Den bo hianŋiwen. Ewege memegande den makbela loko yetkiwen.” <sup>21</sup> Hain dâambo hin maganep, “Ya maktât are âmâ nananjânbak den kârikŋe âlepŋeâk lokom gam yu mandân.” dâambo <sup>22</sup> Yesuŋe den are nâŋgâepgât hin maganep, “Konok tatâp are âmâ hin akben. Arim âmâ puli me ito sikum me wan me wan are oyaŋmâ luâk umburuk mandâi are yeŋgiwen. Hain akmâ âmâ nâŋgâlân lâuwâŋe togomenâ nâ olop âi ketugum manbaet. Hain akbiat âmâ himbimân aregât hâuŋe miawak ŋiŋbiap.” dâep. <sup>23</sup> Hain dâambo puli me ito sikum siâ siâŋe dondâ talaŋep aregât den

are dâambo nângâmbo umatņe agep. <sup>24</sup> Hain akmâ kambiamņe bâlimbo Yesuņe ekmâ hin dâm magep, “Luâk âmbâle puli me ito sikum me wan me wan olowâkņe Anutugât den lokom manberâm akbiâ âmâ umatņe miawak yeņgiwiap. <sup>25</sup> Akto aregât hin makbe. Soņgo piki dâpņânba ariwiapgât dop bo tatâp. Are âmâ luâk kotņe siâ siâ talaņdâp arekņe Anutuņe damunņe akbiawân ain ariwerâm akmâ hainâk hâumgowiap.” dâep. <sup>26</sup> Hain dâambo âmâ nângâm kiliņe hin dâyi, “Niņe himbimân âgâwiap?” dâyi. <sup>27</sup> Hain dâmbiâ hin makyenņiep, “Are âmâ han yeņeâk âgâwerâm aregât ewum hâumgomai. Anutuņe âmâ dâp hainare mem miawakberâm aregât bo pâpkomap.” dâep. <sup>28</sup> Hain dâambo Petoroņe agatmâ hin maganņep, “Nângât, kotņe siâ siâ hârok hepunmâ metem nen gâņgâlân purik katmâ malion akto manmâ gaen.” dâep. <sup>29</sup> Hain dâambo Yesuņe hin makyenņiep, “Luâk siâņe Anutugât âi ketuguwerâm akmâ âmâ emetņe me âmbenņe me emiņe garिņe me eweņe memenņe, me ginbailupņe hanâk hepun yekbiap <sup>30</sup> are âmâ sop uņak ire gala aganmâ tângowerân. Tângore âmâ hinņe wan me wan dondâ miawakberâp. Akto titnan sop humoân âmâ tângore dondâ sambelem âgâwiap akto manman kâriknân manmâ âgâwiap.” dâep.

*Kombiâ mombiap aregât den makyenņiep.*

<sup>31</sup> Yesuņe Aposololupņe mem olonņyekmâ hin dâm makyenņiep, “Maktere nângâņet. Yerusalem kipian âgâwerâm akten. Gârâmâ âgâenņe âmâ luâk akmâ geân nângât den makmâ miawakto kulemgoyi are bunņe akberâp. <sup>32</sup> Roma luâkņe menekmâ

nugum mem ge katnekmâ siâ siâ akniñmâ âmâ tâwut nuguwai. <sup>33</sup> Akto tâk metñe arekñe mem orenekmâ nugumbiâ mombian. Mondere hilâm âlâwu bo akto âmâ momoñânba agatbian.” dâep. <sup>34</sup> Hain dâmbô nâñgâmbiâ ârândân bo akto keñe nâñgâwerâm akbiâ dâp bo akto âmâ bo nâñgâm henñgemgoyi.

*Yesuñe dâmbô luâk siâ dewunñe hâreakto emet egep.*

<sup>35</sup> Yesu arimbo Yeriko kipia are tâlâguep. Hain akmâ dâp ginñân luâk siâ dewunñe bokbokñe siâ puligât ulit yenñim talep. <sup>36</sup> Hain akmâ tato luâk kâmot humoñe dâp hainâk arimbiâ keiyenñe munñe nâñgâm aregât aiyenñumbo hin dâyi, <sup>37</sup> “Yesu Nasarete kipian gâtñe togoâp.” <sup>38</sup> dâmbiâ nâñgâm kârikñeâk konmâ hin dâep, “Woa, Yesu, gâ Dawidigât kâmolân gâtñe, aregât okot nâñgâ niñ.” dâep. <sup>39</sup> Hain dâmbô luâk ulik gulik ariyi arekñe den are nâñgâm den hepun dâm magañi. Hain magañbiâ den are koyenñim kârikñeâk dondâ konmâ hin dâep, “Dawidigât kâmolân gâtñe, aregât okot nâñgâ niñ.” dâm kolep. <sup>40</sup> Hain dâmbô Yesuñe nâñgâm âmâ dâwân kinmâ hin dâep, “Kewugum nâñgâlân ganet.” dâep. Hain dâmbô dewunñe bok bokñe arekñe yâkgâlân gambo <sup>41</sup> aikom hin dâep, “Gain gain akñibegât nâñgâm aregât nogondât?” dâmbô hin dâep, “O humo, dewunne hulañ akto emet ekbegât nâñgân.” dâep. <sup>42</sup> Hain dâmbô Yesuñe hin magañep, “Biwige nâñgâlân katât aregât âlepñe ek.” dâmbô <sup>43</sup> ainâk dewunñe hulañ akto emet egep. Ekmâ âmâ Yesugât hamiñân arim Anutu

manjanlep. Akto luâk bikņe are egi aregât hainâk Anutugât kotņe mem agali.

## 19

### *Sakaioņe agep aregât den pat.*

<sup>1</sup> Yesu Yeriko kipuan arim ewangiwerâm agep. <sup>2</sup> Hain akto kippia ain luâk tâlâwâk siâ malep kotņe Sakaio. Arekņe puli meme yeņgât luâk humo agep aregât yâkgât puli me ito sikum dondâ talaņep. <sup>3</sup> Akto Sakaioņe Yesu ekberâm agep. Ekberâm akmâ âmâ luâk tâlâwâkgât luâk hutyenân kinmâ gain gain akmâ ekbe dâm kâleleim agato bo agep. <sup>4</sup> Hain akmâ pârigim ewangiyekmâ arim lâwin siâ lokom lokom âgâm kinmâ hin nâņgâep, “Yesu in gutmâ arimbo ekberân.” <sup>5</sup> Hain nâņgâm kindo Yesuņe ain togom dewunņe panmâ egon ekmâ hin dâm maganņep, “Sakaio, nâ gâņgât emelan âgâ tatberâm nâņgân aregât dowâk sopanmâ ge.” dâep. <sup>6</sup> Hain dâambo ainâk sopanmâ gem biwiņe heronņe agep. Hain akmâ emetņân oloņmâ âgâep. <sup>7</sup> Oloņmâ âgâambo luâk hârokņe ekmâ nâņgâmbiâ bâlimbo hin dâyi, “Gain gaingât luâk bâleņæet emelan âgâp?” dâyi. <sup>8</sup> Akto Sakaioņe Yesugât enemņân ba kinmâ hin dâep, “Humo, nâņgât puli me kotņe siâ siâ are dopņe konogâk mem potatmâ luâk umburuk mandâi are yeņgiwian. Akto luâk âmbâle yeņgât puli are heyenņim meyeņgiân hainâk mem agatmâ emelâk konok yeņgiân aregât hâuņe imbât yeņgim metewian.” dâep. <sup>9</sup> Hain dâambo Yesuņe hin maganņep, “Gâ Abrahamgât kâmolân gâtņe bunņe. Anutuņe gala akgiņmâ damunģe aktâp are nâņgâm ektân. <sup>10</sup> Akto nâ luâk akmâ gem miawakmâ luâk

bâleņande hilip yeņguwâigât meyekmâ himbimgât pat katyekberâm aregât geân.” dâep.

*Luâk kotdâņe puli geârâk konok konok yeņgim ariep aregât den ginņe.*

<sup>11</sup> Yesu olowâk arimbiâ Yerusalem kipia are tâlâgumbo âmâ denņe nâņgâyiņe hin dâyi, “Anu-tuņe damun nenņe akbiap aregât sopņe tâlâguâp.” dâyi. <sup>12</sup> Hain dâmbiâ aregât Yesuņe den ginņe siâ hin dâm makyenņiep, “Luâk kotdâ siâņe luâk kotdâ siâgâlân ariwerâm âmâ ikinjaet hin nâņgâep, “Damunyeņe katnekbiap aregât arim benņe togowian.” hain nâņgâep. <sup>13</sup> Akto ariwerâm âmâ hoņ bawalupņe bât bip bip hârok yeņgondo togombiâ puli koaņe humo konok konok yeņgim hin dâm makyenņiep, “Puli irekņe âi ketugum puli mem sambe ketugumbiâ hâmbâi purik katmâ togom ekbian.” dâep. <sup>14</sup> Hain dâm kâlewângen arimbo luâk âmbâle bikņande hâkâņ akmâ âmâ luâk hoņ bawa siâ huņgun aņbiâ luâk kotdâ aregâlân arim hin maganņep, “Gâņe damun nenņe bo manbiat dâmbiâ aregât togoân.” <sup>15</sup> Hain dâmbo yâkgât luâk kotdâ arekņe hân damunņe malâkgât kato purik katmâ togoep. Togom âmâ hoņ bawalupņe puli yeņgiep are yeņgondo gembiâ hin dâm makyenņiep, “Puli yeņgiân arekņe âi ketugumbiâ amon miawagep?” dâep. <sup>16</sup> Hain dâmbo hoņ bawa siâņe hin dâep, “Luâk kotdâ, gâņe puli konok niņen arekņe âi ketugure puli koaņe 10 hain miawagep.” <sup>17</sup> dâmbo hin dâep, “Âlepņe hoņ bawane kotņe siâ siâ âiņe âlepņeâk ketuguengât nâņe kipia bât bip bip hârok are yeņgât damun kat gektere manbiat.” <sup>18</sup> Hain dâmbo benņe hoņ bawa siâņe gam hin dâep, “Luâk



kotdâ, gâñe puli koañe konok niñen arekñe âi ketugure koañe momerâk miawagep.” dâmbô <sup>19</sup> hin dâep, “Âlepñe arim âmâ kipia momerâk are yengât damun manben.” <sup>20</sup> Hain dâmbô benñe hoñ bawa siâñe âmâ gam hin dâep, “Gâñe puli koañe konok ire niñen a ainâk sângumnande katipkom katere tatmap. <sup>21</sup> Gâ luâk hengân gugak kotñe siâ siâ bo mem oloñmenâ âmâ bikñande mem miawakmai are yengât memberâm aregât ukenñe akmat. Akto gugak âi bo kâmetmat. Bikñande âi kalam ketugumbiâ bunñe miawakto nemberâm aregâlâk mârum tatmat. Hain akmat aregât puli niñen ire heambukbop dâm sângumnande katipkom katere tatmap.” dâep. <sup>22</sup> Hain dâmbô hin dâep, “Gâmâ hoñ bawa bâleñe dondâ. Gugak den maktât aregât keige mem miawakbe. Nunak kotñe siâ siâ bo mem oloñdere âmâ bikñande mem miawakbiâ are membe dâman. Akto nunak are bo kâmetmâ bikñande kâmetbiâ bunñe miawakto âmâ nembe dâman a nângât. <sup>23</sup> Keine hain nângâm puli giñân are luâk yengâlân kalen dâine âi ketugumbiâ sambelembo membom ina gâñe are bo agen.” dâep. <sup>24</sup> Hain dâm maganmâ luâk âmbâle kili are hin makyengiep, “Puli wañân are bânñanba mem âgâ luâk 10 mendâp are waññet.” dâmbô <sup>25</sup> hin dâyi, “Hain bo. Yâk emelâk 10 mendâp aten.” dâyi. <sup>26</sup> Aregât hin makyengire nângânñet. Luâk siâ kotñe siâ siâ talañdâp are mem humo ketugumbo are âmâ purik katmâ wañbian. Akto luâk siâ kotñe siâ siâ talañbiap are biwiñande bo lokom manbiap are âmâ keñgoñmâ membian. Mendere yân manbiap. <sup>27</sup> Akto gasalupnande nângâ yâkgât

luâk kotdânennje bo malâk dâm magi yâk meyekmâ nângâlân gambiâ yektere yengumbiâ moñet.” dâep.

*Yesunje Yerusalem kipian âgâm ariep.*

<sup>28</sup> Yesunje den are makmâ metem luâk âmbâle kâmot humo are hepun yekmâ Yerusalem kipian âgâwerâm ariep. <sup>29</sup> Arim Oliwa gimbânân âgâm âmâ Betepage akto Betania kipia lâuwâ are talewân ariep. Arim Aposolo lâuwâ hin dâm hunḡun yetkiep, <sup>30</sup> “Kipia indâre tatâp ain ariet. Arim âmâ donḡi kâmñe siâ luâkñe kakñân bo tatmai are tâkñe hikombiâ kindâp are mem miawakberat. Mem miawakmâ hulañmâ mem oloñmâ togoet. <sup>31</sup> Hulañbela âmâ luâk siâñe, “Wangât hulañdat?” dâm aiyetkumbo âmâ hin dâm magañberat, Humoñe iregât maktâp. dâwerat.” dâm hunḡun yetkiep. <sup>32</sup> Hain dâm makmâ metembo Aposolologâtñe lâuwâ arekñe arim gain dâm makyetkiep hainâk mem miawagiat. <sup>33</sup> Mem miawakmâ donḡi kâmñe are hulañbela amboñande dâyi, “Niñande makto hulañdat.” dâmbiâ <sup>34</sup> hin dâyi, “Humoñe iregât dâmbi togoet.” dâyi. <sup>35</sup> Hain dâm Yesugâlân mem togombela bâlâpñæet hâk pekeñe kâlep are oloñmâ donḡi kakñân kali. Katbiâ Yesunje âgâ talep. <sup>36</sup> Katbiâ âgâmbi luâk âmbâle dondâñe hâk pekeyeñe oloñmâ dâwân mem melalakom dâp watmâ lengaim arimbiâ hamiyenân donḡi kakñân watyekmâ ariep. <sup>37</sup> Arim Oliwa gimbâñe ewangim gembo âmâ luâk âmbâle kâmot humo Yesu olop manmini arekñe Yesunje kulem siâ siâ ketugumbo ekmâ gayi aregât nângâm âmâ heroñe akmâ Anutugât kotñe mem agatmâ âmâ

Yesugât hin dâyi, <sup>38</sup> “Luâk kembunenŋe Kembangât laugât togoâp yâk mepainŋe mene. Egon himbimân biwi sânduk humo miawaktâp. Dâ egon egâlian gogâlean miawaktâp.” dâyi. <sup>39</sup> Hain dâmbiâ Parisaio konok konok hutyenân kili arekŋe hin dâm maganŋi, “Tiksa, gângât maktâi are sami den makyenŋimenâ den yonâk kinmâ den hepunŋet.” dâyi. <sup>40</sup> Hain dâmbiâ hin makyenŋiep, “Makyenŋire nângâŋet. Den hepunbiâ âmâ kât irekŋe yâk yenŋât dumyenân kinmâ heronŋe maronŋe akbai.” dâep.

*Yesuŋe Yerusalem kipia ekmâ okotŋe nângâm indiep.*

<sup>41</sup> Akto Yesuŋe Yerusalem kipia ginŋân arim tatmâ âmâ ekmâ biwiŋe umatŋe akto indem hin dâep, <sup>42</sup> “Yae, kipia ambolupŋe, âlepŋân manberâm aregât dâpŋe emelâk miawagep are egi. Are hinŋe miawaktâp ina dewunyeŋe boktâpŋât bo ekmâ nângâi. <sup>43</sup> Sop siân ain gasalupyenande kipiayenŋe awam mewam ketugum dâp tigi yenŋiwai. Tigi yenŋim âmâ watyekbiâ bo akbai. <sup>44</sup> Bo akbiâ âmâ âmben nananlupyenŋe akto âiângen me kipiangen hârogâk hilip yenŋum itiŋ gulam ketugu yekmâ yenŋum om metyekbiâ kawum yenŋeâk kinbiap. Amâ Anutuŋe togom meyekbiap aregât sopŋe hâkâŋ agigât.” hain dâep.

<sup>45</sup> Den are makmâ metem sumbe emetŋân âgâep. Âgâm âmâ kotŋe siâ siâ anŋi goanŋi akmâ tatbiâ yekmâ kuk akmâ watyekmâ hin dâm makyenŋiep, <sup>46</sup> “Anutugât denŋande hin dâep, “Anutugât emet âmâ Anutu olop den makbaigât opmân.” Den hain tatâp ina yenŋe akbiâ âmâ luâk kâmburâ yenŋât emet hainare aktâp.” dâep.

<sup>47</sup> Akto hilâmne hilâmne sumbe emetnân âgâm den potatmâ yengim malep. Hain akmâ mando sumbe kat kat luâk aregât damun akto Mosegât den kârikne makmâ kepigi akto humomolupyene hârokne Yesu kondenne bo agâk dâm aregât den maganji goanji agi. <sup>48</sup> Hain akbiâ luâk âmbâle yânne biknande âmâ denne nângâmbiâ âlepne dondâ akmap aregât nângâmbi umatne akto hepuli.

## 20

*Parisaionje aikombiâ Yesune ikinjaet keine bo makyengiep.*

<sup>1</sup> Hilâm siân Yesune sumbe emetnân kinmâ ikinje den pat âlepne dâm potatmâ yengimbo âmâ sumbe kat kat luâk kautne Mosegât den kârikne makmâ kepigi akto humomolupyenande yâkgâlân togom hin dâm aikoyi, <sup>2</sup> “Makmenâ nângâne. Kulem hinare akmat are niñaet kâriknân kinmâ akmat? Niñande hain akben dâm kârikne ginpegât akmat?” dâmbiâ <sup>3</sup> hin makyengiep, “Akto nâkâ aiyenguwe. <sup>4</sup> Yohanene meyekmâ tuân katyegep aregât keine gain gain? Anutune dâmbo agep me luâk yânñande makbiâ agep aregât makbiâ nângâwe.” dâep. <sup>5</sup> Hain dâmbo yejeak hin dâm maganji goanji agi, “Anutune dâep hain dâenne âmâ dâwerâp, “Dâ wangât denne bo nângâm lokoyi?” <sup>6</sup> Gârâmâ nenne, “Luâk yânñande tângoyi.” dâenne luâk âmbâle Yohanene Anutugât den maknengiminep dâm aregât kâtnje mem nenguwâi.” <sup>7</sup> Hain dâm maganji goanji akmâ benne Yesu hin dâm maganji, “O Yohanegât keine bo nângâen.” dâyi. <sup>8</sup> Hain

dâmbiâ hin makyenġiep, “Akto nâkai hainâk niġaet kârikġân kinmâ kulem hin are akman areġât keiġe bo makyenġiwerân.” dâep.

*Luâk bâleġande kalam damunġe akmâ tali areġât den umatġe.*

<sup>9</sup> Yesuġe den ġinġe siâ hin makyenġiep, “Luâk siâġe tâk waiġ areġât âi kâmelep. Kâmetmâ damun katyekmâ hân siâġen arim sop kâlep malep. <sup>10</sup> Akto bunġe miawaktâp me bo areġât sop tâlâġumbo hoġ bawaġe siâ bunġe bikġe meâk dâm areġât huġun aġdo damun yeġġâlân togombo kom watbiâ yânâk purik kalep. <sup>11</sup> Purik kato amboġande kârikġe akmâ hoġ bawaġe siâ huġun aġdo hainâk arim damun yeġġâlân togombo kom watbiâ âmâ yânâk purik kalep. <sup>12</sup> Purik kato amboġande hoġ bawa âlâwuġe are huġun aġdo yâk yeġġâlân togombo hâk hilâlâm waġmâ kom watbiâ purik kalep. <sup>13</sup> Purik kato amboġande, “Gain gain akbe?” dâm hin nâġġâm dâep, “Nune nanne okotne nâġġanman are huġun aġdere arimbo yâġġât den lokom sot âlem yendâp are bikġe waġbiâ mem togowiap mon?” dâep. <sup>14</sup> Hain dâm huġun aġdo yâk yeġġâlân togombo âmâ damunlupġande magaġġi goaġġi akmâ hin dâyi, “O, yâġġe âmâ âi ire amboġe akbiap haingât kondenġe âi ire nengât akbiap.” dâyi. <sup>15</sup> Hain dâm watmâ hewukġanġen panbiâ gembo areġen kombiâ moep. Mondo arekġeak âi amboġande gain gain akyenġiwiap? <sup>16</sup> Areġât maktere nâġġanġet. Amboġande togom âi damunlupġe hainâk yeġġum damun aġġa katyekbiap.” dâmbo hin dâyi, “Bo. Hain akto ârândân bo aktâp.” dâyi. <sup>17</sup> Hain dâmbiâ

Yesuŋe tâŋâk yekmâ hin dêep, “Ye pâpkoâi. Anu-tuŋe hain akmap aregât makyenŋimbo kulemgoyi are hin, “Emet ketuguwerâm âmâ tetembeŋe ekmâ bâleŋe dâm hepuli are tetembeŋe kârikŋe aregât dopŋe aktâp.” <sup>18</sup> Den are bunŋe akto luâk siâŋe tetembeŋe are kâwutmâ hilipkowiap. Akto tetembeŋe arekŋe kâwulakmâ ge kondo mombiap.” dêep.

<sup>19</sup> Akto Yesuŋe Mosegât den kârikŋe makmâ kepigi akto yâk yengât keiyenŋe nâŋgâm den ginŋe are dop yengum makyenŋimbo nâŋgâm biwiyenŋe bâlimbo ainâk kala busiân katne dâm agi. Hain akberâm agi arekŋe luâk âmbâle kâmot humo are yengât hamep akmâ hepuli. <sup>20</sup> Hepunmâ hin dâyi, “Hâmbâi Yesuŋe den makmâ hilip kombo âmâ ki-apgâlân mem ariwaen.” dâm aregât damun aganŋi. Hain akmâ luâk konok konok meyekmâ hin dâm makyenŋiyi, “Yesu yoŋâk hianŋim aikombiâ den makmâ hilip kombo aregât kiapgâlân mem arim kombaen.” hain dâm huŋgun yengiyi. <sup>21</sup> Huŋgun yengimbiâ Yesugâlân togom lau tu hin dâm maganŋi, “Luâk humo, keige nâŋgâen. Den makmat are bunŋe âlepŋe. Akto luâk kotdâ are yengât bo hamep akmâ kinmâ Anutugât dâp bunŋânâk mak-nengimat. <sup>22</sup> Aregât makmenâ nâŋgâne. Roma luâk kotdâ yengât puli katenŋe ârândânŋ akmap me bo?” dâyi. <sup>23</sup> Hain dâmbiâ hianŋigât keiŋe biwiyenŋân ekmâ nâŋgâm hin dêep, <sup>24</sup> “Puli koanŋe mem hekat niŋbiâ ekbe.” dâambo mem hekalanŋbiâ hin dêep, “Ire ekŋet. Niŋaet otneŋe katbiâ tatâp?” <sup>25</sup> dâambo dâyi, “Roma luâk kotdâgât otneŋe tatâp.” dâmbiâ hin makyenŋieŋ, “Roma luâk kotdâ yengât pat are âmâ luâk kotdâ wanŋi. Dâ Anutugât pat are

âmâ Anutu wan̄bi.” dâep. <sup>26</sup> Hain dâmbo den̄je are nân̄gâmbiâ humo akto luâk âmbâle dondâ kiligât gain gain aknerâm ewum pâpkoyi.

*Momonânba agatmâ âmâ an̄elo yen̄gât dop akbaen.*

<sup>27</sup> Akto Sadukaio luâk bik̄ande Yesugâlân togoi. Sadukaio yâk̄je âmâ momonânba agatbaengât dop̄je bo tatâp dâm mali. Bo kârik̄je hain nân̄gâm mali. Akto Yesugâlân togom hin dâm magan̄i, <sup>28</sup> “Luâk humo, Mosēje den kârik̄je siâ hin dâm kulengoep are tatâp. Luâk siân̄je âmbâle siâ mendo manmâ luâk are mondo âmâ emīande kambut mendo nanan̄ membiap are âmâ teūjaet pat akbiap. Den kârik̄je hain tatâp aregât den pat siâ makten̄je nân̄gâ. <sup>29</sup> Emelâk emi teu nâmbulân lâuwâ manmâ teuyēande âmbâle mem nanan̄ bâlâk manmâ moep. <sup>30</sup> Mondo emīande kambut areâk mem yâkâ hainâk nanan̄ bâlâk manmâ moep. <sup>31</sup> Mondo ben̄je emīje siân̄je kambut areâk mem yâkâ hainâk nanan̄ bâlâk manmâ moep. Hainâk akmâ manmâ gam âmâ emi teu nâmbulân lâuwâ arek̄je âmbâle konok areâk mem nanan̄ bâlâk manmâ mom meteyi. <sup>32</sup> Hain akmâ mom metembiâ âmbâle kambut are bâīn̄angen moep. <sup>33</sup> Akto luâk nâmbulân lâuwâ arek̄je âmbâle konok areâk meyi aregât hâmbâi momonânba agatbaiân âmbâle are nījaet pat akbiap?” dâyi. <sup>34</sup> Hain dâm̄biâ Yesūje hin dâep, “Un̄jak âmâ âmbâle an̄gi goan̄gi akmâ mandâi. <sup>35-36</sup> Dâ titnan sop humoân âmâ Anutūje nân̄gâmbo âmâ dop konogâk manmâ âgâwai. Anutūje makyen̄gimbo momonânba agatbai. Agatmâ an̄elo yen̄gât dop hainare akbai.

Haingât luâk âmbâle angi goangi akbaigât dopne bo tatâp. Bo kârikne. Akto ain âmâ Anutuņe dâambo lâuwâne bo mombai. <sup>37</sup> Akto momoņânba agatbai aregât Moseņe den kulengoep are hin tatâp. Lâwin keiņân kâlâp punduņ katmâ oep aregât kulem âmâ luâk âmbâle hârokne moyi aregât Anutuņe den siâ hin kalep, “Nâmâ Abraham Isaka akto Yakobo yâk yengât damun.” Den hain dâm kulengoep tatâp aregât keiņe hin. <sup>38</sup> Anutu hâk heambuk are damunyeņe akmap, akto luâk golâ manmai are yengât damunyeņe akmap aregât Abraham, Isaka, akto Yakobo, âmâ golâ mandâi.” <sup>39</sup> Yesuņe hain dâm makyengimbo Mosegât den kârikne makmâ kepigi bikņande hin dâyi, “Luâk humo âlepne maktât.” dâyi. <sup>40</sup> Hain dâm siâkâ aikowerâm akmâ nâņgâmbiâ umatņe akto hepuli.

<sup>41-43</sup> Hain gârâmâ Yesuņe den hin dâm makyengiep, “Dawidiņe kep keņgugât kulem hin kulengoep,

Anutuņe nâņgât Humone are hin maganep,  
 “Gâ bâte bungen tatmenâ gasalupge keigaet amukņân kâmot katere tâliyekbiat.” dâep.

Hain gârâmâ Anutuņe huņgun anđo gem damun nenņe akbiap are Dawidigât hakuņe dâmai hain bo. <sup>44</sup> Dawidiņe humoņaet nâņgâm nâņgât Humone, hain dâm kolep aregât yeņe âmâ gain gain akmâ Dawidigât tepņân gâtņe dâmai?” dâep.

<sup>45</sup> Den are makmâ metem purik dâm luâklupņe makyengimbo luâk âmbâle kili arekne hin nâņgâyi, <sup>46</sup> “Mosegât den kârikne makmâ kepikmâ manmai dop hain bo manbi. Yâkne âmâ hâk pekeņe kâlep are kulem melem are luguakmâ dâp arim luâk



âmbâle yekmâ herone aknenginet dâm aregâlâk nângâmai. Akto den emetjân âgâm luâk hutyejân tatmâ âmâ luâk humomo yengât welam pat dâm yengiyi ainâk nenne soj tatne dâm aregât akmai. <sup>47</sup> Akto âmbâle kambut yâk yengât kotje siâ siâ meyenjimai. Akto luâk âmbâleje nenekbiâ humo agâk dâm aregât miapjân kinmâ Anutu maganberâm kinmai. Luâk hain arekne aregât dosa dondâ memai. Aregât ye yâk yengât dop bo akmâ manbi.” dâep.

## 21

*Âmbâle kambut umburuk siâne Anutugât pat dâm puli kalep.*

<sup>1</sup> Hain dâm sumbe kat kat emetjân tatmâ Yesune dewunje panmâ yekto puli siâ siâ humo tatyengiep arekne Anutugât pat dâm puli katbiâ gembo yegep. <sup>2</sup> Katmâ arimbiâ âmbâle kambut siâne ikiye puli gilâm lâuwâk kato giep. <sup>3</sup> Kato gembo Yesune ekmâ Aposololupne hin dâm makyengiep, “Bundâk makyengiwe. Âmbâle kambut ire umburuk mamburuk manmap irekne puli gilâmne lâuwâk katâp irekne âmâ puli humo katâi are hârok ewangi yektâp. <sup>4</sup> Puli humo tatyengiâp arekne âmâ oyanmâ bikneâk mem ga katâi. Dâ âmbâle kambut ire âmâ hain bo. Yâk âmâ puli gilâmne lâuwâk talañdâp are hârok katmâ âmâ yân manberâp.” dâep.

*Sumbe emetje patakome hilipkowi aregât magep.*

<sup>5</sup> Hain dâmbo Yesugât kâmot bikñande sumbe emetjaet hin dâyi, “Emet iregât ambolupñande

Anutugât opmân aregât dâm kotņe siâ siâ katbiâ humomoņe are mem sumbe emetņe ketuguyi.” dâyi. <sup>6</sup> Hain dâmbiâ Yesuņe hin dâm makyenġiep, “Opmân yu ektâi ire hâmbâi togom hârem gagaim itiņ gulam ketuguwai.” dâmbiâ <sup>7</sup> hin dâyi, “Luâk Humo, den yu maktât ire âmâ sop amuten miawakbiap? Akto sop are tâlâgumbo âmâ kulem gain gain hinare miawakbiap?” dâyi. <sup>8</sup> Hain dâmbiâ hin magep, “Bikņande oļonyekbiâ han gulip akbâigât keiņe makmâ miawaktere biwiyeņân katmâ manbi. Keiņe hin. Luâk dondâņe togom nâņgât kolân agonakmâ, “Nâ Anutuņe huņgun niņdo geân.” hain dâwai. Akto bikņande âmâ, “Sop tâlâguâp.” hain dâwai. Gârâmâ ye luâk hainare yeņgâlân bo dewatiwi. <sup>9</sup> Akto bugâ hanâk hanâk miawakto aguwai aregât den pat akbai are âmâ nâņgâm ain bo hamewakbi. Are soņ miawakbiapgât Anutuņe magep. Dâ dowâk bo miawakbiap.” dâep. <sup>10</sup> Hain dâm den dewatim hin dâep, “Hângât luâk kotdâņe makbiâ tembe lokolupyenande hân siâgât amboņe yeņguwai. <sup>11</sup> Akto mop humo miawakbiap. Akto wan me wan bâleņe miawak yeņgiwiap. Akto wâriņ humo ain membiap. Akto wan me wan hamepņe ołowâkņe miawakyenġiwiap. Akto sop ain kulem bâleņe aregât emelâk bo egion dâwai, hain arekņe himbimân miawakto ekbai.

*Biwiyenande Yesugâlân hokatmâ manbai arekņe âmâ Anutugât pat akbai.*

<sup>12</sup> Hainare bo miawakto âmâ âi keiņe katmâ meyekmâ yeņgum wat yekmâ mem siâ siâ ketugu yekbai. Akto ye nâņgât kotne mem manmai

aregât yâkne denân kat yekmâ kala busi kêlegen kat yekbai. Luâk humo akto kiap are yengâlân meyekmâ ariwai. <sup>13</sup> Hain akyengimbiâ âmâ nângât den pat âlepne aregât keine makmâ miawakbiâ nângâwai. <sup>14</sup> Akto are yengâlân kinmâ âmâ den gain gain maktere ârândân akbiap aregât nângâm bo hanokoakmâ umale akbi. <sup>15</sup> Nâne nunak memene akyengire lauyene owâine akto den makbai âmâ gasalupyenande denyene are mem ge katberâm ewum hâumgowai. <sup>16</sup> Akto sop ain ewe memelupyene me emi teulupyene tâulupyene akto galalupyene yâkneak gasa akyengim meyekmâ yengumbiâ yengâlân gâtne biknande mombai. <sup>17</sup> Akto sop ain âmâ ye nângât kotnaet akmâ manmai aregât yengât nângâm bâli yengim luâk kâmot humone gasa akyengim manmâ âgâwai. <sup>18</sup> Siâ me siâ hain akyengimbiâ nâne tânyengure kautyene dumutne siâ bo gulip akbiap. <sup>19</sup> Aregât kârikne kinmâ âmâ bo hâkân akbiâ manmanyene bunne miawakyeŋgiwiâp.

*Yerusalem kipia mem bâliwai aregât Yesune magep.*

<sup>20</sup> Akto gasalupyene yengât tembe loko kâmotne kâmotne togom Yerusalem kipia ire awam ketugumbiâ âmâ yekmâ hin dâwai, “Hilip nengumbiâ kipia kawum akberâm aktâp.” hain dâwai. <sup>21</sup> Akto sop ain âmâ Yudaia hân ambolupne kipiayene hepunmâ hewuknângen pârigim heambukmâ ariwai. Akto Yerusalem kipia kêlegen manbai yâkâ hainâk pârigim ariwai. Akto kipia ginngângen manbai arekne wan me wan memberâm purik katmâ kipian bo gawai.

22 Sop ain dosa membai aregât emelâk kulemgoyi are Anutuņe bunņe agâk dâm dosa aregât hâuņe yeņgiwiap. 23 Yai, âmbâle tepdâ me nanan nam yeņgim tatbai arekņe gain gain akbai? Yâk ariwerâm hâk hilâlâm nâņgâm umatņe akmâ ewum hâumgowai. Hain akbai aregât hâuņe âmâ Anutuņe purikņe yeņgimbo hân ambolupņande yae dâm agatmâ sopanmâ hâk hilâlâm nâņgâm manbai. 24 Are tembe lokoņe bikņe oloņ yekmâ hânņe hânņe meyekmâ arimbiâ hoņ bawalupyene akmâ manbai. Ain âmâ Anutu bo nâņgaņmai arekņe gasa akyeņgim Yerusalem kipia itin gulam ketuguwai. Ketugumbiâ kawum akto âmâ manmâ âgâmbiâ âmâ Anutuņe hin dâwiap, “Nâņgât bo nâņgâ niņmai are yeņgât sop bo aktâp.” dâwian ain hilip aguwai.

25 Akto siân âmâ dewutâ hilâmgât akto hândâkgât me pituņ me hân akto haru bâliwiapgât kulem keiņe keiņe miawakto ekbai. Ekmâ âmâ luâk âmbâle hârokņe biwiyene agatbiap. 26 Akto dewutâ me pituņ arekņe duwuņ akmâ kotņe hanâk hanâk bam gutbai. Hain akbiâ kulem are ekmâ hamewakmâ hin dâwai, “Gain gain akne? Yâgâten arim heambukne?” dâmbiâ okotyenân tuk tuk erâmbo âmâ biwiyene gulip akbiap. 27 Hain akbiâ pagaleņe pakpak dâmbo âmâ luâk akmâ geân nâ kârikņe akmâ hamandat kulewoņwoņ kakņânba gere âmâ nekbai. 28 Kulem hain miawakto ekmâ dewunyeņe egon panmâ ekmâ hin dâwai, “O nen bâleņânba mem oloņ nenekberâm geâp.” dâwai.” dâep.

29 Yesuņe hain dâm den ginņe siâ hin dâm

makyengiep, “Ye hâpugât keiņe ya nângâmai are. <sup>30</sup> Hâpu tatanğaiņe gagai akto aregât hin dâmai, “O imâ dewutâ komberâm aktâp.” dâmai. <sup>31</sup> Hainâk kulem hainare miawakto ekmâ âmâ hin dâwi, “Emelâk humo miawakmâ nen olop mando Anutunęe damun nenęe akbiap aregât sop tâlâguâp.” hain dâwi. <sup>32</sup> Den ire maktere nângâm biwiyeņân katņet. Luâk kâmot yu tatâi irekņe bo mom golâ manbiâk hainare miawakto ekbai. <sup>33</sup> Himbim hân haru kârikņe yembiap dâmai are hârok gulip aguwiap. Dâ nângât den yu maktân ire âmâ kârikņe akmâ yem âgâwiap. Gulip akbiapgât dop bo tatâp.” dâep.

*Yesuņe Aposololupņe makyengim, “Biwi golâ manbi.” dâep.*

<sup>34-35</sup> Akto Yesuņe hin dâm makyengiep, “Iren hânân kotņe siâ siâ keiņe keiņe mem aregâlâk nângâwâigât biwi golâ manņet. Akto tu kârikņe nembiâ wâtyeņe bo akto nângât nelâm yeņgiwopgât aregât âkâ hainâk biwi golâ manņet. Wangât? Hingât. Nâņe dowâk miawakmâ togowian ain âmâ luâk hârokņe dosayeņæet hâuņe membai. Bo nângâm pâlâmņe manbiâ hami komņe sân sânak meyekmap dop hainâk togowian. <sup>36</sup> Anutugât den konok lokom manmâ biwiyeņe yâkgâlân kârikņe tatbiâp aregât nângâm hokboâk hokboâk Anutu ulilanmâ biwi golâ manmâ âgâmbiâ kulem hainare miawakbiap. Hain akmâ manbiâ nâ miawakmâ kinbian ain bo aņun aņgiwai.” Yesuņe hain dâm makyengiep.

<sup>37</sup> Akto hilâm ârândâņ sumbe emetņân âgâm kinmâ den potatmâ makyengim malep. Hain

akmâ manmâ âmâ emet dâgâmbo âmâ Oliwa gimbânân âgâm ain tatminep. <sup>38</sup> Hain akminepgât emet hauŋdo luâk âmbâle hamepŋe olowâkŋe denŋe nâŋgâwerâm sumbe emetŋân âgâm mendugum lâmgoyi.

## 22

### *Yudasine Yesu membian dâm makyengiep.*

<sup>1</sup> Akto hombanj siâ aregât kotŋe Pasowa dâmini ain sot bo kaulemap omini are tâlâguep. <sup>2</sup> Akto sop ain sumbe kat kat luâk akto Mosegât den kârikŋe makmâ kepigi yâkŋe luâk âmbâle dondâ are yengât nâŋgâm hamep akmâ aregât Yesu gain gain agaŋdenŋe moâk dâm magaŋgi goaŋgi agi. Hain akmâ dâpgât undâgâtmâ mali.

<sup>3</sup> Hain akmâ manbiâ Niambiŋe Aposolo siâ Karioto kipian gâtŋe kotŋe Yudasia are kautŋân mendo <sup>4</sup> sumbe kat kat luâk are yengât damunlupyenŋe akto tembe loko kautŋe arekŋe magaŋgi goaŋgi akmâ, “Yesu gain gain aktenŋe koŋet.” dâmbiâ Yudasine arim aregât keiŋe makyengiep. <sup>5</sup> Den makyengimbo biwiyenŋe âlepŋe akto puli waŋberâm agi. <sup>6</sup> Hain akbiâ denyenŋe are lokom luâk âmbâleŋe aregât keiŋe nâŋgâwâi dâm aregât yoŋâgângen mem miawakmâ âmâ kombai aregât ekmâ watmâ malep.

<sup>7</sup> Akto hombanj are miawakto hilâm siân lama gâim om nemberâm agi ain <sup>8</sup> âmâ Yesuŋe Petoro akto Yohane hin dâm makyetkim huŋgun yetkiep, “Yet arim âmâ hombanj Pasowa aregât lama gâim âmâ om lâm nengum tatbela togoenŋe nemberen.” dâep. <sup>9</sup> Hain dâmbo hin dâm aikoyiat, “Emet

wanân gâim om lâm yenjuweret?” dâmbela <sup>10</sup> hin dâep, “Kipian âgâm âmâ luâk siâne asap lokoakmâ arimbo ekmâ âmâ are haminân watmâ arimbela emelan kewugu yelekmâ âgâmbo âgâwerat. <sup>11</sup> Âgâm emet amboje mem miawakmâ hin dâm maganberat, “Luâk humonetjande gânngât hin dâm maktâp. Emet kâlêje gain hinan luâklupne olop Pasowagât pat om nemberen? <sup>12</sup> Hain dâm maknetkiâp.” dâm maganbela emet kâlêje humo siâ mem âlepje dondâ ketuguyi are hekat yetkimbo âmâ âgâm sot wan om lâm nenguwerat.” dâep. <sup>13</sup> Hain dâm hungun yetkimbo ariyiat. Arim magep hainâk mem miawakmâ maganbela emet are hekat yetkimbo siâ siâgât magep hainâk hainâk mem hejgemgoyiat.

*Yesuje Aposololupje olop sot neyi.*

<sup>14</sup> Mem hejgemgombela kindo sop akto âmâ aposololupje olop penâyetkimbiâ sot neyi. <sup>15</sup> Nem tatbiâ âmâ hin dâm makyengiep, “Nugumbiâ hâk hilâlâm nângâwerângât sop tâlâguâpgât ye olop sot ire nemberengât ukenje nângân. <sup>16</sup> Akto maktere nângânet. Nâ hinje ye olop sot yu nenden hainâk lâuwâje bo nembian arekne maleine bunewâk Anutuje damunyeje akberâm keje katbiap âmâ lâuwâje nembian.” dâep. <sup>17</sup> Hain dâm waij are nemberâm hâpurâ mem Anutu manganmâ mepaije mem hin makyengiep, “Ire mem potatmâ nejet. <sup>18</sup> Akto ire maktere nângânet. Nâ hinje waij tu ire bo nem mandere Anutuje bâin dâm damunyeje akberâm keje kato âmâ tu irakne nembian.” dâep. <sup>19</sup> Hain dâm sot siâ mem Anutu manganmâ mepaije mem

munditmâ Aposololupņe yeņgiep. Yeņgim hin dâm makyeņgiep, “Imâ nâņgât sunumnaet dop. Nâņgât pat nelâm yeņgiwopgât sot ire nem manmâ âgâwi.” dâep. <sup>20</sup> Hain dâmbo nembîâ bo akto waiņ hâpurâ siâ mem hin makyeņgiep, “Waiņ irekņe Anutugât dâp irakņe miawakto dosayeņe hepun yeņgiwiap aregât nugumbîâ gilâmne gewiap aregât dopņe aktâp. Are yeņgât pat dâm makmâ hâreân aregât mem neņet. <sup>21</sup> Akto den siâ ire maktere nâņgâņet. Yeņgâlân gâtņe siâņe nâņgât nâņgâm bâli niņmâ moâk dâm gasalupne makyeņgimbo menekmâ nuguwai. <sup>22</sup> Aregât Anutuņe hin dâm makniņep, “Dâp hainâk arim manbiat.” hain dâm huņgun niņdo aregât dâp hainâk arim mombian. Are âmâ nugumbîâ mombiangât luâk siâņe henîņmâ dâp hainâk oloņnekmâ ariwiap aregât dosa umatņe bâleņe membiap.” dâep. <sup>23</sup> Hain dâmbo hin dâyi, “Nengâlân gâtņe niņande akbiap?” dâm magañgi goañgi agi.

*Aposololupņande papalakmâ den magañi.*

<sup>24</sup> Akto Aposololupņande magañgi goañgi akmâ papalakmâ hin dâyi, “Nengâlân gâtņe niņande humonenņe mandâp?” dâmbîâ <sup>25</sup> hin dâm makyeņgiep, “Hân siâ siâ yâk yeņgât luâk humo yâkņe âmâ hoņ bawalupņe meyekto hoņ bawa agañmai akto hoņ bawa arekņe luâk aņgâņe luâk humo yeņgonmâ kotyeņe mem agatmai. <sup>26</sup> Dâ yeņe âmâ hângât luâk kembu are yeņgât agak meme hain bo akbi. Gârâmâ yeņgâlân gâtņe siâņe humo akbian dâm âmâ gegeņe manbiâp. Akto Anutuņe nekmâ luâk humo dâwiap dâm manmâ âmâ ye hârok yeņgât hoņ bawa akyeņgiwiâp. <sup>27</sup> Akto luâk



siâne sot om katyengim tân yengumap are âmâ luâk yânne dâmai. Dâ luâk siâ âi bo mem yân tato hon bawañande sot om kalañdo nemap aregât âmâ luâk humo dâmai. Gârâmâ ye hain bo akbi. Aregât nâkai hain nângâm hon bawa akyengim tân yengum malân. <sup>28</sup> Akto nâ hâk hilâlâm kakñân manmâ gan amâ yeñe bo hepun nekbiâ biwiyeñe nângâlânâk kindo olowâk manmâ gayion. <sup>29</sup> Hain akbiâ aregât Ewenande damunyeñe kat negep hainâk nâñe âmâ damunyeñe dâm katyekbian. <sup>30</sup> Hâmbâi lâuwâñe miawakmâ gere âmâ olowâk manmâ nembra aregât pat kat yengîân. Akto ain âmâ luâk kotdâ yengât tat talân tatmâ Israe luâk kâmot keiân lâuwâ tatbai are yengât den makmâ hâre yengiwai aregât pat katyengîân.” hain dâep.

*Yesuñe Petoro magañep.*

<sup>31</sup> Yesuñe hain dâm Petoro hin dâm magañep, “Simon, Simon, matuk helekñe are mem pipikoenñe tuñe ingoen gembo helekñe are mem pandenñe arimap dop hainâk Niambiñe keige ekberâm aregât aktâp. <sup>32</sup> Niambiñe hain dâmbo nâñe âmâ biwige bâliwop dâm gângât Ewene ulilañdân. Ulilañdere aregât ulik gulik nângât hâkâñ akmâ hamiñân biwigande nângâ niñmâ âmâ galalupge are tân yenguwiat.” dâep. <sup>33</sup> Hain dâmbo Petoroñe hin dâep, “Humo, gâ kala busi kâlegen kat gekbiâ tatbiat me bugâ mem mombiat âmâ nâ gâ bo hepun gekbian. Nâkâ hainâk akbian.” dâmbo <sup>34</sup> hin dâm magañep, “Petoro maktere nângâ. Gokorok bo indemboân gâñe nângâ yâkgât bo nângañman dâm munen akmenâ sop âlâwu akbiap.” dâep.

<sup>35</sup> Hain dâm benne luâklupne hinâk makyengiep, “Emelâk puli bo ito bo kei pekene bo, hain hungun yengire arim umburuk akmâ mali me bo?” dâmbo hin dâyi, “Nen umburuk bo malion.” dâmbiâ <sup>36-37</sup> hin makyengiep, “Nângât den kulemgoyi are hârogâk bunne akbiapgât sopne tâlâguâp. Akto Anutune nângât den siâ dâmbo kulemgoyi are hin, “Bâleje meme yâk yengât kâmolân katbai.” den are nângâlân bunne akberâp aregât ito me iripân me wan me wan tatyengiâp are mem ariwerâi. Dâ yengâlân gâtne biknande puli me wan me wan bo tat yengiâp yeje âmâ yengandân hâk pekene mem yâk yengimbiâ puli yengimbiâ puli are mem arim bugâ puligowai.” dâep. <sup>38</sup> Hain dâmbo hin dâm maganji, “Humo ire ek. Nengâlân tâwât lâuwâ tatâp.” dâmbiâ hin dâep, “Bâin. Hain talâk.” dâep.

*Oliwa gimbânân âgâm Anutu ulilanep*

<sup>39</sup> Hain dâm Yesune hândâk ârândânâk kipia are hepunmâ Oliwa gimbânân âgâm manminep hainâk kipia hepunmâ Oliwa gimbânân âgâwerâm hon bawalupne kewugu yekto âgâyi. <sup>40</sup> Âgâm malewân arim hin dâm makyengiep, “Bâlejande mem katyekbopgât in tatmâ Anutu ulilanep.” <sup>41</sup> Hain dâm kat yekmâ getek bam ge tatmâ hin dâm ulilanep, <sup>42</sup> “Apo, gâ nângâmenâ ârândân akto makmenâ âmâ hâk hilâlâm irekne gam ewanginegâk gârâmâ nângât den bo. Gângât den kârikne agâk.” dâm ulilanep. <sup>43</sup> Hain dâmbo anelo siâne himbimânba gem memene aganep. <sup>44</sup> Hain akto biwiņe umatne akto nângâm kârikne akmâ lâuwâne hainâk dâm ulilanep. Ulilanepdo âmâ ogowak biririk dâm gem gilâm tirin târân gemap

dop hainâk akmâ tirin̄j târân̄j dâm hânân̄ giep.  
<sup>45</sup> Hain akto ulilan̄mâ metem Aposololup̄ne bam yegep. Akto okot yeje nân̄gâm wâtyeje hutuk âgâmbô asiñ yeyi. <sup>46</sup> Asiñ yembiâ yekmâ hin dâep, “Gain akmâ asiñ yendâi? Agatmâ kin̄net. Hâwâtyekto bâleñe akbâigât Anutu ulilan̄net.” dâep.

*Yesu meyi.*

<sup>47</sup> Hain dâm kindo ainâk dondâ togoyi. Togombiâ âmâ Aposolo siâ kot̄ne Yudasi yâk̄ne sumbe kat kat luâk are yeñgât humomolupyene akto areyeñgât tembe loko akto Yuda yeñgât kaunsoli are olop halop hogoan̄mâ den hikoyi are watmâ gasa makyen̄gim kewugu yekmâ togo katyekto kinbiâ ba Yesu lokom man̄ganlep. <sup>48</sup> Man̄gando Yesune hin dâep, “Yudasi, luâk akmâ gewiap dâmai are âmâ nâ menek̄netgât wangât man̄gan nektât?” hain dâep. <sup>49</sup> Hain dâmbo Aposololup̄nde siâ siâ akyen̄giwai aregât nân̄gâm hin dâyi, “O humo nân̄gâmenâ tâwât̄ne kârâ yekne.” dâyi. <sup>50</sup> Dâmbiâ are hutyen̄ân̄ gât̄ne siâne tâwât̄ mem sumbe kat kat luâk humoyeje siâ yâkgât hon̄ bawa siâgât ondop̄ne bik̄ne tâwât̄ne kârâm hâriep. <sup>51</sup> Kârâm hârembo Yesune ekmâ hin dâep, “Hepun̄net.” dâm luâk aregât ondop̄ne are mendo âlep̄ne agep. <sup>52</sup> Hain akmâ sumbe kat kat humomolupyene akto yâk̄ yeñgât tembe lokolupyene hin dâm makyen̄giep, “Yeje âmâ nân̄gât nân̄gâmbiâ bugâ koko luâk akman̄ aregât bugâyeje loko akmâ menekberâm togoâi mon? <sup>53</sup> Nâ sop ârândân̄j sumbe kat kat emet̄n̄an̄ ye olop man̄mâ gayion sop ain wangât bo menegi? Dâ un̄ak ire âmâ Hândâk

Ambonje arekne memenje akyenjiâp aregât togoâi.” hain dâep.

*Petoro hamewakmâ, “Nâ Yesugât kâmolân gâtne bo.” dâep.*

<sup>54</sup> Hain dâambo mem arim sumbe kat kat luâk yengât humoyeje aregât emelangen mem ariyi. Mem arimbiâ Aposolo awam akmâ arim meteyi. Akto Petoroje purik katmâ yonâk yonâk hamiyenângen watyekmâ togoep. <sup>55</sup> Akto emelan mem âgâmbiâ tembe loko bikne âmâ sombeimân kâlâp om nângâm tatbiâ Petoro âkâ hainâk kâlâp nângâwerâm yâk yengât hut yenân ge talep. <sup>56</sup> Hain tatbiâ hoj bawa âmâbâle siâne ekmâ nângâm hin dâep, “O luâk ire âmâ Yesugât kâmolân gâtne.” dâambo <sup>57</sup> munen akmâ hin dâep, “Nâ luâk are bo nângân. Akto bo ekman.” dâep. <sup>58</sup> Hain dâambo sop kâlêwâk bo aktoâk luâk siâne ekmâ hainâk dâep, “Âo gâ yâk yengâlân gâtne.” dâambo hin dâep, “Nâ yâk yengât kâmolân gâtne bo.” dâep. <sup>59</sup> Hain dâm getek sop kâlêwâk hin tato luâk siâne ekmâ wârakmâ hin dâep, “Bundâk gâ yâk olop manmai. Akto gâ Galilaia denân makmenâ nângân.” dâep. <sup>60</sup> Hain dâambo hin dâep, “Nâ gângât den are pâpkoân.” dâambo ainâk gokorok indiep. <sup>61</sup> Indembo âmâ Yesu Humoje purik dâm Petoro tânâk egep. Ekto âmâ Humoje den hin dâm maganep are nângâep, “Gokorok bo indemboâk gâne nângât keine tigimenâ sop âlâwu akbiap.” dâep. <sup>62</sup> Den are nângâm biwiñe umatne akto arim indiep.

*Yesu mem keiñe hârok mângiyi.*

<sup>63</sup> Akto Yesu damungom kili arekne dewunñan gem den maganmâ sângumne dewunne hikom tigim ondopne hogoyi. <sup>64</sup> Ondopne hogom hin dâyi, “Ondopge hogoâp aregât kotne kon.” dâyi. <sup>65</sup> Hain dâm den are maganmâ den bâleñe maganmâ kili.

<sup>66</sup> Hain akmâ kinbiâ emet haundo sumbe kat kat luâk akto Mosegât den kârikne makmâ kepigi, akto Israe yengât damunlupyene dondâ mendugu akmâ Yesu kâmot yenñan mem âgâ katmâ hin dâm magani, <sup>67</sup> “Gâñe Anutuñe hungunniñdo geân maktât aregât âmâ keige makmâ miawak.” dâmbiâ hin dâep, “Den ire hâkân akberâigât nâñgân aregât hepunbe. <sup>68</sup> Akto den siâ aiyengure bo makniñberâi. <sup>69</sup> Gârâmâ sop iregât luâk akmâ geân nâ Anutu kârikne amboñe yâkgât bânñe bungen tatere nekbai.” dâep. <sup>70</sup> Hain dâmbo hârokne nâñgâm hin dâm magani, “Gâñe hin dâmat, “Nâ Anutugât nanñe mandân.” dâmat are bunñe me bo?” dâmbiâ, “Âo, ya maktâi are.” dâmbo hin dâyi, <sup>71</sup> “Siâñe siârâm siârâm akbiâ âmâ den âi humo membâen. Emelâk maktâp areâk bugâ neâk.” dâyi.

## 23

*Yesu mem Pilato akto Herote yetgâlân arim denñe dâm hâreyi.*

<sup>1</sup> Akto Yesu meyi arekne hârogâk agatmâ Yesu mem Pilatogâlân ariyi. <sup>2</sup> Yâkgâlân arim kinmâ hin dâm yâkgât den dâm hiangiyi, “Luâk iregât keñe hin. Luâk hârok yengât biwiyenñan nâñgâ nâñgâ bâleñe lugumap are hin. Roma luâk kotdâgât puli bo katñet dâm aregât makmâ nâ Anutuñe

huṅgunniṅdo geângât damunyeṅe akman dâmap.” dâyi. <sup>3</sup> Hain dâmbiâ Pilatoṅe aikom hin dâep, “Gâ Yuda yengât luâk humo me?” dâmbô hin dâep, “Gâṅe maktât are bunṅe.” dâep. <sup>4</sup> Hain dâmbô Pilatoṅe sumbe kat kat luâk are yengât humomolupyene akto luâk dondâ ain kili are hin dâm makyengiep, “Luâk iregât dosa siâ bo tatâp nâṅgân.” dâep. <sup>5</sup> Hain dâmbô kârikṅeâk konmâ hin dâyi, “Bunṅe luâk mem hanâk hanâk ketugu yekmâ biwiyenân gem denne hânṅe hânṅe ariâk dâm aregât makmap. Akto Galilaia hânân bam keiṅe makmâ ainba Yudaia hânân togom hainâk akmap.” dâyi. <sup>6</sup> Hain dâmbiâ Pilatoṅe hin aiyenguep, “Luâk ire Galilaia hânân gâtṅe me?” dâmbô <sup>7</sup> hin dâyi, “Âo ain gâtṅe.” dâmbiâ Pilatoṅe hin nâṅgâep, “Galilaia hân are Heroteṅe damunṅe akmap ain gâtṅe.” are nâṅgâm yâkgâlân mem arinet dâm huṅgun yengiep. Akto sop ain Heroteṅe Galilaia hân hepunmâ Yerusalem kipian malep aregât huṅgun yengimbo Herotegâlân mem ariyi.

<sup>8</sup> Yâkgâlân mem arimbiâ Heroteṅe Yesugât den pat are nâṅgâm ekbeâk nâṅgâm malepgât Yesu ekmâ âmâ biwiṅe herone agep. Hain akmâ kulem siâ ketugumbo ekberâm aregât ukenṅe nâṅgâm malep. <sup>9</sup> Akto Heroteṅe den keiṅe keiṅe aregât aikombo hâuṅe bo maganep. <sup>10</sup> Hain akto sumbe kat kat luâk akto Mosegât den kârikṅe makmâ kepigi arekṅe hâkṅe tunmâ den umatṅe siâ siâ magi. <sup>11</sup> Hain akbiâ Herote akto tembe lokolupṅe yâkṅe Yesu dewunṅân gem betorok panaji. Betorok panajmâ den hembalik mânṅiyi. Hain akmâ Heroteṅe dâmbô hâk pekeṅe kulemṅe âlepṅe

dondâ siâ mem lugu anbiâ gembo Pilatogâlân mem purik katmâ ariyi. <sup>12</sup> Dâ ulikñân Pilato akto Herote gasañe gasañe maliat. Akto mem arimbiân âmâ ainâk gala agiat.

<sup>13</sup> Akto Pilatoñe sumbe kat kat luâk akto Israe yengât damunlupyene akto luâk âmbâle yânñe are yengondo togom menduguyi. <sup>14</sup> Mendugumbiâ hin dêep, “Yeñe luâk ire nânğâlân mem togom yâkgât hin dâm makniñdâi, “Luâk irekñe luâk mem kotñe hanâk hanâk ketuguyekmâ biwiyenân gemap.” dâi aregât nãñe yengât dewunyenân keñe mem miawaktere dosañe bo aktâp. <sup>15</sup> Emelâk Heroteñe makmâ hãreañâk dâm hunğun yengire bo akto nânğâlân lâuwãñe mem togoâi. Nânğâi. Luâk ire mombiapgât dosañe siâ bo ektân aregât hin aktere ârândân akberâp. <sup>16</sup> Tembe lokolupne makyengire tâkñeak orem hâk hilâlâm wañmâ hunğun anbiâ yân gem ariâk.” dêep. <sup>17</sup> Hain dâm kinmâ sop ain Pasowa hombañ ârândân nânğã yengim kala busi kãlegen kat yekbiâ tatmini are yengâlân gâtñe konok wato ariminep. <sup>18</sup> Hain akminep aregât luâk âmbâle arekñe moâkgât konmâ kãrikñe akmâ hin magañi, “Are âmâ moâk. Dâ yâkgât dumñân Baraba are watmenâ geâk.” dâyi. <sup>19</sup> Akto Barabagât keñe hin. Yâkñe luâk dondâ mem mendugu yekmâ hin dâm makyengiep, “Kiap tembe loko hãrok yengum wat yektenñe arinjet.” dâm bugâ mem luâk siâ kondo mondo aregât kala busi kãlegen katbiâ talep. Keñe hain. <sup>20</sup> Akto Pilatoñe lâuwãñe hin dêep, “Nãmâ Yesu watere gewerãpgât nânğân.” dêep. <sup>21</sup> Hain dãmbo den kãrikñe konmâ magañi, “Yesu lâwinân kombiâ moâk. Lãwinân

kombiâ moâk.” dâyi. <sup>22</sup> Hain dâmbiâ Pilatoŋe den koyeŋgim âlâwuŋe hin makyenŋiep, “Bâleŋe bo agepgât nâŋgâre doŋe bo tatâp aregât maktere bugâŋe yânâk kom mem hulaŋbiâ yân arim manbiâp.” dâep. <sup>23</sup> Hain dâmbo kautyeŋe orem kârikŋe akmâ den dâyi hainâk dâyi, “Lâwinân kombiâ moâk” dâmbiâ arim denyenande gewe âgâwe akmâ yendo âmâ Pilatogât den are mem ge kali. <sup>24</sup> Mem ge katbiâ Pilatoŋe den dâyi aregât bunŋe miawagâkgât dâm aregât makmâ hâre yeŋgiep. <sup>25</sup> Hain akmâ denyeŋe lokom Baraba luâk koko akto den koko luâk are hulaŋmâ yâkgât dumŋân Yesu moâk dâm makmâ hâreaŋep.

*Yesu lâwinân kombiâ moep.*

<sup>26</sup> Hain dâmbo arim luâk siâ dâwân gembo egi kotŋe Simoŋ, Kirene kipian gâtŋe yâk âiâŋenba togombo lâwin ire loko dâm magaŋi. Magaŋmâ Yesugât lâwin are kamberŋân katbiâ lokom hamiŋân arimbo luâk kâmot humo hamiyenân ariyi. <sup>27</sup> Arimbiâ hutyeŋân âmbâle bikŋande okot dondâ nâŋgâ aŋmâ indem ariyi. <sup>28</sup> Akto Yesuŋe purik katmâ yekmâ hin dâep, “Yerusalem âmbâle nâŋgât bo indenŋet. Yeŋaet akto nanaŋlupyene yeŋgât indenŋet. Maktere nâŋgâŋet. <sup>29</sup> Hâmbâi yeŋe hin dâwai, “Bâe, âmbâle gupin, âmbâle sigan yânâk nanaŋ bo meygât nâŋgâenŋe âlepŋe aktâp.” <sup>30</sup> Hain dâm ain gimbeŋe iregât hin dâwai, “Hogoakmâ gem tigi nenegâk.” dâwai. Akto hemem keiŋân kinmâ, “Gem nenguâk.” dâwai. <sup>31</sup> Aregât hin dâre nâŋgâŋet. Lâwin golâ ombiâ âmâ bo omap. Dâ lâwin momoŋe âmâ ombiâ dondâ omap. Aregât gain gain akbai.” dâm makyenŋiep.



<sup>32</sup> Akto bâleŋe meme luâk lâuwâ biken biken yâk olowâk yeŋguwerâm meyelekmâ ariyi. <sup>33</sup> Arim hân siâ kotŋe kaut hagit ain arim lâwinân koyi. Kom âmâ bâleŋe meme luâk lâuwâ are biken biken kat yelekmâ yetkuyi. <sup>34</sup> Olowâk yeŋgumbiâ Yesuŋe hin dâm Anutu maganep, “Apo yu akniŋdâi ire âmâ keine bo nâŋgâm kinmâ akniŋdâi aregât dosayeŋe hepun yeŋgiwen.” dâep. Hain dâmbo tembe loko arekŋe Yesugât hâk pekeŋe memberâm aregât kulem esenŋe bâleŋ maleŋ oyaŋmâ puli memai dop hain akmâ aŋgiyi. <sup>35</sup> Akto luâk âmbâle kâmot humo kinmâ tâŋâk ekbiâ Israe yeŋgât damunlupyenŋe arekŋe dewunŋân gem den hin dâm maganŋi, “Emelâk luâk dondâ tân yeŋgumbo âlepŋe agi. Akto ikinŋaet hin dâmap, “Nâ Anutugât nanŋande ewenande huŋgunniŋdo gem damunyeŋe akmâ mandân.” dâmap aregât lâwinânba sopanmâ geâk.” dâyi. <sup>36</sup> Hain dâmbiâ tembe loko yâkŋe hainâk dewunŋân gem waiŋ tu ŋasukŋe bâleŋe are mem waŋmâ hin dâyi, <sup>37</sup> “Gâ Yuda yeŋgât luâk humo mandât akto âmâ pekmâ sopanmâ ge.” dâyi. <sup>38</sup> Hain dâm Yesugât lâwin ulikŋân hin dâm kulemgom kali, “Ire Yuda yeŋgât luâk kembu.”

<sup>39</sup> Akto bâleŋe meme siâ Yesugât enemŋe biken lâwinân kombiâ kilep arekŋe hainâk Yesu dewunŋân gem hin dâep, “Bundâk, gâ Anutuŋe huŋgun giŋdo damun nenŋe akberâm gien akto âmâ tân netkumenâ nen hârok sopanmâ gene.” dâep. <sup>40</sup> Hain dâmbo galaŋe siâ Yesugât enemŋe biken kombiâ kilep arekŋe hin dâm galaŋe are maganep, “Gâ bugâgât pat aktât arekŋe gain gain akmâ Anutugât hamep bo akmâ hain dât? Amâ

bo agakņe aktât. <sup>41</sup> Net âmâ dosanetņe tat netkiâp aregât wan me wan aknetkimbiâ âmâ ârândân aktâp. Dâ luâk ire âmâ dosaņe bo ina hanâk agaņdâi.” dâep. <sup>42</sup> Hain dâm maganņmâ benņe Yesu hin maganņep, “Yesu, lâuwânņe damun nenņe akberâm miawakmâ gewiat sop ain nânġât nânġâ niņben.” dâep. <sup>43</sup> Hain dâmbo Yesuņe hin maganņep, “Bunņe makġiņdere nânġâ. Hinņe emet boâk dâġâmbo mom Anutuņe tatmawân arim tatberet.” dâep.

*Yesu moep.*

<sup>44</sup> Hain dâmbo hilâm tânâmņe akto ain dewutâ are heambukto hândâk agep. Hândâk akmâ yendo enġainņe agep. <sup>45</sup> Akto hândâk agep ain sumbe kat kat emetņæet dawalaunņe aregât sânġum kâlep humo tigiyi arekņe tânâmņânba hionakmâ bikņe bikņe agep. <sup>46</sup> Hain akto Yesuņe hin dâep, “Apo, otnene ġânġâlân purik kalâkġât nânġân.” hain bâin dâm manmanņe palep. <sup>47</sup> Panakto tembe loko yeņġât humoņe ekmâ nânġâm âmâ Anutu maņganmâ hin dâep, “Bundâk, luâk ireġât dosaņe bo.” dâep. <sup>48</sup> Hain dâmbo luâk kâmot humo are ekberâm togo kili arekņe kulem miawagep are ekmâ biwiyenņe bâlimbo nânġâm bâlim ariyi. <sup>49</sup> Akto Yesuġât nânġâm âmbâle bikņande Galilaia hân hep-unmâ Yesu watmâ togoyi yâk olowâk kâlewânġen kinmâ kulem miawagep are ekmâ nânġâyi.

<sup>50</sup> Akto luâk siâ malep kotņe Yosepe, are Arimataia kipia Yudaia hânân talep ain ġâtņe. Akto yâk Yuda yeņġât kaunsoli mali yâk yeņġâlân ġâtņe. Akto luâk are âmâ âlepņe gala konok malep.

<sup>51</sup> Hain ġârâmâ galalupņande Yesuġât den makmâ

hâreanmâ kombiâ moâk dâmbiâ âmâ biwiñande nângâmbo ârândâñ bo agep. Hain akmâ Anu-tuñe damun nenñe akbiap aregât ukenñe nângâm lâmgom malep. <sup>52</sup> Luâk arekñe Pilatogâlân arim Yesugât hâkñe mem arim hangowerâm aregât magañep. <sup>53</sup> Magañdo âlepñe dâmbo arim lâwinânba mem gem sânğum kau kau siânñe katipkom lokom arim kât dâpñe siâ sumgât dâm kepikmâ hepunbiâ yân kilep ain kalep. <sup>54</sup> Ain âmâ hole amâ âi meme sopñe bo dâm aregât Yesugât hâkñe ain kalep. <sup>55</sup> Akto emet dâgâmbo âmâ âmbâle bikñe Galilaia hân hepunmâ Yesu watmâ togoyi arekñe Yosepe olop arim Yesu sumân kalep are egi. <sup>56</sup> Ekmâ tu higenñe âlepñe are puligowerâm aregât kipiangen purik katmâ ariyi. Akto Moseñe den kârikñe siâ kulengoep are hin, “Sarere akto ain âi bo ketugum yân tatmâ nângâwi.” den are lokom kipian yân tatmâ nângâyi.

## 24

### *Yesu momoñânba agalep.*

<sup>1</sup> Akto sonda hândâk pipiñe tatoâk âmbâle arekñe tu higenñe pindindiñ dâm yendo are mem sumângen ariyi. <sup>2</sup> Arim ekbiâ kât humo siânñe lâm dâpñe tigiyi are hindakmâ siângen arimbo launñe miawâk kilep. <sup>3</sup> Hain akmâ kindo gem Yesugât undâgâli. <sup>4</sup> Undâgâtbiâ bo akto kinbiâ ainâk añelo lâuwâ hâk pekeyetñe kau kau dondâ arekñe miawakmâ kiliat. <sup>5</sup> Kinbela yelekmâ hamep akmâ kânğom kinbiâ hin dâm makyengiyiat, “Ye wangât golâ mandâp aregât undâgâtâm sumân togo kindâi? <sup>6</sup> Yâk iren bo yendâp. Emelâk agatmâ

ariâp. Akto uliknân Galilaia hânân manmâ den makyenġiep are nelâm yenġiep mon? Emelâk hin dâm makyenġiep,<sup>7</sup> “Luâk akmâ geân nâ menekmâ makbiâ luâk bâlenġande nugumbiâ mombian. Mondere hilâm âlâwu bo akto sumânba agatbian.”<sup>8</sup> hain dâm makyenġiminep.” dâyat. Hain dâm makyenġimbela biwiyenġe pârônġ dâmbo den are nânġâm henġemgoyi. <sup>9</sup> Nânġâm henġemgom sum are hepunmâ purik katmâ arim Aposololupġe bât bip bip hârok keiân konok are akto olowâk mali yâk den pat are makyenġiyi. <sup>10</sup> Akto âmbâle are kotyenġe âmâ hin. Maria Madala kipian gâtġe akto siâ Yohana, akto siâ Maria Yakobogât memenġe. <sup>11</sup> Yâkġe âmâ lâulupyenġe bikġe olop arim Aposolo den pat are makyenġiyi. Makyenġimbiâ nânġambiâ bunġe bo agep. <sup>12</sup> Hain akmâ Petoroġe agatmâ sumânġen pârġim arim sâġgum lâuwâ arekġe konok talep are ekmâ nânġâ nânġânġe gulip akto emetġân purik kalep.

*Yesuġe galalogâtġe olop ariep.*

<sup>13</sup> Akto hilâm ainâk Yesugât kâmot are yenġâlân gâtġe lâuwâ siânġe Emausi kipia Yerusalem kipia okotġânġen talep ain ariwerâm ariyat. <sup>14</sup> Arim dâwân wan me wan miawagep aregât maganġi goanġi akmâ ariyat. <sup>15</sup> Arim maganġim ai agum bao guto manbela dâwân Yesuġe penâyetkimbo olowâk ariyi. <sup>16</sup> Arimbiâ Anutuġe nânġâ nânġâyetġe mem gisapkombo yâk bo ekmâ nânġâyiat. <sup>17</sup> Hain akbela aiyetkum hin dâep, “Gain gain? Niġaet maganġi goanġi aktat?” dâmbo hâme yetġe bâlimbo kiliat. <sup>18</sup> Hain akmâ kinmâ luâk siâ kotġe Keleopa arekġe aikom hin dâep, “Yerusalem

kipiangenba Sarereân togoyi arekñe den pat ire makbiâ luâk âmbâle hârokñe nângâm mandâi. Dâ gâmâ gain gain akmâ bo nângâm mandât?” dâep. <sup>19</sup> Hain dâmbela aiyetkum hin dâep, “Wan denñe?” dâambo dâyat, “Yesu Nasarete kipian gâtñande hin agep aregât den pat. Yâkñe âmâ Anutugât hon bawa humo malep. Manmâ Anutugât dewunñan akto luâk âmbâle yengât dewunyenñan den âlepñe magep akto âi kârikñe ketugum malep. <sup>20</sup> Hain akmâ mando sumbe kat kat luâk humomolupyene akto humomolupnenñande moâk dâm makmâ hâreanmâ kiapgâlân katbiâ makto lâwinân kombiâ moep aregât den pat maganji goanji akmâ mandet. <sup>21</sup> Akto nengât gasalupnenñe yengum watyekto ariwai hain nângâyion ina kombiâ mondo mandenñe emelâk hilâm âlâwu bo aktâp. <sup>22</sup> Akto unjak nengâlân gâtñe âmbâle bikñande den siâ maknetkimbiâ nângâm han lâuwâ aktet. Amâ hândâktâk âmbâle arekñe Yesu hâkñe ekberâm sumângen arim <sup>23</sup> undâgâtbiâ bo akto purik katmâ togom hin dâi, “Anjelo lâuwâ siânje miawak nengim Yesu momonânba agatâp.” dâm maknengiâi. Hain maknengimbiâ nângâenñe dâtñe aktâp. <sup>24</sup> Aregât nengâlân gâtñande den maktâi hainâk arim mem miawaktâi. Akto ikinje âmâ bo ektâi.” dâyat. <sup>25</sup> Hain dâm maganbela hin dâep, “Han biwiyetñe pâlâmñe akto nângâ nângâyetñe umatñe. Emelâk Anutunje den dâambo kulemgoyi are nângâm ewum hâumgombela ârândân bo aktâp. Haingât hin maktere nângâet. <sup>26</sup> Bundâk Anutunje hungun anjo giep are hâk hilâlâm kakñan manmâ mom agatmâ himbimân âgâwiap.” dâep. <sup>27</sup> Hain dâm

ulik gulik Mose akto propete bikɲande Anutuɲe hunɲun aɲdo gewiap aregât den kulemgoyi aregât keiɲe makyetkim ikinjaet pat makmâ miawakmâ metiep.

<sup>28</sup> Hain akto arimbiâ Emausi kipia are tâlâguep. Tâlâgumbo hepun yelekmâ ariwerâm agep. <sup>29</sup> Hain akto âmâ hin dâyat, “Emet dâgâwerâm aktâp aregât olowâk tatne.” dâmbela emelan olowâk âgâyi. <sup>30</sup> Âgâm sot nemberâm akmâ ge tatmâ sot ogoɲe siâ mem munditmâ Anutu mepaiɲe mem sot yetkiep. <sup>31</sup> Yetkimbo ainâk biwiyetɲe pâroɲ âgâmbo ekmâ nâɲgâyat. Ekmâ nâɲgâmbela benɲe ainâk heambugep. <sup>32</sup> Heambukto makmâ maganɲi goanɲi akmâ hin dâyat, “Âo, dâwân to-goetɲe Anutuɲe makto kulemgoyi aregât keiɲe siâ siâ dâm maknetkimbo biwinetɲe agatâp.” dâyat. <sup>33</sup> Hain dâm dowâk agatmâ kipia are hepunmâ Yerusalem kipian ariyat. Arimbela hoɲ bawa bât biken konok are akto luâk âmbâle bikɲe olop mali arekɲe yelekmâ hin dâm makyetkiyi, <sup>34</sup> “Humo are bunɲe agatmâ Simonɲ miawaganɲep.” dâmbiâ <sup>35</sup> Humoɲe dâwân penâyetkim sot ogoɲe siâ mem munditmâ yetkimbo âmâ ekmâ nâɲgâyat aregât den pat are makyenɲiyat.

*Aposololupɲande Yesu egi.*

<sup>36</sup> Den hain makyenɲimbela tatbiâ Yesu ikinjak hutyenân miawakmâ kilep. <sup>37</sup> Miawakmâ kindo ekmâ sân sân mem hamep akmâ hin dâyi, “Otno siâ togoâp.” dâyi. <sup>38</sup> Hain dâmbiâ hin makyenɲieɲep, “Wangât biwiyenɲe agatmâ hogoâp? Nâ nunak togoân. <sup>39</sup> Keine bâtne ire ekɲet. Howai nekmâ nâɲgâm heɲgemgoɲet. Nâ otno bo.” dâep. <sup>40</sup> Den

hain makyengim bânje keiye koyi are hekat yengimbo <sup>41</sup> benje biwiyene herone nângâm han lâuwâ agi. Hain akmâ, “Ire bo agakne” dâyi. Hain dâmbiâ aregât hin dâep, “Sot siâ tatâp me bo?” dâambo <sup>42</sup> injan siâ oyi are wani. <sup>43</sup> Wanjiâ nendo egi. <sup>44</sup> Nem metem hin makyengiep, “Emelâk ye olowâk manmâ âmâ den makyengiân Mose akto propete luâk bikne akto Dawidi yâkne nângât nângâm den kulemgoyi are hârogâk bunje akberâm aktâp.” dâm makyengiep. <sup>45</sup> Hain dâm makyengim Anutugât den uliknân kulemgoyi aregât nângânet dâm nângâ nângâyeje mem hulaŋdo den are nângâm hengemgoyi. <sup>46</sup> Akto hin dâm makyengiep, “Propeteje nângât hin kulemgoyi, “Anutune hungunaŋdo gewiap are hâk hilâlâm nângâm mondo hilâm âlâwu bo akto ain momonânba agatbiap.” <sup>47</sup> Akto aregât den pat âlepne arekne sambelem hân hârok arimbo âmâ agak meme bâlene yâkgâlânâk panbiâ arim kindo bâleyeje makmâ miawakbiâ dosayeje hepun yengiwiap. Akto maktere nângânet. Uliknân nângât den pat arekne Yerusalem kipia ainba <sup>48</sup> arim hânje hânje ariwiap. Akto âi mendere miawakto egi are makyengiwi. <sup>49</sup> Akto Ewenande ikiye Heakne âlepne are yengât hungun anbiap aregât pat kat yengiep are hungun andere gewiap. Aregât kipia ire bo hepunmâ yân lâmgom manbiâ indâgen miawakmâ gem memene akyengimbo wâtŋân kinbai.” dâep. <sup>50</sup> Hain dâm oloŋ yekmâ Betania kipia ewumâk arim âmâ bânje panmâ mem kârikne ketugu yegep. <sup>51</sup> Mem kârikne ketugu yekmâ hepunyekmâ himbimân âgâep. <sup>52</sup> Âgâambo

biwiyenê heronê humo akto nânğâm purik katmâ  
Yerusalem kipian ariyi. <sup>53</sup> Purik katmâ arim  
sumbe emetnân âğâm Anutugât kotne mem agali.



**Yusugât Pat Âlep Den**  
**The New Testament in the Timbe Language of Papua**  
**New Guinea**  
**Nupela Testamen long tokples Timbe long Niugini**

copyright © 1987 Wycliffe Bible Translators, Inc.

Language: Timbe

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-10-23

---

PDF generated using Haiola and XeLaTeX on 22 Feb 2024 from source files dated 31 Aug 2023

03f82704-6ad1-5094-a78e-e240d9f2d4f8